

39630/8

D. XIII. c
18

15/1/1

26/3/4

48

J. Gregorie. L. B. 171. 5.
pr: 7 fl.

48531

DE PRÆCIPUIS HUMORIBUS,
QUI HUMANO IN CORPORE REPERIUNTUR,
DEQUE EORUM HISTORIA,
QUALITATIBUS ET OFFICIIS
EXERCITATIO
JOSEPHI DEL PAPA,
REGIÆ CELSITUDINIS
JOANNIS GASTONIS,
MAGNI DUCIS ETRURIAE
ARCHIATRI,
NEC NON IN PISANA UNIVERSITATE
PUBLICI MEDICINÆ PROFESS.

Accedit

HIERONYMI BARBATI
EXERCITATIO
DE
SANGUINE
ET
EJUS SERO.

LUGDUNI BATAVORUM,
Apud CONRADUM WISHOFF,

MDCCXXVI.



AD LECTOREM.

I*N*signem Exercitationem hanc de præcipuis humani corporis humoribus, jampridem ab eximio Viro JOSEPHO DEL PAPA conscriptam, tandem aliquando fors nobis obtulit. Atque cum ex ea, ut arbitrantur Sapientiæ Professores, non parum utilitatis capere possint Medicinæ studiosi, ipsam idcirco libenti animo typis mandamus. Doctrinæ copia, eloquentiæ vis, & lucidus ordo, quibus doctissimus Auctor abundat, satis superque ostendunt, quale sit ejus ingenium, quod à primævo juventutis flore ad senium usque, tantâ solertiâ tantâque assiduitate, inter bonarum Artium, & Scientiarum studia tempus contrivit, ut summum, ac perdifficile virtutis, & gloriæ fastigium attigerit. Excipe igitur, benigne Lector, hunc tanti Viri laborem, dum alios, atque alios egregiæ mentis suæ fructus speramus nos publici juris esse facturos.

LECTORI EDITOR.

BInos heic, Lector benevole! Tibi Tractatulos offero, a claris Italiae Luminibus quondam conscriptos; qui, uti nostris haecenus, quantum novi, in oris nunquam impressi, hinc rariores sunt, ita luce tamen digni videbantur: quum, testantibus rerum peritis, nec inutile sit, de quo agunt, argumentum, nec inconcinne pertractatum. Ea hodie laeti vivimus tempora, quibus pulchriora quaevis sive veterum sive recentiorum scripta, ad artem Medicam spectantia, & sollicitè conquiruntur, & justo quoque in pretio habentur. Inde est, quod operam hancce meam tanto aequius a Philiatris exceptum iri confidam; siquidem ea usibus ipsorum promovendis maxime dicata sit. Quantumvis enim prior *D. Josephi del Papa* de Humoribus Exercitatio nullam sibi haecenus in Belgio nostro famam acquisiverit; id tamen a sola ejus ignoratione forte profectum dignitati nihil videtur posse detrahere; quin potius nos eo magis incitare debuit, ut eundem Orbi Medico sisteremus facile parabilem. Quod vero ad posteriorem *H. Barbatii* tractatulum attinet, novi equidem hunc a Celebratissimo Medicinae hac in Academia Professore, Magno Boerhaavio, in lectionibus de Methodo discendi Medicinam olim publice habitis, non sine laude commemoratum commendatumque fuisse, semper tamen rariorem, magno satis, pro mole libelli, pretio venisse, siquando in vendendis Bibliothecis forte occurrebat. Ob materiae igitur affinitatem hunc priori jungere constitui. Tu, Lector benevole! utroque fruire, & vale!



JOSEPHI DEL PAPA

EXERCITATIO

DE HUMORIBUS.

CAP. PRIMUM.

Veterum Medicorum sententia de quaternario humorum numero expenditur.

QUoniam in primis usque temporibus insignes fuere Medici quadruplicem humorum numerum denegantes, & asserentes, unicum tantum humorem esse, nempe sanguinem; idcirco Princeps Medicorum Arabum Avicenna, suo in Opere de humoribus propriam confirmaturus sententiam de quadruplici humorum numero, ratione utitur, & experimento. Rationem autem ex eo desumit, quod si unus esset humor, qui universas aleret corporis partes, foret, ut omnibus partibus una esset, communisque temperies; cum verum sit, nutriendum debere assimilari partibus nutriendis.

dis. Atqui partes corporis varia ad invicem possident temperamenta; non unicus igitur humor, hoc est sanguis, in corpore ponendus est.

Experimento autem quadruplicem humorum numerum probat, quia sanguis per incisionem è vena quapiam extractus, & in pelvim collectus, ab it sponte sua in dissimiles partes, præcipuè verò in quatuor, quarum alia tenuis, subrubra & fervida, per summa innatans, quæ flava bilis est; alia in imo subsistens, crassa, subnigra, ac verè terrea, atra nempe bilis; alia medio situ in istarum mediocritate consistens, sanguis videlicet, per quas & quædam portio crudior effusa est, pituitam puta, quibus denique pars quædam fluida sæpè adjungitur, quæ serum est, quæque per renes ab eodem sanguine sejungitur. Hæc Avicenna. Nos autem, quibus nunquam hujusmodi Veterum sententia arrisit de quadruplici numero humorum, supradicti ratio-cinii, & experimenti fallaciam detegere nunc ag-gredimur.

Quòd ergo primùm spectat ad rationem desum-tam ex diversitate partium nutriendarum, ea qui-dem videtur nobis inutilis omnino, & inanis. De-mus enim, diversas corporis partes non ab uno san-guine nutriri posse, sed varios requirere alentes hu-mores, an hinc deducitur, humores corporis quatuor esse, nec plures, nec pauciores? Cur potius, non plurimos? tot scilicet, quot nutriendis partibus correspondeant? Poteruntne innumeræ partes cor-poris tam variæ ad invicem, atque dissimiles ex so-lis quatuor humoribus productionem, nutritionem-que recipere? Dicent id fieri posse; sed cur non
etiam

etiam ex unico sanguine opus hoc absolvi potest? Eadem enim summa disparitas reperitur inter universa membra corporis, & quatuor tantum humores alibiles, quæ adest inter eadem membra, & unicam sanguinem.

Siquidem opus est nihilominus, quod plures partes, ac diversâ temperie præditæ, ab unico nutrantur humore, quod est, quod negatur ab Antiquis. Sed quid, si sanguis non unicus sit, & homogeneous, sed multiplex, atque dissimilis? quid, inquam, si ad massam sanguineam conflandam, non quatuor, sed multa, ac multa concurrant genera principiorum, & amara scilicet, & dulcia, & falsa, & insipida, & calida, & frigida, & lenia, & aspera, aliaque hujusmodi innumera, ut alibi innuimus de temperiebus loquentes? eruntne tantum quatuor humores in sanguine reponendi? an facilius explicari non poterit, quomodo ab unico sanguine universæ partes corporis nutrantur? Unicus pariter succus est, qui intimas alicujus arboris venas pervadit, & tamen ipse unicus producit, alitque corticem, medullam, folia, flores, fructus, aliasque non paucas ipsius arboris partes dissimiles, quodque magis mirandum est, unicus ille succus non modò dissimiles ejusdem arboris partes alit, ac gignit, sed partes etiam plurimas aliarum arborum diversarum specierum, quæ jam in prima arbore artificio hominum insitæ sunt.

Neque verò abundè probatum est nutritas partes corporis eadem habere temperamenta, quæ in nutrientibus humoribus reperiuntur; potest enim in nutritione ipsa talis fieri alteratio substantiæ eo-

rumdem humorum, ac talis transpositio particularum eos componentium, ut pereant penitus qualitates, quæ in iisdem humoribus aderant ante nutritionem, & aliæ omninò diversæ virtutes oriuntur. Coturnices, capræ, aliaque non pauca animalia vescuntur cicutâ, & aconito, herbis quidem venenosis, atque mortiferis, nec tamen venenosâ eorum qualitate inficiuntur, neque coturnicum, caprarumque caro, aut sanguis venenosus est hominibus ipsum comedentibus. Quomodo ergo nutritæ partes iisdem pollent temperiebus, & qualitatibus, quæ in alentibus rebus existunt? Nonne etiam venenosa animalia, ut viperæ, scorpiones Africani, aliaque hujusmodi plura innocuis cibis nutriuntur, & tamen ex illis cibis haud venenatis humores aliqui in eorum corporibus producuntur, qui toxico abundant? Aliunde ergo, quam à facultatibus, ac temperiebus nutrientium rerum, deducenda est ratio facultatum, ac temperamentorum partium nutritarum, quæ quidem potius oriuntur a diversa combinatione, ac transpositione particularum res nutrientes componentium. Nam quemadmodum lateres, cæmenta, trabes, lapides, & cætera, dummodò variè uniantur, transponanturque, possunt commodè & templum, & theatrum, & turrim producere; sicuti eadem serica filamenta pro diverso textoris artificio varia possunt sericorum pannorum genera repræsentare; ita pariter ab unica tantum humorum materia, ac substantia, plures possunt corporis partes produci, ac nutriri, licet partes ipsæ dissimilibus polleant temperiebus, virtutibusque. Nullius ergo roboris censenda est ratio

EXERC. DE HUMORIBUS. CAP. I. 5

tio Avicennæ, aliorumque Veterum, quaternarium humorum numerum adstruens, cum nec quatuor tantum humores tot partibus nutriendis sufficiant, juxta illorum doctrinam, cum sanguis unicus, dummodò dissimilibus constet particulis, aptior sit nutritioni, cum demum, licet unicus sit sanguis, & homogeneus, possit tamen dissimilium membrorum nutritionem commodè absolvere.

Nunc verò ad experimentum devenientibus nobis, multa obvia sunt circa illud notatu digna.

Et primùm quidem animadvertimus, quod, etsi concedatur spontanea resolutio sanguinis in quatuor diversa corpora, hoc est in quatuor humores, adhuc tamen de humorum multiplicitate majori dubitari meritò potest; illud enim corpus, quod bilem vocant, non unius esse substantiæ, sed in plures abire materiarum species, probant chymica experimenta, quod pariter de alia substantia, quam sanguinem dicunt, nec non etiam de bile atra, de pituita eadem chymica experimenta demonstrant; quin etiam eadem substantiæ procul ab omni artificio, sponte sua sese diversis constare partibus, clarè ostendunt. Nam si pars illa sanguinis, quam melancholiam vocant, a cæteris sejuncta in pelvim reponatur, abit in partes plurimas, diversis præditas qualitatibus, consistentiâ scilicet, colore, sapore, aliisque similibus, idque etiam in tribus reliquis sanguinis portionibus accidit. Si ergo quilibet ex quatuor creditis humoribus, massam sanguineam constituentibus, variis, variisque ultrò componitur generibus substantiarum, cur sanguinem non quatuor tantum, sed pluribus, pluribusque substantiis

coalitum non judicamus? Dicent fortasse non adeò exactam sanguinis resolutionem esse inspiciendam, sed eam solummodo, quæ sese primo exhibet, & quæ parùm a sanguinis natura recedit. Atqui si ita est, cur potius non asserimus, substantiam sanguinis unicam esse, cum unicus cruor sit, qui in venis residet, videaturque ubique idem esse, ac sibi perfimilis, statim ac è venis educitur? Et quidem cum agitur de nutritione partium corporis, incongruum est sanguinem inspicere superficie tenùs, sed inspicienda est intima sanguinis constitutio, & latentes, abditæque ipsius partes sunt detegendæ; nutritio enim intimum opus est, & absconditum, quod per exquisita instrumenta & per selectissimam sanguinis materiam perficitur.

Lubet verò nunc singulas quinque supradictas in sanguine apparentes materias breviter ad calculum revocare. Et primum de fluida illa portione, quam serum sanguinis dicunt, aptum per renes excerni, tamquam aliquid excrementitium, animadvertimus debere illam aliter existimari, cum nullæ in ea adsint proprietates urinæ. Nam, ut præteream aciditatem, & falsedinem, urinæ semper conjunctas, in hac non observari, illud potissimum discrimen minimè est prætereundum, quòd quælibet feri portio, si igne decoquatur, induit concretionem, adeo ut crassitie, & colore non absimilis fiat albumini ovorum; hæc autem proprietas nullo modo inest urinæ, ut notum est. Ex quo deducamus oportet, fluidam hanc sanguinis portionem falsò aqueam appellari, quod enim ad ignem concrefcit, aqueum non est. Præterea quid illud est, quod totus sanguis,

guis, statim ac è vena in pelvim effunditur, integrè, & undequaque concrefcit, nec minimum primò apparet hujufce fluidæ fubftantiæ, & aquofæ a reliquis partibus fejunctum? Adfunt igitur in hac fluida fubftantia fibræ, adfunt ligamenta, quibus illius partes mutuò necti, & concrefcere poffunt, adeoque illam fimplex ferum, aut fimplicem urinam appellare non licet. Sed quid infuper de eo dicendum eft, quod docet experientia, totam fcilicet fanguinis maffam progreflu temporis ferè ex integro in hujusmodi fluidam fubftantiam faceffere? Dicemus igitur totum fanguinem ferum effe, totum effe aqueum, & aptum, ut per renes excerni poffit? Verùm ad quatuor primarios humores jam deveniamus.

Bilem vocant nonnulli, ut fupra dictum eft, partem illam cruoris, quæ in grumo fanguineo fuperiùs refidet, fubruba, nonnumquam flava fpu-
fcens; fed falfo quidem: non enim pars hæc cruoris fapit amarum, fed eodem prædita eft fapore, qui in reliquis concretis fanguinis partibus reperitur; eademque prorfus ab hac portione, quam bilem vocant, per chymicam resolutionem educuntur, quæ a reliquis; eadem illi infunt facultates, virtutes eadem, eadem illius corruptio eft, eadem confervatio; cur ergo non eadem quoque fubftantia? Non enim tantum colori tribuendum eft, ut ab illius diverfitate varietas fubftantiæ, ac materiæ fit arguenda. Color namque variabile quodpiam eft, & levi qualibet ex occasione mutatur, abfque eo quod fubftantiæ qualitas, ac natura infig-niter alteretur. Si vitrum, aut cryftallum in minima contundantur,

quod priùs erat perlucidum, statim opacum fit, & albescit quacumque in minima fui parte, & tamen eadem servatur vitri, aut crySTALLI substantia, eadem vis, ac natura.

E contra verò interdum fit, quòd res absque ulla coloris variatione, mirificam subeant varietatem substantiæ, virium, ac facultatum. Quantum enim discrimen est acetum inter, ac vinum, non modò quoad saporem, & odorem, verum etiam quoad virtutes, & facultates? & tamen, dum vinum acescit, color idem servatur.

Missa facimus exempla plurima, & experimenta id certò probantia, missamque facimus de coloris natura disputationem, in qua, sicut in Phycis nostris peractum est, clarissimè possemus ostendere, colorum diversitatem à diversa lucis reflexione produci; quare cum lux ab externa corporum superficie ad oculum reflectatur, fieri potest, quod absque ulla corporum intrinseca alteratione, extima tantum superficies utcumque alteretur, atque ita corpora coloris mutationem patiantur. Hoc ergo illud est, quod nunc innuere volumus, ideo scilicet sanguineum grumum in superiori parte subrubrum, in medio floridum, in imo nigrum apparere, quia diversa sit hisce in partibus lucis ad oculum repercussio, non autem, quia diversa hisce in locis sanguineæ substantiæ natura reperiatur. Quibus commemoratis, faciliter ratio deduci potest, cur in unica, eademve ubique substantia sanguinis talis hæc colorum varietas reperiatur; ideò namque superior pars sanguinei grumi rubescit, quia major ab ea parte lucis reflexio fit ad oculos ob duritiem superficiem su-

pe-

perioris; è contra verò inferior portio nigrescit, quia
 in his partibus plurimum remanet lucis, parum autem
 reflectitur ob mollitiem, & laxitatem substantiæ in
 ima illa parte residentis. Cum enim superior san-
 guinis pars aëre circumvestiatur, ideò ab ipso aëre
 exsiccat paululum, induitque veluti crustam, seu
 pellem luci imperviam, imæ verò partes, cum un-
 dique innatent in humore illo seroso alibi exposito,
 diutiùs propterea retinent nativam mollitiem, adeò-
 que a luce pervadi possunt facilius, quæ omnia adeò
 certa sunt, ut nihil certiùs possit haberi, & oculis
 omnino pateant: dissecto enim sanguineo grumo in
 plures laminas, iisdemque sejunctim positis in pro-
 priis locis, cernere est, eas quoque laminas, quæ
 totæ ex nigra portione sanguinis componebantur,
 acquirere in extima superficie ruborem illum, qui
 in superiore tantum parte sanguinei grumi appare-
 bat, idemque sequitur, si grumus ipse invertatur,
 adeò ut inferior, & nigra pars superior evadat, fit
 enim post breve tempus, ut pars illa nigra rubescat.
 Helmontius narrat, se, extractis duodecim unciis san-
 guinis, sex uncias reposuisse in quodam vitreo vase,
 sexque alias in alio vase persimili, quorum unum
 in tepente aqua detinuisse, aliud verò in frigida, ait-
 que se observasse, sanguinem in tepida aqua deten-
 tum nigredinem subiisse, illum verò, qui in frigida
 resedit, rubore maximo fuisse perfusum, hujusque
 effectus satis elegans ratio ab eo adducitur, quod in
 sanguine tepido nulla potuerit aut crusta, aut pel-
 lis efformari, in frigido verò insignis enata sit, ideò-
 que ab illo parùm lucis ad oculos reflecti potuerit,
 ab isto autem multum. Hic enim illud suppono,

quod juxtà superiorem doctrinam certissimum est, in eo scilicet differre nigredinem ab albedine, quod nigredo sit minima lucis reflexio, albedo verò maxima.

His autem, quae circa colorum varietatem prolata sunt, uti possumus eodem modo ad eorum sententiam infirmendam, qui, ut in sanguine tueantur suos illos vulgatos humores, dicere solent interdum bilem prae caeteris maximè conspicuam esse, ac se se obviam facere, ubi nempe fluida pars, & serosa sanguinis flava conspicitur, ut nonnunquam fit; hoc enim loco repetere possumus varietatem hanc coloris id certo non indicare, praecipuè cum comperiat in hac flava substantia vigere eundem saporem, eundem odorem, easdemve prorsus qualitates, quae reperiuntur in substantia fluida alterius sanguinis, quae non flava, sed alba sit. Ut omittamus portionem hanc, licet flavam, nihilominus ad ignem concreescere, ut dictum est, quod opus fieri non posset, si foret bilis, qualis describitur a Veteribus. Quare rationi consentaneum videtur asserere, flavedinem illam ob aliquam accidentariam causam enatam esse, non vero ob naturam illius humoris, qui necessario flavus esse debeat, eo pacto videlicet, quo nonnunquam haec fluida pars non alba, nec flava apparet, sed viridis, sed caerulea, aliisque coloribus depicta. Neque vero illud audiendum est, quod dicere solent, substantiam hanc viridem esse bilem profecto, sed bilem porraceam, non flavam; etenim species haec bilis quam porraceam appellant, creditur vulgo, ac describitur [ut alibi docuimus] species bilis malignae, ac veneficae, quare oporteret illam solummodo reperi

periri in infirmis, ac febrientibus corporibus, non autem in sanis, ac benè valentibus, cui experientia refragatur, nec minora quidem occurrerent dubia adversus humorem quartum, nempè pituitam, quae tamen praetermittere volumus, cum ex hætenus habitis faciliter deduci possint. Illud solummodo commemoramus, viscidam illam, ac glutinosam portionem sanguinis, quam pituitam vocant, non frigidam, & humidam esse, ut dicunt, sed non modico resectam calore, nam ut Joannes Faber testatur, praeclarissimus chymicus, ex hac ipsa substantia extrahi potest multum salis volatilis, ac fixi, quae res caloris, non autem frigoris indicia sunt.

Videtis ergo qualis, quantaque sit doctrinae incertitudo penès illos, qui quatuor tantum humorum speciebus coalitum sanguinem arbitrantur; neque enim melioris notae sunt ea ratiocinia, quae ad eorum sententiam probandam ex quadruplici elementorum numero solent desumere; ut enim praetereamus incertum esse, an quatuor vulgaria elementa necessario debeant ingredi sanguinis compositionem, reticendum non est, quod in Physicis probavimus, quatuor haec elementa non prima, ac similia corpora esse, sed ex aliis, ac dissimilibus partibus constituta, proindeque, etiamsi concedatur sanguinem hisce quatuor elementis componi, non est tamen cur fateamur, illum in quatuor tantum partium, humorumque speciebus consistere, sed in aliis, aliisque pluribus, in tot scilicet, quot spectant ad genefim, & compositionem elementorum. Nam quemadmodum absurdum foret existimare, nostris in corporibus tot esse species hu-
mo-

morum, quot sunt species rerum, quibus alimur, & nutrimur, eo quod cibi ipsi non prima corpora sunt, sed ex aliis composita; ità eodem jure ridiculum est humorum numerum desumere à numero elementorum, quæ paritèr sunt ex aliis corporibus constituta.

Quibus ità statutis, devenimus jam ad certiore[m] doctrinam de humoribus exponendam, illudque primum iterum, iterumque commemoramus, videri nobis admodum rationi congruum, unicum tantum humorem in animalium corporibus admittere, sanguinem scilicet. Sanguinis autem appellatione non aliquam sanguinis partem specialem intelligimus, sed fluidum illud in arteriis, venisque corporis contentum, ac per idem corpus perpetuo fluens, ac refluens, ob impulsu[m] à corde receptum. Sanguis autem hic non omnibus animalibus idem est, sed varius, atque dissimilis; licet enim plerisque in animantibus ruber sit, ac floridus, sunt tamen aliqua, quibus totus albus est, & nonnunquam etiam totus flavus, ut in ostreaceis, in insectis, ac piscibus nonnullis; interdum subtilissima substantia est, ac summe liquida, interdum vero multum crassa, ac lentore prædita. Hisce autem discriminibus non obstantibus, in universis animantibus sanguis adinventur, & hoc nomine appellari debet; quicumque enim sit, id sufficit, ut per arterias, & venas eorum animantium contineatur, feraturque per eorum corpora affiduè, oriens scilicet à corde, & in cor regrediens.

CAP. II.

De compositione Sanguinis intima.

ITaque fluidum hoc, quod in universis animantibus reperiri, quodque sanguinis appellatione habendum statuimus, non unicum ubique esse, & homogeneum, sed dissimilibus coalitum partibus, nemo est, qui denegare audeat, aut possit: id enim certo probant, & ipsius resolutio, & genesis; probant ea, quæ ab ipso dimanant, ac secernuntur in corpore animalis; probant denique alterationes, quibus illud obnoxium est. Etenim quod est unicum, & simile, maxima cum difficultate corrumpitur, alteraturque, neque in partes dissimiles facessere valet, sola enim componentium particularum diversitas, cum ad figuram, tum ad pondus, & magnitudinem spectans, illa est, quæ in compositis destructionem, & alterationem parere potest, scilicet graviores partes minus gravibus cum sociari nequeant absque vi, ac repugnantia, conantur propterea assiduè, ut mutuo dislocientur, ac sejungantur quousque compedibus superatis id consequantur non sine compositi alteratione, & interitu; hinc est, quod sinceriores substantiæ, ac magis similes diutius quoque servantur, ac durant, ut spiritus ferè omnes, & alia per ignem ex rebus extracta; quare cum sanguis levi qualibet de causâ alterationem subeat, destructionemque, cum insuper ab eodem sanguine plures secernantur dissimilium fluidorum species, in statutis quibusdam visceribus corporis illum non unicum,

cum, & similem, sed multiplicem, atque dissimilem statuere necesse est. Sed quænam sint hujusmodi dissimiles sanguinem efformantes particulæ, quæret fortasse aliquis, sintne scilicet solidæ omnes, sintne potius fluidæ? Hic vero ne prolixam aggrediamur disputationem de compositione fluidorum, rem paucis perstringimus, asserimusque, sanguinem, ac fluida corpora universa non liquidis, sed solidis, durisve partibus efformari. Hoc autem comprobantes rationes, etsi plurimæ sint, quæ possent in medium afferri; lubet tamen unicam, aut alteram solummodo innuere. Et quidem potissima ratio ea est, quæ à prima rerum omnium materie desumitur; incongruum etenim omnino est prima rerum semina fluida existimare, nam quod fluidum re vera est, nunquam solida corpora potest producere; quod vero solidum est, & solida, & fluida composita indiscriminatim constituere valet; nihil enim aliud interest discriminis solidum inter, & fluidum, nisi quod in illo partes, & prima corpora, cum solida sint, mutuo connectuntur, in hoc vero prima corpora, & solida nullo communi vinculo copulantur, sed mutuo sejuncta, ac solitaria sunt; sed & illud quoque evidentissimum hujus rei indicium est, quod fluida corpora ferè omnia vi frigoris congelantur, induuntque soliditatem, quod opus fieri non posse videtur, si liquidorum partes primæ fluidæ essent, non solidæ. Neque enim hæremus hîc in qualitatibus refutandis, à quibus opera hujusmodi in corporibus produci falsò complures existimant; nimis enim suspectæ sunt apud cordatiores Philosophos qualitates hujusmodi, & quicquid

quid de earum natura credendum sit; illud quidem pro certo habetur, & sensui patet, fluida corpora dum conglaciantur, vinculum, & connexionem partium acquirere, quæ proprietates nonnisi cum primarum partium duritie concipi possunt.

Liquet ergo qualis sit compositio sanguinis reputanda, congeries scilicet complurium partium, quæ proprias etiam obtineant facultates, proprias magnitudines, propria pondera, sed diversis, ac diversis modis pro diversitate generum earumdem partium; quibus addendum est, partes ipsas, quouique sanguis fluidus detinetur, mutuo esse disjunctas, si non omnino, magna saltem ex parte. Quoniam vero fluiditas eidem sanguini propriissima non est, ac naturalis prorsus, cum sanguis ipse sponte suâ faciliter ferè ex integro concrefcere soleat, idcirco ad ipsius fluiditatem fervandam duas putamus concurrere causas, motum videlicet, & calorem; quamdiu namque sanguinis particulæ irrequieto aguntur motu, facilius est, ut nulla fiat inter ejusdem partes conjunctio.

Calor autem huic operi auxiliatur, siquidem & ipse iisdem particulis motum inducit, adeoque etiam dissidium, & disjunctionem, quemadmodum in universis aliis operatur corporibus, quæ ad ignem liquefcere possunt.

Hisce autem duobus sanguini fluiditatem elargientibus causis, & tertiam hanc adjungere congruum est, aqueam scilicet portionem perpetuo sanguini admixtam, & ipsius compositionem ingredientem, quæ pariter efficit, ut sanguis fluore sit præditus. Hanc vero aqueam substantiam in sanguine reperiri
pro-

probant experimenta ipsa, & sensus; sanguis enim in vase collectus, & ad ignem expositus, dum coalescit, plurimum aquæ exhalat, quæ arte potest colligi, ac secerni ab evaporatione ipsa; & quo magis aquea hæc portio a sanguine educitur, eò magis sanguis ipse concrescit, & exsiccat, talemque duritiem hoc modo, & soliditatem inducit, ut rubra ejusdem sanguinis pars lapidis speciem tandem præ se ferat, sitque friabilis in exigua frustula determinatae, & communis figurae. Serosa autem, & subalbicans portio sanguinis, tandem evadit ossea, & diaphana ad instar corneae laminae.

Hoc autem clariùs probatur destillatione ipsius sanguinis, cujus ope extrahitur aquea materies, quæ nullo modo ad ignem concrescit.

Nec prætereundum est, in eadem destillatione reperiri hujusmodi materiam urinae persimilem, tum quoad saporem, & odorem, tum quoad alias sensibiles qualitates; eoque præsertim, quod ab ista aquea portione sales plurimi extrahi possunt, qui sunt earumdem specierum, ac illi sales, qui ab urina ipsa educuntur. Cum igitur causæ fluiditatis in sanguine sint motus, calor, & aquea substantia, ex hoc deducamus oportet, majorem, minoremque fluiditatem sanguinis proficisci à majori, ac minori validitate, & abundantia ipsarum causarum; nam quoties accidit, ut sanguinis circuitus celerior fiat, toties evenit, ut sanguis evadat fluidior, ac subtilior, propterea quod sanguinem constituentes partes ob motum concitatiores magis, magisque dislocantur; quare in febribus plerisque, in quibus circulatio sanguinis celerior est, irregularis, ac perturbata, sanguis

guis attenuatur mirificè, idque etiam sequitur in iis hominibus, qui plurimum, & assiduè exercentur; at si è contra deficiat motus, tunc sanguis crassior evadit, ut in otiosis hominibus contingere experimur.

De calore autem non adeo clara res est; potius enim videretur sanguis à caliditate concretionem, non fluorem acquirere, cum superius ostensum sit, caloris ope sejungi posse à sanguine aqueam substantiam, quae ipsi sanguini plurimum tribuit fluiditatis. Sed tamen certum est, fluorem sanguinis per augmentum caloris adaugeri, per imminutionem diminui; calor namque ipse adauctus, motum sanguinis efficit celeriores, adeoque sanguinem ipsum efficit magis fluidum, ob rationes mox indicatas.

Deficiente vero caliditate, motus quoque sanguinis retardatur, proptereaque minus fluidus evadit. Cujus rei evidens indicium est, quod in calidis hominibus pulsus arteriarum, & cordis frequens est, in frigidis vero rarus; raritas enim, & frequentia pulsationum à tarditate, ac celeritate sanguinei circuitus ferè semper proveniunt. Neque tamen hic dissimulandum est, caliditatem extraneam sanguinis eo usque interdum pervenire, ut sanguinem ipsum propemodum comburere valeat, adeo ut nonnullæ partes ipsius fere ex integro solidæ fiant, & motionibus parum idoneæ; quod experientia docet non raro contingere in iis hominibus, qui frequentibus computationibus delectantur, cibariisque calidis abutuntur.

Sed tunc etiam illud sequitur, quod supra docuimus; nam licet aliqua portio sanguinis, præcipue

vero pars rubra, & quae magis concretioni apta est, ob immodicam caliditatem quodammodo exsiccata reperiatur, ac veluti tartarum repraesentet; reliquae tamen omnes, & majores quidem partes ipsius sanguinis adinveniuntur quam maxime fluidae, adeo ut in supradicto statu rerum, vix decima pars cruoris concretionem inducat, reliquae vero omnes solutae penitus, ac liquidae sint.

Fortassè enim ingens, & efficax caliditas sanguinis fibras disrumpit, atque ita sanguinem fundit, & colliquat, quo in opere gignuntur, sive conspicua fiunt tartara, ac faeces ipsius sanguinis, quae cum duriores sint, adeoque ab efficacia caloris disrumpi nequeant, magis potius exsiccantur, ideoque validiori nectuntur vinculo.

Lubet autem hoc loci animadvertere, aliquando sanguinem derepentè, ac subitanea quadam de causa fluiditatem amittere, aliquando vero fluidissimum fieri, & concretioni penitus ineptum, absque ulla caloris, motûs, & humiditatis mirifica alteratione, quod ob venenorum lethalem vim non raro accidisse testantur plures insignes Medici, & quod etiam in malignis febribus, ac pestilentibus saepius observare licuit.

Hujusce autem operis propriam causam adducere nemini fortasse licet, vel saltem nimis ardua est; illud tamen pro certo est habendum, supradicta opera fieri nonnisi cum maxima sanguinis alteratione intrinseca, eo scilicet, quod sanguinem componentes partes insigniter transponantur, & à consueto ordine, situ, & conjunctione removeantur; qui casus cum rarissimi sint, & ab extrinseca occasione
ortum

ortum ducant; non est idcirco, cur dubitare possimus de iis, quae superius circa sanguinis fluorem fuerunt adducta.

C A P. III.

De Sanguinis generatione.

Gigni sanguinem ex alimentis, ex illis videlicet rebus, quæ ad corporis conservationem intra stomachum reponuntur, certa res est penes Medicos universos; de modo autem, quo sanguis ipse gignatur, non adeò certa res est, cum etenim alimenta ipsa, priusquam in sanguinem transmutentur, alterationes plurimas subire debeant, quæstio est apud Medicos de harum alterationum operibus, ac de causis ipsarum. Primò namque exordium sumentes à digestionem ciborum, contraria sunt Medicorum placita. Veteres enim ferè omnes, qui potissima munera animati corporis, quin etiam vitam ipsam in nativa caliditate reposuerunt, opinati sunt, digestionem à calore fieri, eo modo, quo & caro, & alia plurima esculenta solent per artem ad ignem concoqui. Recentiorum autem plerique, qui nativæ caliditati corporis non tantum tribuunt, digestionis opus peragi volunt mediante fluido quodam in ventriculo existente, cujus ope cibaria digerantur, attenuentur, & fluiditatem aliquam sumant. Nos de hac re breviter loquuturi asserimus, probabiliorem esse postremam hanc opinionem, adeoque probabilem, ut ferè certa videatur; non enim calor idoneus est ad ea opera perficienda, quæ in

digestione fiunt: comburit namque caliditas res, & exsiccat potius, non autem molles reddit, ac fluidas; illudque etiam summoperè est adnotandum, solidas nonnullas materias, ut ossa, aliaque hujus generis in digestione tractabiles fieri, quod certè calor nequit efficere, ossa enim nullo modo ad ignem mollescunt, sed duriora magis, magisque fiunt.

Supradictum autem fluidum in stomacho reperiri cum certum sit, oportet ideò illius aliquem usum esse; usus vero hic non alius potest excogitari, quàm spectans ad digestionem ciborum, ad quod etiam respicit artificium naturæ, quo liquidum hoc in membranis ventriculi colligitur, & quo evomitur in stomachi cavitatem certo tempore, tunc scilicet, ubi stomachus cibis repletur. Nos igitur sententiam hanc libenter amplectimur, opinantes digestionis principium, seu præcipuum instrumentum esse liquidum illud, quod in glandulosa membrana ventriculi existit, quodque tempore repletionis ejusdem ventriculi in ipsius cavitatem per expressionem evomitur, idemque ad instar menstrui chymici cibos diluat, irroret, & conterat, atque in fluidam substantiam convertat.

Ipsi nonnulla alia instrumenta, tanquam auxilia ad operis perfectionem copulanda putamus, maximè vero peristalticum ventriculi motum, quo cibaria ipsa commisceantur, nec non etiam halitus, calidasque evaporationes emanantes à visceribus, & à vasis sanguineis ventriculo proximis, & adjacentibus, quæ cibos ipsos magis magisque attenuent, dissolvantque, & supradictum fluidum actuosius reddant.

Ne-

Neque enim probare possumus quorundam Recentiorum placitum, arbitrantium coctionem fieri in ventriculo, mediante fermento quodam in eodem stomacho residente, quod sit residuum alterius cibi jam concocti, ut in fermentatione massæ fieri solet.

De hoc enim expostulari posset, quonam modo primum fermentum in eodem ventriculo repositum fuerit, cum nunquam prius in illo extiterint cibi; possetque ulterius expostulari, quomodo in vehementibus ventriculi purgationibus, præsertimque in illis, quæ unâ cum abundanti potu aquarum thermalium celebrari solent, proptereaque universa educuntur, quæ in stomacho sunt, in eodem stomacho iterum recolligi possit fermentum, cujus subsequentes digestionem indigeant.

Huic postremæ sententiæ locum fecere dubitationes aliquæ, adversus supra expositam doctrinam de digestionem pugnantes. Fluidum namque illud, habitum, ut docuimus, præcipuum coctionis instrumentum, cum dicatur opus hoc absolvere mediante vi quâdam sibi congenitâ cibos conterendi, videretur posse eodem jure adversus membranas stomachi vim suam exercere, adeoque membranas ipsas limare quodammodo, atque dissolvere, eoque magis, quod clarè conspiciamus membranas stomachi ex propria natura non esse immunes ab hujusmodi alteratione, cum contingat membranas ventriculorum posse comedi, & concoqui quam facillimè.

Atqui hujusmodi dubitationi occurritur respondendo, verum esse fortasse, membranas ventriculi aliquid pati ab irroratione fluidi supradicti, sed cum jugiter per nutritionem restaurentur, idcirco læ-

sionem hanc non esse conspicuam, nec sensu etiam cognosci posse, quoniam assueta quædam res est, ideoque sensus aufugiens; & forsan tunc persentitur evidentissimè, cum per longum tempus ventriculus vacuus detinetur, vigetque fames, quo in casu passio aliqua habetur in stomacho, proveniens forsan ex morfu membranarum ventriculi à fluido supradicto, qui sensus deficit statim, ac cibus accedit, quoniam cibaria ipsa, dum fluido illi miscentur, ipsum enervant, ac tali modo membranas ipsas tuentur.

Sicuti verò de digestionem ciborum in stomacho varia, & adversa [ut mox dictum est] placita Medicorum sunt; ita pariter circa chyli genefim, atque motum diversæ habentur sententiæ.

Chylum vocant Medici, & Anatomici ciborum utilem partem, idoneamque, ut possit in sanguinem transmutari, ad distinctionem alterius partis inutilis, quæ per alvum excernitur; substantiam scilicet fluidam, & lactis colorem præ se ferentem.

Chylum namque volunt Veteres in ventriculo ipso elaborari eodem tempore digestionis, quod negatur à Recentioribus, qui non in ventriculo, sed in duodeno intestino, in illa scilicet intestinorum parte, quæ immediate ventriculo neçtitur per pilorum, volunt confici chylum; & quidem, si sensui fides est adhibenda, certior videtur postrema hæc sententia, cum chylus nunquam in ventriculo reperiatur, sed in mox memorato intestino, ut quilibet experiri potest sectione animalium debito tempore post commestionem ciborum.

Chyli autem genefim hoc in loco fieri à pluribus
pro-

probatum est, compertumque jam habetur, hujus operis præcipua instrumenta bilem esse, seu fel, & pancreaticum succum, in idem intestinum tunc temporis à propriis visceribus derivantia, ubi cum jam digestis cibariis miscentur, inque illis fermentationem quandam, & placidam ebullitionem excitant, cujus meritò utilis, ac fluida ciborum pars ab inutilli portione aliquatenus secernitur, ut fusiùs apud Anatomicos. Chylus autem jam confectus, quò tendat, aut quò feratur, ut sanguinis naturam induat, non omnes eodem modò decernunt. Veteres Medici ferè omnes chylum ipsum à meseraicis venis exsugere putarunt, iisque mediantibus ad jecur deferri, ibique caloris ope iterum concoqui, ac verti in sanguinem, quod pariter à Recentioribus denegatur, & quidem non temerè, cum sensus ipse demonstret, meseraicas venas perpetuò repleri sanguine jam confecto, nunquam autem chylo; cumque etiam evidens sit, meseraicas ipsas venas in cavitates intestinorum non ingredi, neque in illis præcipuè habere orificia, ut opus esset, si chylus re vera ab iisdem exfugeretur; nam si tenue intestinum ex nuper mortuo cadavere eductum, repleatur fluidâ substantiâ certo affectâ colore, atque ità plenum ligetur utrimque arctè, comprimaturque violenter, ut liquidum contentum profluat, quâ data porta est, observare licet, nec minimam illius liquidæ substantiæ partem in meseraicas venas permeare, signum evidens, quod nullus pateat aditus à cavitate intestinorum in meseraicas venas; atque hoc eodem experimento cum clare conjiciatur à cavitate intestinorum fluidas substantias derivare in alia innumera

vasa, à meseraicis diversa, quæ nunquam sanguine scatent, volunt ideò recentiores Anatomici, id esse chyli consuetum iter, quo non ad jecur, sed aliò profluens pergat. Quare vasa ipsa, quæ chylum ab intestinis recipiunt, lacteas venas appellant, eò quod nunquam sanguine, sed lacteâ chyli substantiâ repletæ inveniantur, certis, statutisque temporibus, aliquot scilicet à pastu horis, quod pariter magnam supradictæ sententiæ fidem facit. Nec minor quoque hujusce rei probabilitas desumitur à progressu earundem lactearum: siquidem ipsæ cum innumeræ sint, ac minimæ, ab intestinis incipientes per mesenterium repunt, inque plures adhuc abeunt venulas, quæ in glandulas mesenterii inferuntur; à quibus egressæ coalescunt in ampliores ramusculos, qui perducuntur ad commune quoddam receptaculum, quod cisterna Pecqueti appellatur, quodque prope lumbos est repositum, ibique chylo sese exonerant. Ab hoc autem communi receptaculo duplex plerumque ductus assurgit, per intermedios ramos ad invicem se communicans, qui in venam subclaviam duplici ostio, interdum vero unico, sed ampliori inferitur. Ac talem esse progressum chyli evidentissimum est, quandoquidem post aliquas horas à pastu, ut innuimus, universa hæc vasorum series chylo repleta reperitur; quare constat, chylum ipsum non priùs sanguini commisceri, quam ad subclaviam venam perducatur, in quam à thoracico ductu evomitur, & cum sanguine ipsius venæ confunditur. Hæc autem omnia circa motum chyli, & progressum, pluribus possent rationibus demonstrari; sed longa nimis

mis res esset, & haud omninò spectans ad nostrum institutum. En igitur sanguinis generatio, & origo.

Gignitur ipse, ut mox indicavimus, ex alimentis remotè, proximè verò ex chylo. Chylus namque ipse per thoracicum ductum, cavitatem subclaviæ venæ ingressus, cum sanguine per ipsam fluente miscetur, atque confunditur, unaque cum ipso defluit in venam cavam, ex qua dexterum petit cordis ventriculum, undè per pulmonariam arteriam in pulmonem ejicitur; à pulmone verò regrediens per arteriosam venam sinistrum cordis ventriculum implet, à quo demum extrusus in arteriam aortam, per universum corpus diffunditur; atque ita circuitum illum absolvit, quem recentiores Anatomici invenere, & ad evidentiam usque demonstrarunt. Et hujusmodi quidem circuitus ille est, cujus merito idem chylus in sanguinem commutari valet: siquidem non statim ac cum sanguine commiscetur, ipse quoque in sanguinem vertitur, sed aliquot post circuitus, postquam scilicet pluries universum lustraverit corpus, potissimaque ejusdem corporis viscera non semel permeaverit; quapropter cum integer sanguinis circuitus quam citissime peragatur, ut ostendi potest, brevi quoque conversionem chyli in sanguinem absolvi posse necesse est.

Neque vero procul ab omni peculiari coctione ejusdem chyli, posse illum in sanguinem transmutari negandum est. Nam quemadmodum insignis aceti quantitas, in minori portione vini sibi commixta, absque ulla caloris, aut veræ coctionis ope,

vim habet aciditatem excitandi ; ita pariter sanguis jam peractus, nuper advenientem chylum brevi in sibi consimilem naturam vertere posse videtur ; & quemadmodum acetum ipsum ob superinfusum vinum mitescit illico & paulisper, suam aciditatem refrangit : deindè verò sensim ad pristinam aciditatem redigitur, ita & vetus sanguis statim ac novo chylò irroratur, paululum dilutior fit, & fluidior, cæterasque qualitates nonnihil immutat, postmodum vero ad eas redit, & idem fit, qui ante chyli adventum extiterat. Denique sicuti acetum ipsum, ob excedentem vini portionem, aciditatem omnino amittere potest, ita & sanguis, ob frequentem, & immodicam chyli receptionem, novas potest inducere qualitates, ideoque potest sanguis ipse, median-
tibus alimentis, aut vitiari, aut corrigi.

Hujusce autem chyli in sanguinem conversionis pulcherrimum nobis offert exemplum vini confectio, ac genesis : mustum namque ab uvis nuper expressum, licet talis substantiæ sit, ut faciliter vinum evadere possit, dissimile nihilominus ab eodem vino sese exhibet & colore, & sapore, & odore, aliisque cæteris sensibilibus qualitatibus.

Hoc autem spontè postea fermentescens, cruditatis statum prætergreditur, maturitatem recipit, coctionemque, & in vinum facessit, cujus odor, sapor, color, & cætera non idem sunt, ac odor, sapor, colorque musti ; vividiores enim illius partes, quæ antea crassioribus ita involvebantur, ut nihil ferè virium, atque virtutis exerere possent, in fermentatione ipsa a compedibus extricantur, crassioribusque partibus sibi subjectis conspicuæ fiunt, atque

atque sensibiles, quod maturatio vini, & confectio est.

Cur ergo & chylus non absimili ratione, sponte suâ concoqui nequit, atque ita sanguinis naturam, ac proprietatem induere? Id quidem chylum præstare posse evidentissimum est, cum ipse quoque heterogeneum quidpiam sit, non simile, igneisque particulis repletum, ac propterea spontaneæ fermentationis, ebullitionisque capax. Et profecto eo facilius, ac citius opus hoc in chylo absolvi posse videtur, quam in musto ipso, quia chylus dum jam elaborato sanguini commiscetur, incalescit re ipsa, ob ipsius sanguinis veram caliditatem, quæ insigne auxilium est fermentationis; & quia pariter commixtio ipsa cum sanguine, fermentationem excitat, eo modo, quo plurima fluida id ipsum operantur, ubi eorum aliqua commiscentur ad invicem. Mos est apud nostros agricolas, veteri vino mustum superinfundere, ut ab hac unione aliquod post tempus suave admodum vinum consurgat. Fit etenim, ut placiditas veteris hujus, ac ferè senescentis liquoris, alterius recentis æstum, fervoremque immodicum contemperet, utque fervor unius, alterius spiritus subactos, ac penè extinctos excitet, recreetque, fiatque propterea quodpiam æquale temperamentum, ac laudabilis conjunctio qualitatum. Hæc autem omnia in permixtione chyli cum sanguine, perfecte adimpleri posse nulla ratio prohibet. Videtis ergo quot, quantæque sint rationes, quot experimenta conversionem chyli in sanguinem comprobantia, absque ulla peculiari ipsius coctione, in certa parte corporis absolvenda, ope innatæ (ut vocant)

cali.

caliditatis. Quare non immoramur in ea rejicienda opinione de jecore, quod jamdiu habitum est sanguificationis instrumentum, & opifex; siquidem ex superius adductis, luce clarius est, chylum ad hepar non deferri, nisi jampridem sanguine commixtum, mediante circulari ipsius, ac perenni motu, quo non tantum ad hepar, sed ad universas profuit corporis partes.

Si aliqua tamen ab ipso hepate tribuitur sanguini elaboratio, ac perfectio, id quidem adeò non est hepatis proprium, ut cæteris quoque corporis partibus, seu visceribus haud competat; siquidem & in liene, & in pancreate, inque aliis omnibus visceribus corporis magis, magisque sanguis perficitur, dum scilicet in illis partibus percolatur, ac nonnullas ibi relinquit suimet particulas certas, atque statutas, quod opus fieri nequit absque ipsius sanguinis mirifica alteratione: atque hæc alteratio illa est, quæ in statu sanitatis, sanguinem ad perfectionem perducit.

Nunc verò illud prætereundum non est, si aliqua sunt peculiaris viscera admittenda, in quibus chylus sanguineam naturam subeat, ea jure meritò videri cor, & pulmonem. Et quod spectat ad cor, non ideo ipsi id tribuimus, quia illud suâ nativâ caliditate, cujus origo, focus vulgò creditur, chylum concoquat, ut Aristoteles opinatus est; neque pariter quod in ipsius cordis cavitatibus insitum naturâ sit quodpiam fermentum, quod commixtum chylo easdem cavitates petenti, ipsum insigniter rarefcere faciat, & quodammodo accendi, ut cuidam ex junioribus visum est; sed eò solummodo, quod
ipsum

ipsum cor eâ vi, quâ constringitur, & quâ pariter chyloso sanguini motum tribuit, chylum ipsum aliquatenus conterat, dividat, imminuat, eaque omnia opera in ipso efficiat, quæ in liquidis substantiis motum inducunt. Quod verò attinet ad pulmones, non ideo in opere sanguificationis partem plurimam habere credimus, quia, ut nonnulli arbitrati sunt, in hoc viscere fiat vera accensio sanguinis, & chyli eidem sanguini commixti, mediantibus nitrosis particulis, quæ assiduè intra venas pulmonis colligantur, separenturque ab aëre, qui pulmonum cavitates ingreditur; sed ea ratione tantummodò, quod sanguis pulmones ipsos pervadendi causâ cogatur minimas venulas permeare; adeoque opus sit, ut ægre, ac violenter fiat hic transitus sanguinis; nempe per vim aëris, ejusque elasticæ facultatis: in hoc autem transitu sanguis, & chylus ipse in minimas partes redigitur, atteritur nempe insigniter; quare statim floridus, spumofus, aliasque hujus generis proprietates obtinens, nostris oculis sese inspicendum exhibet.

Cæterum quod attinet ad prædictas de corde, ac de pulmonibus sententias, quid minus credibile est, quam posse chylum permixtum sanguini, in cavitatibus cordis, tanquam in foco quodam concoqui, & ad perfectam sanguinis naturam redigi, si nec per minimum temporis in iisdem cavitatibus commoratur, sed statim eas ingressus foras ejicitur?

Poterit ergo uno ictu oculi opus hoc concoctionis obsolvi? Quænam est hujusmodi tam efficax, & admirabilis caliditas cordis, quæ tantum valeat? undè ortum habuit? cur sensibus comprehendi nequit?

quit? Instrumentum caloris index [Thermometrum vocant] intrusum in animalium calidiorum corde, dum vivunt, ut fieri posse certum est, non majorem ibi caliditatem ostendit, quam sit caliditas aëris verno tempore. Verum si tanta est caliditas, quanta vulgo creditur, cur adversus cor ipsum suas non exercet vires, adeò ut voraci dente illud absumat penitus, destruatque?

Nec de Willisiano fermento cordis minora, aut pauciora possunt expostulari. Cur enim in ipsius cordis cavitatibus non reperitur substantia hæc fermentationem, ac rarefactionem sanguini tribuens? quæ sunt vasa, & glandulæ, quæ ipsum separant, sicuti in cæteris omnibus secretionibus reperiuntur?

Cur ab irruente sanguine, & cavitates cordis inundante, & abluyente assidue, materies hæc non absumitur? Esse quidem materiem hanc residuam partem aliquam sanguinis anterioris, quæ succedenti sanguini admixta fermentationem ipsi elargiatur, incongruum videtur omnino; siquidem cum alternis, & irrequietis vicibus cavitates cordis sanguine repleantur, minimum illud sanguinis, quod in iisdem remanet cavitatibus, dum constringuntur [si tamen aliquod remanere credendum est], eandem omnino naturam habet, ac sanguis reliquus; cum tam brevi tempore incredibile sit, posse illud subire alterationem, quæ diversum à cætero sanguine cum reddat: quare cum idem sit, ac sanguis succedens, nullam eidem posse aut fermentationem, aut rarefactionem asserre patet.

Accensio autem sanguinis in pulmone, vel ex eo rationi incongrua videtur, quod nullus aditus
fit

fit aëri intra venas sanguinem continentes ; quare merum commentum est, quod de nitro aëris a nonnullis existimatur : quoniam, etsi detur nitrosas partes perpetuo in aëre reperiri, attamen eas inter, ac sanguinem nullum adinvenitur commercium.

C A P. IV.

De functionibus Sanguinis, ac primò de Motu ipsius sanguinis.

Sanguinis compositione, ac genesi sic declaratis, ad ejusdem præcipua officia, potissimasque functiones enucleandas accedimus. Sanguis enim totius corporis pars pretiosissima, ac veluti thesaurus ipsius, potentissima quoque res est, summumque imperium possidens ; quare maxima in eodem corpore munia exercet, ad ipsius corporis utilitatem spectantia ; quorum quod primum, ac dignissimum haberi debet, illud est, ut videlicet perenni motu vitam eaque omnia, quæ vitam ipsam consequuntur, eidem corpori largiatur. Nam quemadmodum lux solaris præstantissima, ab eodem sole profiliens uberrimè, mobilitate summâ ac celeritate, quaqua versus diffunditur, mundanaque omnia corpora penetrans, ac permeans, ea recreat, conservat, exhilarat ; sic in animalis corpore sanguis è corde profluens assiduè, constanti, ac perenni motu per totum corpus defertur ; atque ita ejusdem partibus universis caliditatem tribuit, motum, ac vitam. Sanguinis verò circuitus hic, etsi Veteribus Medicis occultus penitus, & ignotus, à Recentioribus
tamen

tamen ita ad evidentiam usque probatus est, ut nil aliud in re medica, & anatomica certius habeatur; quare in hujus rei tam evidentis, ac certæ probationibus afferendis immorari supervacaneum ducimus. Labet ergo potiùs quo ritu, & quâ lege motus hic sanguinis absolvatur, paucis indicare. Nemo est, qui nesciat sanguinei circuitus primariam causam esse cor, quod recipit sanguinem à se ipso impulsus, ut cogatur iterum moveri per vasa, quibus continetur. Hinc consultò cor ipsum validissimus musculus est, fibris spiritaliter circumvolutis compositus, quibus constringi, ac dilatari valeat; duplici præditus intimâ cavitate (ventriculos vocant), quibus expansis advenientem sanguinem per venas recipiat, iis verò postmodum constrictis, receptum jam sanguinem in arterias ejiciat. Longum foret mirabilem cordis structuram, ejusque partes universas circulationi sanguinis inservientes exponere, idque nimis esset ab instituto nostro remotum. Attamen in præsentiarum, quæ mihi opportunè commemoranda videntur, paucis exponam. Habet cor duas auriculas ventriculis supereminentes, quibus in constrictione ventriculorum sanguis excipitur, ut exinde ventriculos subire valeat, statim ac post constrictionem expanduntur. Connectitur dextero ventriculo vas duplex, vena cava, & pulmonis arteria; per illam sanguis ab universo corpore refluit, per hanc sanguis ipse à dextero ventriculo in pulmones ejicitur. Sinistro pariter duplex vas inseritur, vena pulmonaris, & magna arteria; per illam sanguis a pulmone redit ad cor, per hanc a sinistro ventriculo idem sanguis in universum corpus erumpit.

Sed

EXERC. DE HUMORIBUS. CAP. IV. 33

Sed iis omnibus omiſſis, aliisq; huius generis pluribus, animadverſione dignum nobis videtur, quod licet penes omnes compertum ſit, motum ſanguinis a motu cordis oriri, non adeò tamen evidens eſt origo, & cauſſa motûs cordis ipſius, imò recondita prorfus res eſt, & in tenebris adhuc latens. Sunt qui putent, cordis motum ab igneis, ac ſubtilioribus particulis ſanguinis ortum ducere, quatenùs ſcilicet cor naturâ ſuâ expanſum permaneat; quoties autem calido, ac ſpiritu referto ſanguine repleatur, morſum quemdam ab eo recipiat, quamdamque vellicationem, cujus cauſſâ contrahatur, ut vellicantem ſanguinem foras protrudat; eodem pacto, quo & inteſtina ipſa, & ventriculus ab irritantibus pharmacis concitantur ad motum, ut eadem pharmaca expellant. Huic verò alioquin verosimili ſententiæ, validiſſima inter cæteras opponitur ratio deſumpta ex vi conſuetudinis, quâ videtur cor pati non poſſe vellicationem, ac morſum a ſanguine, cum perpetuo, & affiduè eodem ſanguine repleatur. Ita namque & pharmaca per affiduitatem, & frequentiam uſus, vim non habent ampliùs inteſtina vellicandi, incitandique ad motum circumpreſſorium; ſic pariter venena ipſa, animalium corpora non inficiunt, quoties iiſdem venenis aſſueta ſint.

Arbitrantur nonnulli conſtringi cor, quia ſanguine repleatur, quod ſcilicet irruens ſanguis in cavitates cordis, eaſque replens, atque diſtendens id efficiat, ut fibræ cor ipſum componentes, cum diſtentionem ampliùs pati nequeant, validè contrahantur, atque ita ſanguinem exſpuant, idque fieri ratione ſtructuræ, & compositionis cordis ipſius. Quare, inquiunt, fervidus ſanguis, atque rareſcens immodicè,

dicè, frequentiores, validioresque motus cordis producit, quia in ipsius cavitatibus magis violentam efficit expansionem.

Verùm quis unquam tantam poneret violentiam in tranquillo, ac placido motu cordis? eritne vita ipsa tumultuaria quædam res, & violenta? unde nam ergo tam exacta lex, tantus ordo motionum? Mirum est dictu, tamdiù posse functiones cordis integras, & illæfas servari, si earum quælibet convulsivus quidam motus est.

Crediderim ipse potius, motum cordis haud abfimilem esse à motibus aliorum muscutorum, & iisdem prorsus legibus, iisdem instrumentis absolvi. Quare cum duplex in muscutorum motibus instrumentum concurrat, nervi scilicet, per quos in cavitates fibrarum musculos componentium, fluidum quoddam profluit, nec non etiam arteriæ, per quas in easdem cavitates fibrarum sanguis derivat: hæc eadem pariter instrumenta ipso in corde reperiuntur. Adfunt namque fibræ illud constituentes, quæ sanguine replentur ab arteriis recepto: adfunt nervi suum liquidum iisdem fibris impertientes, qui dimanantes a nervis paris octavi per cor ipsum, ac per ipsius auriculas copiosè disperguntur. Sive ergo vis illa, quæ ceteros musculos corporis movere valet, sit ebullitio quædam intra fibras muscutorum excitata, ob admixtionem sanguinis cum nerveo liquore, ut probabile admodum est; sive sit alia quævis potentia, explicatu & cognitu perdifficilis: quæcunque tamen ea sit, illam in corde ipso repone, ejusque motuum causam, atque rationem habebis.

Par-

Partem verò plurimam obtinere nervos in motionibus cordis, & ab ipsis contentos, ac dimanantes spiritus animales (ut vocant), evidentissimè probant experimenta: ligato enim trunco illius nervi, qui ad cor perducitur in vivente animali, atque ita commeatu spirituum intercluso, fit illicò motus cordis tremulus, atque palpitans, perque unum, aut alterum diem ad summum animal miserrimè vivit, & tandem, stagnante omninò sanguine in cordis ventriculis, morte corripitur. Fortassè autem per hoc tempus vivere potest, quia non omninò intercipitur commeatus spirituum animalium ad cor. Licet enim ipsius nervus primarius ligatus sit, aliqua tamen spirituum portio potest ad cor profluere, per aliquot nervos intercostales, quorum nonnulli extremitatibus suis ipsimet cordi inferuntur.

Hæc omnia pro rei dignitate exactè pertractare longum foret, nimisque arduum, quare perstricto sermone loquimur nunc ac summatim.

Lubet autem animadvertere, quod, licet motus cordis involuntarius omninò sit, suisque legibus absolutus, id tamen non obstare, quin motus hic eodem pacto fiat, ac motus in reliquis partibus corporis, per influxum scilicet animalium spirituum cum sanguinis præsertim admixtione; siquidem & intestina ipsa, & plurimæ aliæ partes corporis, maximè verò membranaceæ, peristaltico motu, ferè assiduè involuntariè cientur, ob concursum earundem rerum: fortassè autem hisce in partibus nervus liquor sponte suâ profluere potest, absque eo quod ab impulsu voluntatis in eas mittatur.

Rationi igitur congruum est opinari, nervos cordi inservientes, eique deferentes animales spiritus, nullum pati voluntatis imperium, posse idcirco eodem in corde motus producere necessarios, & voluntatis jussu solutos. Et quoniam ea est cordis fabrica, atque structura, ut ipsum constituentes fibræ non aliter moveri possint, quam constringendo, & expandendo cor ipsum, mirum non est propterea cordis systoles, atque dyastoles, tantâ regulâ, tantoque ordine perfici.

Pollere autem mentem potestate aliquâ supra cor vel ex eo probatur, quod mentis perturbationes cordis quoque motus perturbent; quia mens in cerebro residens, cum aliquid patitur, consueta cerebri motiones impedit, ideoque spirituum influxum ad inferiores partes conturbat, eosdem spiritus, nunc concitatiores, nunc tardiores reddendo.

Propterea vehementes animi perturbationes convulsiones pariunt, & involuntarios plurimos motus in corpore, febresque etiam nonnunquam. Hinc illæsa penitus sanguinis natura & substantia, ejus tamen circuitum plurimum turbari posse, atque ita febres oriri putamus, ob solum vitium cerebri, illiusque fluidi, quod cavitates nervorum incolit: hoc enim læso, lædi pariter animales spiritus necesse est; ideoque alterari motum cordis ab influxu ipsorum spirituum productum, ac per consequens etiam sanguinis circulationem.

Hicce ita circa motum cordis, ejusve causas indicatis, congruum est, ut circuitum sanguinis prosequamur. Motum hunc celeriores esse in arteriis, quam in venis, experientia ipsa demonstrat, & ratio
quo-

quoque id suadet: non enim eodem impetu profilit sanguis è vena incisa, quo ex arteria, idque fit, quoniam sanguis, dum per arterias profluit, proximior est vi impellenti, hoc est cordi; talem verò esse legem motus in iis omnibus, quæ ab extrinseco moventur impulsu, nemo est qui nesciat; quare & in arteriis ipsis diversa est velocitas sanguinis, major scilicet in amplioribus truncis, quam in minoribus, & angustioribus, eo quod ampliores magis proximi cordi sint; è contra vero in venis velocior est sanguis per minores truncos, quam per majores, cum venarum ampliores ductus ab impellente corde magis remoti sunt.

Nam arteriæ à corde incipientes per arteriam magnam cæterarum amplissimam, quò magis a corde ipso removeantur, eò magis, magisque gracilescunt, & abeunt in ductus minores, minoresque, quousque tandem in minimas arteriolas dispergantur: venæ autem, ubi arteriæ desinunt, incipientes, à minimis truncis initium sumunt, sensimque ad cor accedentes, in ampliores, amplioresque coeunt truncos, quousque tandem in venam cavam, venarum omnium amplissimam, ultimam, & cordi magis proximam colligantur. Talis enim requirebatur constitutio vasorum, ut congruè posset sanguineus circuitus absolvi, utque etiam sanguis ipse demandata sibi munera, in animalis corpore adimplere valeret. Nam quod spectat ad prædictum circuitum sanguinis, duæ sunt ejusdem causæ effectrices, quæ quamdiù in animalis corpore vigent, vigere quoque ipsam sanguinis circulationem oportet, & statim ac ambæ simul, aut earum altera de-

ficit, deficere quoque protinùs, aut maximè præpediri, ac perverti eundem motum sanguinis necessum est. Et harum quidem caussarum prima est, & maxima, jam commemorata contractio cordis, per quam intra cordis ipsius ventriculos sanguis contentus, magna cum vi exprimitur, impellitur, truditurque in arterias; quæ quidem expulsio sanguinis, cum per singulas repetatur systoles cordis, propterea fit, ut frequentibus, iteratisque ictibus novas semper, novasque motus causas hinc sanguis ipse recipiat. Alter verò sanguinei cursus fons, & occasio planè proficiscitur ab illa pressione vi, quæ tunicis vasorum omnium sanguinem continentium nunquam non inest. Quippe indubitatum est, non modo arteriarum, sed vasorum omnium tunicis, imo potius membranis universis id natura insitum esse, ut retrahantur sponte, & in se ipsa coire, & angustari nitantur assidue; idque rei fortasse oritur ex peculiari quadam, statutaque partium compositione, ac structura, qua tunicæ ipsæ efformatæ sunt. Hæc ergo vis coeundi, nisus hic retractionis, quo vasorum tunicæ perpetuo pollent, mirabilis quædam causa est, cur motus sanguinis per eadem vasa promoveatur. Quippe sanguis intra vasa contentus, & per eorum cavitates profluens, propter impetum ipsi illatum a corde, dum exierit motum hunc, impellitur ultrò, concitaturque magis ad motum, eo quod premitur undique, ac semper a superius exposita vi constrictionis, quæ in vasorum tunicis residet, & exercetur.

Jam verò reticendum minimè est, spontaneam hanc vasorum constrictionem, quæ profluentem
con-

contentum sanguinem ultro impellit, ejusque adjuvat motum, validiorem esse in minoribus, quam in majoribus vasorum tunicis, respectu habito ad ipsorum capacitatem: quoniam [ut geometricè ostenditur] angustiores canales superficiem majorem habent, quam ampliores, majorem, inquam, non absolutè, & simpliciter, ut in scholis dici solet, sed majorem respectu capacitatis. Hoc igitur cum verum sit, consequens est, angustiora vasa validiori prædita esse circumpremente vi, quam vasa ampliora; ubi enim superficies major est, ibi quoque major est contactus, quare & validior compressio.

Quæ cum ita se habeant, jam ad vasorum constitutionem redeunt, eam quidem maximè admiramur; cum, pro sanguinis obeundo circuitu, nulla concipi posse nobis videatur aptior illâ & commodior. Namque primùm admirando naturæ consilio comparatum est, ut ampliores arteriarum ductus à vi impellente, hoc est à corde inchoent, ut ea velocitas sanguinis, quæ ab amplitudine maxime canalium, minimâ pollente vi constructionis, parum augetur, propter validitatem proximi impulsus, nihilominus magna sit; & quò magis arteriæ ipsæ à corde removentur, eò magis angustæ evadant, ut ab exilitate canalium magna pollente vi constrictionis, si non omninò, partim saltem compensentur, restaureturque velocitas sanguinis, quæ jam valde imminuta foret, ob summam distantiam cordis, à quo impulsus recipit sanguis. Nam si statim ac à corde sanguis erumpit, per minimos arteriarum truncos proflueret, sensim verò in majores,

res, majoresque truncos abiret, profectò contin-
geret, ut ejus velocitas initio quidem maxima fo-
ret, & propter proximitatem impulsus, & propter
angustiam canalium, quæ plurimùm premeret il-
lum, promoveretque; at brevi quidem velocitas
ejusdem sanguinis nimis decresceret, & propter di-
stantiam vis impellentis, cordis videlicet, & pro-
pter canalium amplitudinem, quæ, ut docuimus,
minimum premit sanguinem, minimumque idcir-
co promovet velocitatem illius. Si vero eadem
ubique foret arteriarum amplitudo, tunc pariter
velocitas sanguinis cito nimis imminueretur, eo
quod in arteriis à corde remotis, parum vigeret
impulsus, nec quidquam esset, quod velocitati san-
guinis auxiliaretur. Neque ob similes causas fa-
ctum est, ut venæ sanguinem ad cor referentes ab
exilissimis inchoent ductibus, sensim vero, dum
cordi appropinquant, in ampliores canales cœant:
exilitas enim venarum ea est, quæ ob causam su-
pra expositam, velocitatem sanguinis ab arteriis nu-
per egressi utcunque conservat; qui sanguis cum
ad ampliores venarum ductus, & cordi proximio-
res perducitur, ad maximam pervenit tarditatem,
cum ob majorem vasorum amplitudinem, tum
etiam ob summam a vi impellente distantiam.

Ea namque motus sanguinis perfecta lex est, ut
sanguis, ubi è corde profilit, concitatissimus sit,
cum vero ad cor regreditur, sit summè tardus, ita
ut ab illa velocitate summa exitus, ad usque sum-
mam hanc tarditatem regressus, fiat transitus sensim,
ac paulatim, non autem subitò, nullaque interpo-
sita mora. Subitanæ enim mutationes naturæ ad-

ver-

versantur, & rerum perfectioni, & consuetudini minime congruunt.

Hinc arguas, velim, majorem copiam sanguinis in venis existere assidue, quam in arteriis; nam si eadem esset copia in ambobus vasorum generibus, opus foret, ut par vigeret in illis velocitas sanguinis, ut scilicet tantum sanguinis reflueret ad cor per venas, quantum à corde ipso per arterias ejicitur. Cum ergo velocitas sanguinis multò minor in venis sit, quam in arteriis, ut probavimus, sequitur necessario, venas ipsas sanguinem ad cor reducentes ampliores esse arteriis, ac tam majorem copiam sanguinis continere, quantum velocitas sanguinis per illas minor est, quam per arterias ipsas; adeò ut quantitas sanguinis arteriarum, ad quantitatem sanguinis venarum, proportionem habeat reciprocam velocitatis sanguinis venarum ad velocitatem sanguinis arteriarum; ut præteream proportionem hanc quantitatis minorem quoque dicendam esse. Nam venæ plus sanguinis cordi tribuunt, quam ipsæ ab arteriis recipiant, eo quod, dum sanguis per arterias profluit, minuitur supra modum exhalando, & alendo partes corporis, & in evaporatione ejusdem corporis assidua; namque motus sanguinis concitatus per arteriarum truncos ille est, qui sanguinearum particularum nonnullas, & fortasse etiam subtiliores extra corpus ejaculatur. Ex hisce ergo causis statim elicitur, ob quam interdum in iis corporibus, in quibus sanguis haud superabundat, illius exitus, licet mediocris quantitatis, deliquium animi inducat: id enim contingit, quoniam ex tali sanguinis diminutione, non am-

plius venæ debitâ copiâ sanguinis, replentur, adeoque consuetam portionem ejusdem sanguinis cordi tribuere non valent; unde & arteriarum motum deficere necesse est, cum earum motus à succedente sanguine proficiscatur: exinanitis enim venis, non amplius servatur reciproca supradicta proportio; ita ut quantitas sanguinis venarum ad quantitatem sanguinis arteriarum sit, ut velocitas sanguinis arteriarum ad velocitatem sanguinis venarum; proptereaque cordi deficit consuetum tributum sanguinis a venis, quousque venæ ipsæ recepto ab arteriis sanguine iterum repleantur, & supradicta reciproca proportio restauretur.

Cæterum in iis corporibus, in quibus sanguis, aut copia, aut fervore nimis turget, emissio sanguinis deliquium animi non inducit, quin potius vires recreat, quia in hoc casu diminutio sanguinis, velocitatem ejus adauget, non per arterias modo, verum quoque per venas ipsas; nimia enim repletio vasorum, insignis quædam est retardatio velocitatis, cum fluidorum particulæ tumultuario motu ciantur ad invicem, & mutuo impediantur.

Hic obiter adnotandum est, velocitatem sanguinis, tam per arterias, quam per venas fluentis, non parum quoque adjuvari a pondere partium eisdem adjacentium: in venis autem id amplius reperiri, quod pleræque ipsarum suas habent conjuges arterias, a quibus per latera extrinsecus tanguntur, ita ut ab earundem arteriarum expansionibus sanguis intra venas contentus comprimatur, impellaturque ad suum iter prosequendum velocius. Quisque igitur satis intelligit, quanta sit naturæ sagacitas, quam
pro-

providum ipsius consilium in circuitu sanguinis perficiendo, conservandoque. Nec mirum equidem, cum ex eodem circuitu, & vita, & commoda ferè omnia animati corporis proficiscantur; siquidem & nutritionem ipsam ope ejusdem circuitus sanguinis absolvi evidentissimum est: si enim sanguis certis in locis corporis commoraretur, quid illud esset, quod universis partibus alimoniam præberet? posse quidem solidas ipsas partes ad commorantem sanguinem accedere, atque ita ab eo alimentum, & subsidium desumere, ridicula foret assertio. Pollere autem partes vi quadam, ac facultate [ut vocant] ingenita, qua sanguinem ex remotis quoque locis attrahere valeant, etsi celeberrima, & a melioris notæ Medicis Veteribus omnibus recepta sit opinio, parum tamen minus ridicula, quam supradicta hæc eadem videtur assertio, quanquam fortasse minus naturæ legibus dissona, & incongrua. Quis enim crederet ingenitam hanc solidarum partium facultatem, cujus imperio sanguis obtemperare cogatur? Cujus nutu sanguis ipse a longinquis, ac summè distantibus locis, absque ullo motus impulsu, sed sponte sua, & consulto dimoveri debeat, & ad attrahentes solidas partes accedere? Quid insuper admiratione plenius, quam virtualis attractio hæc, non quidem cujuscunque sanguineæ portionis indiscriminatim, sed selectæ, sed statutæ, sed attrahentibus partibus propriæ, & persimilis? Quid jam de attractione ferri a magnete tanta jactantur, si universis, & unicuique animati corporis parti, & ungui etiam, & capillo hoc idem! propriissimum est? Verum declamationibus prætermisissis, illud com-

per-

pertum est, opus fuisse, sanguinem perpetua circulatione per universum corpus permeare, ut ipsum constituentibus partibus, debitas relinquat, & convenientes suimet particulas, in earundem partium alimoniam. Et huc respexit natura ipsa, supradictam vasorum sanguinis dispositionem constituendo; siquidem innumera illa arteriarum series id etiam efficit, ut sanguis per universum corpus diffundatur, neque ulla sit pars, quæ ab eodem sanguine subsidium nequeat recipere.

Quæstio est inter insigniores Anatomicos, an exilissimæ arteriæ, & ultimæ, à minimis illis suis venulis sic excipiantur, ut vera inter illas reperiat-
tur conjunctio, quæ anastomosis nuncupari solet communiter. Plerique ex ipsis perfectam hanc conjunctionem rejiciunt, arbitrati, arterias inter ac venas spatiola quædam intercedere, in quibus sanguis colligatur, & paulisper commoretur, quam sententiam & nos libenter amplectimur, cum hujusmodi vasorum continuatio ab opere nutritionis minimè expostulari videatur; si enim sanguis, statim ac ex arteriis egreditur, venas subiret, nulla esset congrua ratio, quâ nutritio partium explicari posset, sanguis enim in vasis contentus vix proprias partes membris distribuere potest.

Hæc de motu sanguinis innuisse sufficiat. Labet vero nunc animadvertere, pleraque eorum, quæ jam circa motum sanguinis edocuimus, adhiberi posse ad plantarum, stirpiumque omnium vegetationem, ac vitam enucleandam; etsi enim concedamus [quod concedere arduum est], hujus generis animata corpora, facultate sensitiva penitus

expertia non esse; in iis tamen omnibus, quæ ad vitam spectant, genefim, ac nutritionem, cum iisdem brutis maximè conveniunt.

Arbores namque omnes, plantarumque genus universum, sicuti & animalia ipsa, à femine progignuntur, eorumque semina, ad hoc, ut plantas producant, incubatione quadam indigent, eodem pacto, quo animalium semina, ut foetum pariant, vel in utero, vel extra uterum incubantur. Terra enim illa est, quæ plantarum omnium communis mater, earum semina intra se abscondit, ac veluti uterus quidam ea fovet, iisdemque incubat, & plantas ipsas jam jam productas non quidem deserit, aut expellit, sed amplectitur semper, ac nutrit; nam cum nulla iisdem plantis sese movendi facultas insit, nullà instrumenta concessa sint, quibus debitam sibi, ac necessariam alimoniam quære valeant: idcirco opus est, ut ab eadem terra nunquam removeantur, ut necessarium pabulum ab ea recipiant.

An fortasse plantarum omnium, ac stirpium unicum genus est, unus sexus, adeoque omnia mascula sunt, & foecundum omnibus datum est semen producere? an quia tellus ipsa vicem gerit foeminae, ac matris plantarum omnium? an potius in qualibet planta masculus simul, ac foemina conjuncti sunt, ut olim in hominibus fuisse fabulatus est Plato? Esse quidem plantarum semen ad instar ovorum, ex quibus animalium pleraque gignuntur, certissimum est. Quarè cum animalia foeminei sexus, procul etiam ab omni masculorum coitu, adhuc tamen pariant ova, sed foecunditate destituta;
&

& cum aliunde certum sit, semina cujuscunque arboris, aut plantæ foecunditate prædita esse, vimque habere, sui generis plantas, arboresque producendi, opus est propterea fateri, in unâ, eademque plantâ duplicis generis virtutem esse; & eam scilicet, quæ foeminæ convenit, ovorum productionem; & aliam, quæ masculis propria est, videlicet foecunditatem. Clarius autem, magisque congrua est comparatio vitæ inter plantas ipsas, & animalia: siquidem illarum quoque vita in assiduo consistit motu fluidi illius, quod innumeras earum fibras replet, quodque a terra dimanans radices primò subit, hinc verò per universum plantarum corpus ascendit; reperiri autem in plantis omnibus innumeras hujusmodi fibras a radicibus ad verticem usque extensas, ac fluido quodam nutritio repletas sensus ipsi demonstrant, & ratio quoque id exigit necessariò. Fluidum verò illud assidue per easdem fibras ascendere evidentissimum pariter est; cujuscunque enim generis plantâ transversim sectâ ex inferiori trunco terræ, ac radicibus inhærente, exsudat alibilis ipse succus, qui cum in hac observatione contra propriæ gravitatis directionem feratur, necesse est, ut aliquâ extrinsecâ vi impellente cogatur sursum ascendere. Qualis autem hujusmodi necessarius impulsus sit: cujus causâ plantarum alibiles succi ab imis radicibus ad usque earum extremitates, summitatesque perducere valeant, ubi resideat, in quo consistat, operæ pretium est perscrutari; nam cum opinioni de admiranda illa attractione, quam nonnulli commenti sunt, acquiescere non valeamus: aliquid ergo opus est
est

est in iisdem plantis reponere, quod ad instar cordis animalium, motus fluidorum principium fit, & origo. Itaque licet temeritatis plena res sit existimare, peculiarem partem aliquam in plantis adinveniri, quæ animalium cor æmuletur, aliquid scilicet, quod systole, atque dyastole, nunc contrahatur, nunc expandatur, atque ita plantarum succum recipiat, expellatque vicissim: quicquid tamen illud est, quod hujusce motus causa sit, id non alio in loco plantarum, quam in earum radicibus reponendum videtur. Cum enim iisdem seminibus fecunditas insit, cumque ab ipsis plantæ universæ exordium sumant; necesse est propterea semina ipsa primum, ac potissimum vitæ instrumentum possidere, quod animalium cordi respondeat, & à quo fluidorum motus proficiscantur. Nam eodem pacto, quo in generatione animalium primum vitæ rudimentum est cor, quod initio punctum quoddam sanguineum apparet, motu præditum; ita & in productione plantarum, necessarium videtur, primum locum sortiri partem illam, à qua motus fluidorum procedit; hæc autem pars nonnisi in femine reperiri potest, à quo planta ipsa enascitur.

Neque verò arbitrandum videtur, principium hoc, hanc causam primariam motus, quam in femine reposuimus, esse partem aliquam, quæ impulsu (ut in animalium corde perficitur) fluida plantarum ejaculetur; nam ut prætereamus nullibi observari hujusmodi instrumentum motu præditum: vel ex eo incongrua videtur hæc sententia, quod, cum summa plerarumque plantarum proceritas sit, nimis valida requireretur hæc vis impellens:

ad

ad hoc, ut fluida ipsa ab imis radicibus ad usque summitates plantarum possent expelli.

Rationi igitur magis consentaneum est opinari; fluidorum motum, & ascensum in plantis suam causam habere per universam plantarum altitudinem extensam; quod scilicet eadem vis, quæ à semine incipiens, fluidorum motus producit, ad usque summitates extendatur, semperque fluidis ipsis conjuncta sit.

Quod equidem & observatio ipsa comprobare videtur: siquidem non dissimilis est canalium structura in aliis partibus plantarum omnium, nempe in foliis aliisque summis partibus, quæ in radicibus ipsis observantur. Et hoc profectò est, quod insignes nostri hujus temporis naturalium rerum indagatores observarunt: plantarum scilicet fibras, seu canales suis repletos liquoribus, conjuges habere per universam eorum longitudinem alterius generis canales quosdam aëre repletos [tracheas vocant], à quibus spiritaliter extrinsecus circumvinciantur; atque hinc evenit, ut aër in iisdem tracheis existens, vi illâ, quâ semper pollet, sese quaquaversum expandendi fluidorum canales circumpremat, atque ita contenta fluida incessanter expellat.

Quid mirum ergo, tot celebres extitisse Philosophos, qui plantas, arborefque universas parum ab animalibus dissidere, sensuque etiam præditas esse, somniati sint: si & ipsæ quoque arbores, & plantæ ad instar ferè omnium animantium aëre indigent, ut vitam agant, ut nempe eorum fluidorum motus, in quo vita consistit, perficiantur? Fortasse enim plantæ, non secus ac animalia respiratione utuntur, quâ

quâ sibi necessarium aërem, nunc emittere, nunc verò recipere valeant; namque renovari aërem aliquandò in supradictis plantarum tracheis, rationi satis congruum videtur; cum certum sit aliundè, non posse aërem ad longum tempus immobilem detineri, absque ipsius insigni alteratione, infectio- neque, quod natura ipsa non patitur. Nec minus probabile est, plantarum fluida non simplici ascen- sionis motu moveri, sed motu prorsus circulari, sursum scilicet, atque deorsum; ut de sanguinis circuitu in animalibus ante docuimus. Nam si u- nus foret ubique, ac simplex motus fluidorum ab imis radicibus ad usque summas partes, neque ul- lus esset eorum ad inferiora regressus, quam citò equidem motus hic ascensionis deficeret, repletis scilicet vasis fluidorum copiâ, ab iisdem par- tibus imis succedentium? Quæ esset eorumdem li- quorum præparatio, & concoctio, quibus possent plantarum nutritioni idonei evadere?

Observatione dignissimum est, resectis aliquibus lacteis plantis, lac uberius ex parte summa, & fo- liis viciniore profluere, quam ex ea parte, quæ ra- dicibus, & terræ inhæret; certumque est pariter, rorem, ac nebulam a foliis in ramos, & fortè ad radices usque permeare, quod equidem circulatio- nis genus est; quare, si recisi ramî summam par- tem aquæ immiseris, major ramus huic conjunctus per plures dies, etiam æstate, viridis permane- bit.

Hinc forsan in Ægypto, aliisque fervidis Cli- matibus, in quibus rarò, aut nunquam pluit, ope solius roris plantæ crescunt, & servantur, dela-

to scilicet ad ipsas humore a superioribus partibus ad inferiores; haud enim levis illa humiditas roris profundas plantarum radices attingere potest. Adefse autem in plantis ipsis duplicem tubulorum ordinem, ascendentium scilicet, ac descendentium, vel ex eo clarè dignosci valet, quod papaveris caudice, cum maturare incipit, aliquantum infra caput resecto, succus candidus a radicibus effluit, flavus autem a parte summa; quod pariter aliis in plantis experiri fas est; fit autem forsan in summitatibus plantarum aliqua fluidorum alteratio, aliqua forsan permixtio, quibus eorundem liquorum color, & consistentia variantur. Nihil namque est, quod opinari prohibeat, variis in locis plantarum speciales quasdam partes reperiri, ac veluti peculiaria viscera, in quibus liquores cribrentur, percolenturque, fiatque propterea in illis separatio quædam fluidorum, quorum nonnulla necessaria sint plantarum nutritioni, conservationique, nonnulla vero tanquam excrementitia, & inutilia expurgentur; ex quo forsan habentur tot genera humorum è plantis sponte emanantium, ut therebintina, resina, aliaque hujusmodi plurima.

Congruum ergo est arbitrari eodem pacto, quo chylus in animantibus per lacteas venas ad cor perducitur, hinc vero in pulmonem, in jecur, in lienem, in renes, in cerebrum, inque alias corporis partes profluit per arterias, ut iisdem partibus nutritionem præbeat; & quod illius à nutritione superest, per venas ad cor reducitur: sic etiam in plantis alibilem succum è terra ascendentem, subcuntemque primum capillares radices, perduci statim

tim ad majores radicum truncos, ab iis per tubulos ascendentes in universum diffundi plantarum corpus, quousque foliorum apices attingat: à quibus iterum quod superest ad radices ipsas remeare, ac tali fluxu, refluxuque assiduo magis, magisque perfici, & à putrefactione fervari incolumem. Per-
 scrutatu autem dignissimum est, quodnam illud sit, cujus causa plantarum succus radicum capillitium ingredi cogatur. Nam cum nulla reperiatur vis impellens in tellure, à qua humor ascendit, nulla-
 que, ut superius innuimus, admitti debeat attrahens facultas in minimis illis radicum tubulis, qui humorem illum recipiunt: admirationis plena res est, cur valeat humor ipse contra nisum proprii ponderis elevari. Verum id facilis perceptionis est observantibus, fluida ferè universa nullius impulsus ope, sed sponte suâ solidis corporibus adhærere, & hujusmodi adhæsione supra proprium, debitumque libellum [ut dicunt] non parum attolli: sic aqua in vase collecta, dummodò illud non repleat, in concavam redigitur superficiem, cujus partes eminentiores ad latera vasis consistunt, depressior verò pars in medio residet: sic vitreus tubulus ex utraque parte, seu extremitate pervius, si cum altero sui extremo aquam attingat, statim sese attollente aquâ repletur usque ad certam altitudinem, quod pariter in aliis hujusmodi innumeris evenire solet. Hujus autem effectus ratio est, quod fluidorum corporum minimæ partes cum solida corpora tangunt, ab eorum superficierum asperitate, licet inconspicuâ, aliquatenus sustinentur; cujus fulcimenti causa non integro proprii ponderis momento sibi con-

tiguas fluidorum particulas premunt, sed diminuto; quapropter contiguæ hæ partes omni prorsus fulcimento carentes, cum exerceant proprii ponderis momentum integrum, supradictis solidorum superficiebus adhærentes particulas tanquam minùs graves expellunt, coguntque illas iisdem superficiebus adhærere, & per ipsas elevari, & ascendere.

Hinc ratio elicitur, cur in angustioribus tubulis liquores altius eleventur, quam in amplioribus. In illis etenim major adest superficies, ut alibi docuimus, respectu eorum capacitatis: ideòque in ipsis major est liquorum cum superficie adhæsiò, quare majus quoque fulcimentum, major ponderis diminutio in illis liquoris particulis, quæ superficiem tangunt, ac per consequens majori excessu gravitatis premuntur à reliquis partibus liquidi, quæ à superficie remotæ sunt.

Hæc autem omnia quàm pulchre aptentur ascensui fluidorum per radicum capillitium, satis per se quisque intelligere potest; quare id fufius exponere superfluum ducimus.

C A P. V.

De calore Sanguinis.

INter cæteras sanguinis proprietates, nulla quidem videtur mihi insignis magis, & admiranda, magisque inserviens officiis eidem sanguini demandatis, quam assidua illa caliditas, quâ sanguis ipse

ipse tandiù præditus est, quamdiù animal spiritum ducit, ac vitam. Quid autem calorem hunc sanguini tribuat, quid ipsius caloris origo sit, quid illum foveat, atque conservet; quibus ex causis imminui ille nunc, nunc verò adaugeri valeat, quàm scitu quidem dignissimum, ac necessarium summo-perè, tam quoque cognitu arduum est, ac difficile.

Quanquam enim ex Veteribus complures, ac ferè universi, opus hoc paucis explicare conati sint, innatam quamdam in corde reponendo caliditatem, coelestium corporum calori persimilem, & animalis vitæ coævam; quæ sanguinem ipsum primò, deinde verò partes omnes corporis excalefaciat: ex quo tamen à nuperis Anatomicis adinventis comper-tum est, cor nil aliud esse, quam simplicem musculum, nec in se fomitem ullum continere idoneum conservationi hujusce flammæ, aut caloris quomodolibet implantati: supradicta Antiquorum opinio corrui-t penitus, ceciditque. Qualis enim est focus hic in corde, qui verbis tantum consistit, non re? unde hæc caliditas in hoc viscere tam fervida, quæ tamen major sensibus non percipitur, quam in aliis visceribus corporis? unde illius in loco tam abscon-dito conservatio? posse quidem aërem per pulmones ad cor transferri, ut antiquitus putabatur, experien-tia ipsa, & sensus denegat: cum nec per vim in pul-mones intrusus, condensatusque aër, ullam sui par-tem in cor insufflare valeat, ob aditus semitæque de-fectum. Neque pariter aër ipse venarum, arteriarum-que cavitates extrinsecùs subire potest, ac iis median-tibus ad cor perducì. Hunc enim aëris transitum o-

minino impossibilem reddit eorumdem vasorum plenitudo sanguinis, expertusque est vir quidam insignis, si aliqua aëris portio in cavitatem alicujus sanguinei vasis per artem intrudatur, statim animal convulsionibus corripi, deliquiis animi, aliisque hujusmodi symptomatibus.

Denique si tanta est hujusmodi caliditas cordis, ut universum corpus valeat calore afficere, cur ipsum cor non comburit, non devastat? cur à sanguine cavitates ejusdem cordis assiduè inundante non extinguitur penitus, ac suffocatur?

Hanc autem Veterum de innata cordis caliditate sententiam, etsi Recentiores, ut innuimus, improbaverint: fuisse tamen ab eorum plurimis, & insignioribus receptam novimus, adeo ut mirum sit, quam audacter id nonnulli denegent, quod illi amplectuntur, & veteris medicinæ Præceptoribus parum grati, eorum placita conviciis urgeant, eademque postmodum non quidem re, sed solo verborum circuitu conficta, ac personata, ut ita dicam, tanquam propria adinventæ exponant, ac jactent. Quid enim aliud est Entiana illa, ac Cartesianæ opinio de flamma cordis, a quo sanguinis accensio, & calor proficiscatur? quid aliud pariter nitro-sulphureum illud fermentum in cavitatibus cordis ab Hogelando, a Willisio, aliisque repositum ad sanguinis incallescetiam explicandam, nisi ipsissima Veterum innata caliditas cordis?

Nec multum quoque ab eadem sententia discrepat insignis illa opinio de ignea Anima sensitiva, eaque pariter de Anima in sanguine residente, quas plurimi tum Veteres, tum Recentiores Philosophi cele-

celeberrimi amplectuntur. Hæc namque omnia placita in unum ferè, idemque coincidunt, esse nimirum ignem, aut ipsi congenitam caliditatem sensitivæ facultatis, ac vitæ totius fontem, five enim flamma hæc, aut caliditas in corde primum collocetur, ita ut ab ipso corde in universum corpus erumpat, five potius in sanguine reponatur, id parum discriminis est.

Et profecto cum vita ipsa perpetuum conjugem habeat calorem, ita ut duo hæc simul oriantur, simulque deficient, non levis propterea suspicio haberi potest, vitam à nullo potius, quam à calore originem ducere. Difficultatis tamen plena res est, ac perdifficilis, ut statuatur; cum eodem jure opinari liceat, calorem ipsum à vita produci, illiusque non causam esse, sed effectum; utque propius ad caliditatem sanguinis accedamus, cum duo hæc in sanguine adinveniantur perpetuò, calor scilicet, atque motus; quæstio est potissima, sitne calor a motu productus, an motus ipse a calore: quicunque autem eorum sit, qui alterius causa reputari mereatur, in eo pariter animalis vitam primò consistere necesse est; ideoque supradictarum opinionum affectis incumbit onus ostendendi, sanguinis circuitum caloris effectum esse.

Hoc autem demonstrare quam arduum sit, nunc paucis lubet innuere. Primumque illud repetimus, quod alibi de motu cordis loquentes indicavimus: circulationem sanguinis per systolen, atque dyastolen cordis absolvi; cor autem contrahi, & expandi non ope illius caloris, aut ignis, vel in eodem corde insiti, vel in sanguine, sed causa propriæ structuræ, in hunc finem à naturâ dispositæ:

quare motum sanguinis non a calore dependere congruum videtur. Equidem animalis intimam compositionem inspicientibus, & sedulo ponderantibus, nonnisi motus sanguinis videri potest esse potissima corporis operatio; cum luce clarius appareat, naturam de ipso motu quam maximè sollicitam esse, & in illius gratiam composuisse universa, sagacitate summâ, ac providentiâ: quod de calore affirmari nequit; cum nihil omninò in animalis corpore reperiatur, quod ad caloris aut conservationem, aut receptaculum, aut generationem certo, & evidenter pertineat.

Præterea quid illud est, quod, motu sanguinis in parte aliqua interdicto, ligatâ scilicet, aut obstructâ arteriâ, per quam sanguis ad partem illam profluit, statim pars hæc motum prorsus amittit, ita ut penè mortua videatur? deficere quidem tam subito in eadem parte vitalis caliditas nequit, cum jam, ante arteriæ obstructionem, plurimum ibi extiterit caliditatis, quæ etiam post obstructionem arteriæ in illa parte servatur per aliquod spatium temporis, ut tactu dignosci potest. An id fortè sequitur, quia vitalis caloris propagatio eodem modo fiat, ac irradiatio lucis? Quare, quemadmodum clausâ fenestrâ cubiculi, per quam solares radii in cubiculum ipsum trajiciuntur, statim tenebrosus evadit cubiculum, licet plurimum lucis ibi reperiatur, jam antea per fenestram ingressæ; ita pariter obstructâ arteriâ, adeoque interceptâ successivâ derivatione vitalis caloris a corde, vitam illicò in membris deficere necesse est, licet antea plurimum hujusce caloris

loris in iisdem membris profluxerit, inque illis adhuc resideat.

Verum si ita est, cur obstructo eodem modo, aut ligato insigni venarum trunco, atque ita circuitu sanguinis in aliquibus corporis partibus intercluso, nihilominus in iisdem partibus amittitur motus? Ligatâ venâ cavâ animalis vitam brevi deficere certum est: hoc autem in casu inhihetur quidem motus sanguinis, non autem prohibetur, quin a corde per arteriam magnam vitalis calor in universum corpus incessanter valeat diffluere.

Nonne etiam plantæ omnes, & arbores vivunt, nutriuntur, & crescunt, nec tamen ulla vera caliditas viget in illis? viget autem, ut ostendimus, fluidorum circuitus, quo pereunte, vitam quoque plantarum perire necesse est. Quid de vita complurium piscium, & insectilium dicendum, quam procul ab omni vero calore, non vero absque motu sanguinis, aut alterius fluidi, vicem sanguinis gerentis, diu produci experimur? Hisce igitur factis probari videtur, quod nos millies in antea actis docuimus, non ab ulla caloris specie, sed a motu sanguinis, animalis vitam oriri; quare cum illud omnium primum, atque potissimum dicendum sit, a quo vita ipsa statim, & continenter dependet: evincitur, motum sanguinis illius caliditatem præcedere, non autem caloris effectum esse. Neque enim obstat, plantarum animaliumque partem majorem magis esse vegetam in aëre calido, quam in frigido, magisque etiam tunc generationi, & nutritioni idoneam esse. Nam ut prætereamus, nonnullas plantas, nonnullaque animalia reperiri, quæ
D 5
fri-

frigido aëre, non autem calido delectantur: inficiari quidem non possumus, lucem, & ignem, adeoque etiam caliditatem in animatis corporibus plurimum operari; sed plurimum quoque operantur & alia; multum aër, multum aqua, multum tellus ipsa operatur; cur igitur tantum ignitribuendum est, ut de aliis ratio haberi non debeat? Dubitatio est de vita, an scilicet hæc in calore, aut in alio quopiam sita sit. Fundari vero illam in motu sanguinis, aut alterius fluidi sanguinem æmulantis, ex superius habitis haud temere opinari licet; cum certum sit, vitam ipsam cum motu sanguinis inchoare, deficere, & alterari. Quare si hujusmodi vitæ causa adeò certa, & evidens est, cur ergo opus est aliam confingere dubiam satis, atque latentem?

Fortasse enim ob aëris caliditatem plantæ, & alia supradicta, vegetiora fiunt, quia in eorum corporibus celerior, promptiorque fit fluidorum circuitus, adaucto scilicet fluore eorundem, ope caloris, qui fluida ipsa attenuat, rarefacitque: & quia etiam tunc temporis fluidorum copia abundantior est: unde & corporis quoque major nutritio, major plenitudo, & validitas. Hoc autem opus à calore productum, peculiaris quædam res est, non autem universalis, vitamque ipsam constituens: siquidem etiam aëris qualitates, & conditiones ad plantarum, animaliumque vegetationem, ac perfectionem spectant, neque tamen in aëre præsertim eorum vita consistere dicitur. Instare autem aliquis posset, vel ex eo ignem, & caliditatem præcipuum videri fulcimentum vitæ corporum animatorum, quod ignis ipse, & calor causa sit ortus, & productionis eorum.

rumdem; namque ex ovis animalia nequeunt ori-
ri, ni prius ova ipsa aut per incubationem, aut per
radios solares, aut per ignem, statutam quamdam
caliditatem adipiscantur. Sive ergo caliditas hæc
ignem, aut flammulam in primo illo animalis gra-
phide accendat, quæ postea simul cum corpore ani-
malis adaugeatur, & latius pateat; sive potius pri-
mum excitet motum cordis, adeoque etiam prima
caussa sit motus sanguinis: in utroque casu caliditas
supradicta, animalium vitam producit; quare & in
eâdem caliditate vitam ipsam fundari necesse est;
cum rationi congruum videatur, a quo vitæ exor-
dium dependet, pendere quoque ipsius conserva-
tionem.

Huic autem alioquin validissimæ instantiæ, re-
sponsio in promptu est: concedimus enim, calorem
primum esse opificem vitæ, & qui primus omnium
corpus reddit aptum animæ recipiendæ; atqui ne-
gamus esse illum essentiam, & causam vitæ (ut a-
junt) continentem. Prima etenim illa caliditas,
ideo vitam excitat in illo primo animalis rudimen-
to, quia primum motum tribuit cordi, & sanguini:
motu autem hujusmodi inchoato, vita ipsa amplius
non indiget caliditate, sed omninò fundatur in eo-
dem motu, qui semel inceptus, ad mortem usque
animalis perdurat, absque ullo caloris auxilio, sed
per solas mechanicas leges. Nam quemadmodum
horologii motus, ab aliquâ extrinsecâ vi exordium
recipit, scilicet a manu nostra, ejusdem machinas
debito in situ componente, deinde verò spontè sua,
& ex necessitate mechanicarum legum continuatur:
ita & primus cordis, sanguinisque motus, ab ex-
trin-

trinfeca caliditate ducit initium, fed postmodum perseverat fine ullo caloris adjumento. Effe verò motum sanguinis speciem quamdam motus perpetui, adeoque poffe illum femel inceptum absque ullo auxilio externæ facultatis continuari, probant ea, quæ circa motum sanguinis, & cordis docuimus superius; nam cum perpetuus motus illè fit, qui ab alterius corporis motu dependet, & ipse simul cauffa est, quod illud alterum corpus moveatur: hoc equidem perfectè adimpletur in motu sanguinis animalis: cor etenim motu suo cauffa est motus sanguinis, & viciffim motus sanguinis cauffa est motus cordis; quia per cerebrum fluens, & arterias cerebri alternè expandens, hujusmodi expansionibus arteriarum contiguos villos cerebri comprimit, atque ita nerveum succum, & animales spiritus in cavitatibus eorundem villorum residentes, ad inferiores partes corporis exprimit, quamobrem cor ipsum ob influxum animalium spirituum constringitur, ac dilatatur viciffim, ut superius probavimus; atque hinc fequitur, ut sanguis a corde motum recipiat, fimulque etiam cordi ipsi motum tribuat, talique pacto perficiatur perpetuus motus sanguinis, & cordis, ut jam innuimus. Fertur divinus Archimedes vitream quamdam sphæram construxiffe, in qua mirabili artificio cœlestium corporum motus omnes repræsentabantur, fyderumque loca, aspectus, conjunctiones, disjunctionesque veris stellarum locis, & aspectibus correspondentes, in quolibet momento temporis observabantur. Nec alia ratione opus hujusmodi admirabile constructum fuisse dicitur, nisi per certam quamdam

EXERC. DE HUMORIBUS. CAP. V. 61

dam dispositionem corporum, sphaeram ipsam componentium; a qua dispositione, iisdem corporibus necessarius motus inducebatur, mechanicis legibus congruus, per quem supradicta omnia absolvebantur.

Scimus, Tarentinum Architam non ab simili ratione volucrem columbam composuisse, quæ aves ipsas æmulabatur. Scimus Albertum Magnum humanum caput construxisse, quod vocem edebat, & interrogatis responsa dabat. Si ergo tanti valet hominum ingenium, ut ope solius motus, & per congruam structuram corporum, tam mira possit artificia componere, quæ ad instar viventium rerum, operationes eliciant; quis ibit inficias, posse naturam, ejusque summum, ac divinum artificem per simplicem motum, structuramque corporum, animatas res efformare? Vagari possem per omnia genera admirandorum operum naturalium, in quibus omnibus liceret ostendere, solum motum ex partium structura pendentem, naturam adhibuisse, eoque solo mediante operationes ipsorum oriri; ergo per motum, corpus est animæ continendæ capax.

Et equidem si Aristotelicæ doctrinæ volumus inhærere, necesse est, ut fateamur, maximam reperiri affinitatem, & connexionem inter motum ipsum, & animam viventis corporis: magnus enim ille Philosophus definiens motum, dixit illum actum entis in potentia, prout est in potentia; deinceps verò definiendo viventis corporis animam, illam dixit, actum primum corporis Physici organici potestate vitam habentis. En igitur quod præclarus

clarus ille Philosophus, quidditatem prædictæ animæ eâdem appellatione actus explicavit, quâ explicavit quidditatem motus, quasi dixerit, animam viventis corporis esse motum primarium, à quo motus omnes, facultates, & operationes ejusdem corporis proficiscuntur. Ex hisce autem omnibus, quæ nunc dicta sunt, nollem extare aliquem, qui arbitretur, nos in eâ sententiâ esse, quod anima viventis corporis sit purus, simplexque motus; neque enim ita opinamur: verum sicuti negamus viventis corporis animam esse calorem, ita pariter eodem modo negamus, prædictam animam esse motum; sed asserimus, viventis corporis animam esse formam substantialem [ut à Scholasticis dici solet] ejusdem corporis, quæ illud informet, sicuti pariter in scholis Peripateticis affirmatur. Veruntamen altius, atque nobilius loquendum nobis esset de anima hominis; quam scimus, credimusque esse purum spiritum incorporeum, æternum, & immortalem, à Deo ter maximo creatum, & humano in corpore infusum.

Hæc omnia fufius pertractavimus probandi causa, vitam non in calore consistere, sed in motione sanguinis, fluidorumque; hoc enim statuto, consequenter arguitur, motum sanguinis non a calore procedere, sed calorem a motu.

Neque verò ii sumus, qui opinemur, a simplici motu corporum, licet fluida sint, caliditatem elici posse, sed ob eam tantum rationem, motum sanguinis, & fluidorum causam dicimus caliditatis, quod mediante illo motu, solidæ quoque partes corporis moventur assidue, mutuoque confricantur,

tur, abraduntur, atque ita calorem pariunt, eo modo, quo solida corpora ferè omnia, dum mutuo confricantur, incalescunt. Moveri autem assidue, & confricari vicissim solidas partes corporis per motum sanguinis adeo certum est, ut nullâ indigeat probatione. Cor enim primo movetur, confricaturque systole, atque dyastole: ita pariter arteriæ universæ, ac venæ indeficienter moventur; tandemque vasa omnia corporis, per quæ sanguis, & fluida reliqua trajiciuntur. Sive igitur motus hic, & confricatio partium solidarum, à transitu fluidorum per ipsas immediate dependeat, ut in compluribus solidis partibus evenit; sive procedat ab influxu spirituum animalium, à cerebro dimanantium; semper tamen verum est, motum sanguinis causam esse cujuslibet motus solidarum partium: quandoquidem, ut supra docuimus, influxus quoque spirituum animalium oritur a motu, & transitu sanguinis per arterias cerebri. Et sicut spontaneæ corporis exercitationes, caliditatem in ipso corpore adaugent, eo quod magna sit solidarum partium commotio, insignis confricatio, & abrasio eorumdem; ita pariter intrinseca illa naturalis, ac propterea insensibilis commotio solidarum partium, a motu sanguinis, videlicet a vitâ ipsâ procedens, causa est, cur perpetua illa, & indeficiens caliditas in corpore conservetur. Animalis enim vita nil aliud est, quam motus, motus, inquam, sanguinis primò, secundariò verò, & consequenter motus pariter solidarum partium, qui motus sensibus parum, aut nihil comprehenditur, quia assiduus est, & continuus, quia intimus, & per minimas loci

muta-

mutationes peractus, quia vitæ focius est, & ~~con-~~
vius; adeo ut, quamdiu vivimus, nulla, quantumvis
minima, nostrorum corporum pars sit, quæ assiduo
motu, licet nobis ob consuetudinem insensibili, non
fruatur; qua de causâ fit, ut corpora nostra assidue
exinaniantur, assiduâque propterea restauratione in-
digeant; nam cum partes omnes nostri corporis con-
junctæ sint, & tangantur ad invicem, fieri nequit,
ut in supradicta earumdem commotione, mutuo
non confricentur, atque ita portio aliqua substantiæ
abradatur ab illis. Hæc igitur attritio, confrictio
hæc, caliditatem producant in corpore.

Huic vero jam expositæ causæ caliditatis, &
aliam quamdam insignem adjungere congruum est,
fermentationem scilicet, & ebullitionem sanguinis,
fluidorumque omnium, cujus auxilio calorem in
corpore animalis excudi posse negare non audemus,
cum plurima sint obvia experimenta effectum hunc
comprobantia: eodem enim pacto, quo liquida
multa corpora, cum duo, aut plura simul commi-
scentur, fermentationem illico, & calorem con-
cipiunt; sic fieri potest, quinimo necessarium esse
credimus, sanguinem ob permixtionem cæterorum
fluidorum corporis incallescere, & ebullire. Plu-
ra namque, ut jam compertum est, in animalis cor-
pore reperiuntur, quæ licet sanguine elaborata, &
ab illo sejuncta sint, diversam tamen ab eodem san-
guine naturam obtinent, varias vires, facultates-
que. Hæc autem omnia, aut saltem illorum pars
major, iterum cum sanguine commiscentur; &
quemadmodum aquæ omnes fontium, ac flumi-
num, universum telluris globum irrigantium, ad
mare,

mare, unde olim revulsæ sunt, regrediuntur assidue; ita & nostri corporis fluida omnia in cavitates venarum, arteriarumque, unde semel exierunt, remeare nunquam deficiunt. Itaque hujusmodi fluidorum assiduus reditus in sanguinem ille est, qui assiduam quamdam, mitemque fermentationem sanguini tribuit, & placidam elargitur caliditatem, ob rationes alias expositas: saliva etenim, exempli gratiâ, fel, humorque ille, qui in pancreate secernitur, dum per lactea, aut chyliifera vasa ad subclaviam venam deferuntur: dum nerveus succus à cerebro diffluens cavitates ingreditur fibrarum musculorum componentium: dum alia, atque alia corporis fluida, demandata sibi munera exercendo, in alia, atque alia loca pertranseunt, semper sanguini ultimò commiscetur, inque illum, diffiduum aliquod particularum inducunt; quamdam videlicet rarefcentiam, & fermentationem, à qua calorem oriri posse experimenta demonstrant.

Fortasse inter cætera officia, quæ nostris in corporibus lymphæ exsequitur, non vulgare illud est, quod suo accessu, & recessu assiduo in sanguinea vasa sanguinem ipsum irroret, diluat, atque ita cogat illum placide ebullire, & rarefcere; ut per talem ebullitionem continuam suavis caliditas in illo excitetur. Neque temerarium est id asserere, cum hæc eadem opera, aqua ipsa communis exercere valeat, quoties actuosis, ac sulphureis fluidis commiscetur, ut non semel ipse expertus sum. Chylum quoque in hujusmodi sanguinis assidua, ac leni fermentatione, partem plurimam obtinere, vero simile admodum est. Etenim quotidiana illa sanguinis restauratio,

ac veluti renovatio per chylum, vel ex eo videtur potissima causa expositæ fermentationis, quod sanguinem supradictò modo quotidie innovatum, ut maturitatem, perfectionemque recipere valeat, placide fermentescere necesse sit, ut fuscè superius ostendimus, cum de generatione sanguinis verba fecimus: hoc etenim non admissò, nulla alia potest probabilis ratio excogitari, cur chylus ipse, sive sanguis chylo recenti repletus, ad maturitatem redigi possit, ut supradictò loco docuimus.

Et quidem incongruum videtur omninò, assiduam hanc recentis sanguinis fermentationem denegare, cum fluida omnia, quæ huic sanguini similia sunt, à tali fermentatione non sint immunia. Fermentescunt enim & lac, & mustum, & herbarum omnium, pomorumque succi, aliaque demum hujus generis liquida universa. Neque vero opponi potest, quod, sicuti fluida hæc memorata, dum solidis, crassisque partibus omninò spoliata fermentescunt, nullam sensibilem caliditatem concipiunt: ita pariter sanguis ipse, quantumvis fermentescere, & ebullire concedatur, nullum tamen calorem hac de causa valeat acquirere, cum liquidus omnino sit, ac nullæ solidæ partes in ipso reperiantur; responsio enim in promptu est, sanguinem suis in vasis conclusum, & intra animalis corpus repositum comparari debere, non quidem musto vinaceis depurato, sed illi, quod una cum vinaceis ipsis in tiniis detinetur, ut fieri mos est, quod, dum ebullit, verè, & sensibilibiter incalescit. Sive igitur solidæ partes corporis ebullientem sanguinem continentes, & circumdantes undique, ideo caloris produ-

EXERC. DE HUMORIBUS. CAP. V. 67

ductionem efficiant, quod ipsius sanguinis evaporationes detineant, impediantque, quo minus liberimè extra corpus erumpant; sive id præstent, quia una cum sanguine ipsæ quoque aliquatenus fermentescant, atque ita patiantur in suis intimis partibus alterationem, commotionemque, ex quo calor gignatur: quomodocunque id contingat, certum est, eodem pacto, quo mustum una cum vinaceis ebulliens calorem adipiscitur, ita etiam congruum videri, sanguinem ipsum intra corpus animalis, ob rationes supra expositas, assidue ebullientem, assiduam pariter caliditatem possidere debere.

Hisce itaque duabus positis, ac probatis causis, assiduum illum, ac naturalem calorem sanguinis totius animalis corporis producentibus: jam quo pacto calor etiam præternaturalis, corpus ipsum nonnunquam adoriri valeat, cognitu facilè est; nam si quando accidat, ut una ex causis supradictis, aut ambæ simul intensiores, validioresque fiant, calorem quoque corporis adaugeri necesse est. Quare immanis fermentatio sanguinis, fluidorumque, aut sponte enata, aut per admixtionem alicujus insolitæ rarefcentis, ac fervidæ materie, caliditatem summam, & comburentem producere potest; atque ita quidem febres, febrilemque calorem excitari posse non inficiarer, eas verò præcipuè, quæ putridæ febres vocantur, quæque ob sanguinis corruptelam, aut fæculentiam insignem oriuntur.

Eæ verò febres, quæ procul a quolibet vitio sanguinis, sicuti nonnullas tali pacto fieri posse certò credimus, eæ inquam pariter non absque alicujus fluidi fermentatione, ac præternaturali rarefcentia

contingunt, maximè verò nervei succi: huic namque tribuimus earum febrium productionem, quæ symptomatice vocantur, quæ videlicet ab aliquo peculiari corporis affectu procedunt; cujus generis eæ sunt, quæ aut pleuritidem, aut anginam, aut denique quodcunque genus inflammationis, aut tumoris, tum externi, tum interni comitantur. Hisce enim in casibus ideò febres oriri arbitror, quia in inflammatis, aut quomodolibet læsis membris corporis, dum pus conficitur, solidæ quoque partes putrescunt, adeoque etiam nervi in iisdem partibus infiti & corrumpuntur, & dilaniantur; ob quam nervorum dilanationem nerveus liquor quam maximè exagitur, perturbaturque, ac per universas partes corporis irregulariter fluctuat; unde & cordis motus irregulares reddit, concitatiores, frequentioresque; & consequenter motus sanguinis irregularis evadit, in quo febris natura consistit; ideoque in quibuscunque morbis, in quibus sanies fit, rigores ferè assiduos patiuntur ægri. Constat igitur febrilem caliditatem ortum ducere ex duabus supradictis causis, perpetuum calorem sanguinis producentibus, sed quæ jam validiores factæ sint: siquidem & fermentatio sanguinis, aut alterius fluidi in febribus major est, quam febre absente, ut docuimus, & solidarum partium intima commotio major pariter est; & propter spirituum animalium fervorem, & propter frequentiam pulsationum cordis, & arteriarum. Sed de calore sanguinis satis.

CAP. VI.

De Humoribus a Sanguine distinctis, & primo de succo nerveo.

Sanguinem fluidorum omnium corporis parentem esse non semel docuimus superiùs : quæ verò, & quot sint hujusmodi à sanguine derivantia fluida, quibus in locis corporis contineantur, quoritu, & quâ lege à sanguine enascantur, qui sint eorum usus, nondum à nobis expositum est. Ad numerum ergo quod spectat, hic varius, ac multiplex est, si universa liquidorum genera intra animalis corpus residentia lubet enumerare, & multiplex adhuc, si ea quoque fluida recenseantur, quæ nullum in corpore usum obtinent, sed excrementitia omninò sunt, ac veluti superfluitates sanguinis, quæ ideò è corpore educi mereantur. Nos excrementitios humores non prosequimur nunc, cùm de iis tantummodò sermonem habere velimus, quorum officium aliquod in corpore est. Nec de iis etiam universis loqui occasio, & tempus patiuntur, sed de peculiaribus tantùm, atque præcipuis, quos inter cum videatur nobis nerveus succus primum locum obtinere, ratione dignitatis officiorum, quæ ab ipso in animalis corpore exercentur, ideò primùm omnium illum aggredimur. Nobis autem de eo loqui incipientibus, obvia est dubitatio, an hic nerveus succus reperiatur, necne? Licet enim innumeri ferè sint rei anatomicæ Scriptores insignes, li-

E 3

quo-

quorem hunc admittentes, adfunt tamen è contra nonnulli, & quidem magni nominis, qui illum denegant penitus, quos inter princeps videtur Thomas Bartholinus; qui rationibus plurimis, & experimentis demonstrare conatus est, famigeratum hunc liquorem in nervis non reperiri: & quod nervi cavitates sufficientes non habeant pro tali succo continendo: & quod ipse omnino superfluous sit, cum officia omnia ipsimet assignata per solum sanguinem commodè adimpleri valeant: & quod in cerebro non elaboretur: & quod tandem nullus unquam hujusmodi succum observare potuerit. E contra autem recentiorum Anatomicorum pars major, ipsum constanter admittit, quos inter etiam aliquod discrimen est circa usus, ac munera illius. Nos in horum sententia sumus, arbitramurque, nervos omnes suas habere, ac multiplices angustissimas cavitates, ab humore quodam pellucido irrigatas, repletasque assiduè; scimusque etiam supra memoratum Bartholinum, etsi non palam, & apertè, saltem ore tenùs, nerveum hunc succum tandem confessum esse, licet non omnia attributa ipsi communiter officia concesserit. Et quidem quotiescunque animalis fabricam mecum ipse reputo, repèrioque universas ejus corporis partes ex nullis aliis constitui, quam ex duplici rerum genere, ex fluidis scilicet, atque ex canalibus ea continentibus; suadeor facillimè, nervorum quoque compositionem talem esse, ut ex pluribus minimis canalibus, fluido aliquo peculiari repletis, coalescat.

Nam si universæ corporis partes, ne ossibus quidem exceptis, hujusmodi sunt, cur soli nervi solidi esse

esse debent, compacti, & impervii omnino? Animales spiritus, per quos motus, & sensus corporis absolvuntur, a cerebro per nervos profluere in corporis membra omnes ferè fatentur; & observationes quoque, & ratiocinia id ipsum comprobant evidenter. Hoc autem posito, cavitates in nervis admittere necesse est, per quas spiritus ipsi transire valeant liberrimè: animales enim spiritus corporeos esse oportet, cum quodpiam naturale sint, & in rebus corporeis operari debeant. Nam quod nonnulli affirmant, hosce spiritus nil aliud esse, quam simplicem lucem, adeoque illos, aut penitus esse incorporeos, aut compositos ex tenuissimo corpore, posseque idcirco nervorum substantiam, quam citissime permeare, etsi nulla in nervis sensibilis cavitas sit, in qua alius liquor residere valeat: hæc asserentibus incumbit onus ostendendi, nervorum substantiam diaphanam esse, ut videlicet illa lux animales spiritus constituens, possit nervorum longitudines tantâ velocitate, tam cito, & constanter pervadere; substantiam autem nervorum opacam esse, & luci imperviam sensus demonstrant; aliquem vero succum in nervorum meatibus reperiri testantur vulnera, & abscessus tendinum, partiumque nervosarum, quarum utraque humorem quemdam exsudant, qui cuilibet sanguineæ excretioni omnino absimilis est. Testantur rursus experimenta; nam vivo animali si nervus versus inferiores partes exprimatur, statim motus sequitur illius membri, cui nervus ipse inseritur suis extremitatibus, quod non contingit, si nervus idem versus suam originem exprimatur; hoc itaque probat fluidum aliquod in nervis con-

tineri, quod statim ac in musculis per extremitates nervorum evomitur, musculos ipsos movere faciat. Quod vero objicitur, humorem hunc in nervis non adesse, quia nervis dissectis non effluit, & quia ligati nervi non intumescunt supra ligaturam, ut in venis accidit, & arteriis: respondet Willisius hæc non contingere ob maximam illius subtilitatem, quod scilicet succus hic spirituosus admodum sit, possitque facile evaporare, ac diffari, quoties nervi asperius tractentur, corrugenturque; idemque auctor testatur, se expertum esse in quibusdam animalium catulis recens natis, quibus nerveus succus adhuc viscosus est, nec ita facile diffabilis; eorum nervos majores, si vinculis constringantur, supra ligaturam intumescere.

Hisce ergo, aliisve pluribus de causis nerveum liquorem denegare non audemus, eoque præsertim, quod eo posito, universa ad motum, ac sensum spectantia quam eleganter explicari possunt: quod præstare non licet per si implices animales spiritus, qui si in nervis omnino solitarii adessent, & nullo alio fluido implantati, mirum foret, eos brevi prorsus non diffari, non distrahi ad invicem, & eorum contiguitatem non dissolvi, atque suas operationes non vitari prorsus, & confundi. Fortasse enim spasmi, qui ab inanitione, siccitateque nervorum non raro producuntur, ut affirmavit Hippocrates, utque experientia ipsa confirmat, non alia ratione fiunt, nisi quod nervorum succo, aut deficiente, aut insigniter imminuto, attenuatoque, animales spiritus ad invicem distracti sejunguntur, & inconstanter moventur,

tur, ubique fluctuant, & irruunt, adeoque suis incurfionibus continentia corpora validè contrahunt, & flectunt.

Hujusmodi ergo nervei succi probationibus allatis, constat jam non aliam esse illius sedem, quam nervorum cavitates: cum enim nervi omnes productiones quædam cerebri sint, compositi scilicet ex iisdem filamentis, quibus cerebrum, ac cerebellum componuntur, eademque duplici membrana induti, quibus duæ illæ nervorum scaturigines induuntur; necessarium profecto est, universa cerebri, ac cerebelli filamenta eodem pariter succo repleri: quod etiam de oblongata spinali medulla necessario videtur dicendum.

Jam enim satis notum est, totius cerebri meditullium ex innumeris minimis villis componi uniformiter plicatis, & circumflexis; quorum complures simul conjunctos, & veluti manipulum quemdam villorum, è cavitate cranii egressum, à cerebri fundo usque ad os sacrum continuari, & spinalem medullam constituere, à qua iterum minores alios, atque alios villorum manipulos scaturientes, quasi totidem rivulos, per universa membra corporis diffundi, peculiare nervos efformando. Hæc igitur quicumque scit, conjiciat jam eundem liquorem, quem in cavitatibus villorum nervos efformantium reperiri superius probavimus, admittendum quoque esse in cavitatibus villorum, qui medullam spinalem, & totius cerebri meditullium constituunt, cum una prorsus, eademque sit eorum natura, & substantia, & evidens continuatio.

Quæ cum ita sint, undenam nervorum liquor

adveniat, & quo in loco primum gignatur, cognitu facile est: nam quemadmodum spinalis ipsa medulla, & nervorum genus universum a cerebro ducunt originem; ita pariter ab eodem cerebro nerveum succum dimanare necessarium videtur: cum absurdum omnino sit, liquorem hunc ab extremitatibus nervorum ad cerebrum usque attolli: & quia nulla sunt in his locis secretiora instrumenta; & quia animalium spirituum motum, adeoque nervei succi progressum à cerebro versus inferiores partes fieri necesse est.

Cerebrum autem è contra hujusmodi separationis instrumentis prædeditum observatur, quorum ope nerveum hoc fluidum à sanguine per cerebrum ipsum fluente, sejungitur: innumeræ enim minimæ glandulæ in eodem cerebro, speciatimque in ejus cortice reperiuntur, per quas innumera pariter sanguinea vasa pertranseunt multiformiter circumtexta, & rete quoddam elegans efformantia; in quibus glandulis nerveum succum, & animales spiritus à sanguine destillari jam communiter opinatur, nec sine magna ratione, cum aliunde compertum sit, glandularum non aliud munus esse, quam fluidum aliquod à sanguine separare: nec præter memoratum necessarium liquorem ullus alius assignari valeat, qui in hisce glandulis procreetur: cui sententiæ illud pariter magnam fidem facit, quod in ipsis glandulis licet intueri, esse scilicet earum quamlibet, initium uniûs ex innumeris illis filamentis, quibus universa cerebri moles, & postea spinalis medulla, & omnes etiam nervi componuntur, ut supra innuimus. Id enim satis eleganter probat in
me-

memoratis glandulis nerveum fluidum procreari prius, dein verò ab illis fluidum hoc in cavitates eorumdem filamentorum evomi; hic læsis quomodo-libet glandulis ipsis, lædi pariter oportere spirituum animalium, nerveique fluidi procreationem, atque descensum; quod non rarò evenire experimur in vulneribus capitis, & in internis ejus abscessibus, ulceribus, nec non etiam in serosa colluvie cerebri, in iis demum omnibus affectibus, in quibus cerebri cortex supradictis minimis glandulis conflatus devastatur quamplurimum. Ac talis quidem videtur mihi naturalis spirituum animalium, nerveique fluidi genesis, talis motus, atque descensus, ut videlicet, quicquid nervorum cavitates ingreditur, à cerebro oriatur, præcipue vero à glandulosa ipsius substantia, & à superioribus ad inferiora descendat. Neque tamen tuto negari potest, aliquid etiam nervorum cavitates subire ab inferioribus, & ultimis nervorum extremitatibus, quod veluti subsidium fit, ac supplementum, quo liquor nervorum irriguus restauretur, & partim etiam componatur.

Id autem fieri posse, ne dicam necessario deberi, probant ea omnia, quæ circa initium ascensionis fluidi nutritii in primis tubulis radicum plantarum supra edocuimus. Nam cum extremitates nervorum in iis partibus corporis, in quibus inferuntur, inveniunt humores aliquos, sanguinem puta, aut lympham, aut aliud quidlibet; nil certè vetat, quin portio aliqua humorum eorumdem, aut saltem effluvia quædam, partes scilicet subtilissimæ, extremitates ipsas nervorum ingrediantur, sursumque ascendant per cavitates ipsorum, quousque etiam ad

cc-

cerebrum transferantur. Etenim licet nerveus liquor in cerebro, & cerebello ferè ex integro procreetur, ut jam innuimus, & exinde ad inferiores delabatur partes; vero simile tamen est, illum sæpenumero ab inferioribus ad superiora progredi: id enim expostulare videntur officia ipsimet demandata, sensus verò præsertim; quandoquidem sensus omnes in cerebro perficiuntur, & objecta externa nèquaquam possent sensationem in cerebro producere, nisi nerveus liquor ab extremitatibus nervorum versus cerebrum moveretur.

Quid enim aliud est sapor, odor, sonus, aliaque hujusmodi universa, nisi impulsus quidam ab externis corporibus in extremitatibus nervorum inductus, qui contentum nervorum fluidum versus cerebrum statuto quodam motu progredi facit, ac fluctuare, ita ut per hunc motum excitentur in anima sensationes? Hæc ergò fluctuatio, hic reditus ad cerebrum, ille est, cujus causâ ab imis etiam nervorum extremitatibus aliquid potest per cavitates eorum ascendere. Et hoc etiam in causâ est, cur exhausti nonnunquam spiritus animales, vel inediâ, vel coitu, vel labore immodico, refici soleant quam citissime, aut odoratis rebus, aut comestione ciborum. Si quidem odores solas extremitates nervorum tangunt; quare cum spiritus tam citò recreent, signum est, illos ab extremitatibus nervorum ad cerebrum usque perducì, cumque cibaria ipsa vix deglutita refectionem pariant insignem, neque tam brevi tempore potuerit succus alibilis procreari, & cerebri oras appellere: quid aliud dicendum est, nisi quod libamina quædam ciborum exsugantur ab
iis

iis nerveis filamentis, quæ sensorium gustus, atque viscera coctioni inservientia amplectantur.

Neque vero benigna tantum effluvia, & humorum particulæ spiritibus animalibus congruæ, per nervorum extremitates circa viscera desinentes excipiuntur; verum hoc eodem pacto infecta quoque materies sæpissimè nerveo fluido communicatur, quatenus scilicet præternaturales succi iis in visceribus collecti reperiuntur.

Duplex itaque, ut jam patet, nervei liquoris origo est, duplex fons, nempe cerebrum, sive nervorum principium, & extremitates eorum. Duplex autem rursus ejusdem motus, duplex progressus per cavitates nervorum, sursum scilicet, atque deorsum; quod equidem fieri necesse erat, ob diversitatem officiorum, quæ ipsemet liquor in animalis corpore absolvit; nam cum inter cætera, quæ ab eodem exercentur munera, duo præcipua sint, scilicet motus, ac sensus, quorum primum in cerebro inchoatur, perficitur autem in partibus extra cerebrum positis, secundum vero ab externis partibus occasionem, initiumque desumit, & absolvitur in eodem cerebro; quapropter opus fuit nervorum liquorem modo sursum, modo deorsum moveri posse, ut eo mediante cerebrum inter, ac cæteras omnes corporis partes mutuum adesset commercium, ac reciproca commeandi facultas.

Siquidem motus quilibet corporis à cerebro est, ut alias innuimus, & ope nervorum perficitur, quatenus scilicet nerveus liquor, eique conjuncti animales spiritus a cerebro dimanantes, in musculorum
fibras.

fibras irrumpunt, quod per motum deorsum fit. Sensus autem universi in cerebro pariter procreantur, mediantibus nervis ipsis, quatenus nempe externa objecta extremitates nervorum aliquo motu afficiunt, qui motus, cum nerveo quoque succo impertiatur, cogit illum ad cerebrum usque refluere. Cernitis ergo elegantissimum naturæ artificium, quo idem cerebrum sibi subditis partibus modo tribuere aliquid potest, modo ab illis aliquid recipere, unius nervei liquoris ope, & adjumento. Quare & ejusdem fluidi dignitatem, atque præstantiam ex dignitate muneris ipsi demandati licet intueri; cum absque illo nullus amplius in corpore vigeat sensus, nullus motus; vitamque etiam ipsam perire necesse sit, quia videlicet cessat illico motus cordis, & consequenter sanguinis circuitus, in quo eadem vita consistit. Sed præclariora etiam opera per nerveum eundem succum compleri rationi admodum consonum est, & Recentiorum pars major existimat: universas videlicet functiones illas spirituales, quæ menti nostræ incorporeæ propriæ sunt, cogitationem scilicet, apprehensionem, aliasque omnes principes animæ dotes, per hoc ipsum fluidum exerceri; quandoquidem cum superior, & nobilissima vis ac potentia, quæ hæc omnia operatur, in cerebro ipso hæc omnia operetur [ut rationi congruum videtur]: cumque insuper hæc eadem vis, quæ incorporea penitus conceditur in hominibus, uti debeat corporeis instrumentis, nil aliud equidem in cerebro ipso reperitur hisce operibus magis aptum, quam nerveus liquor, ideoque variis, variisque ipsius motibus hæc omnia absolvi ab anima, non
fine

sine magna ratione insigniores Philosophi opinantur. Quinam vero censendi sint motus hujusmodi, quânam lege, quo ritu exerceantur ab anima, cognitu perdifficile est, & fortassè etiam penitus inopinabile; quare nos ab hujusmodi perquisitione omnino abstinemus, cum nihil certi statuere nobis licitum sit.

Satius autem est nunc celebrem illam disputationem paucis attingere, quæ de alio peculiari nervei succi usu fieri solet penes Recentiores, an scilicet ille sit humor nutritius, quo universum alatur corpus, an vero ipse nullum in hoc opere officium obtineat; etenim ex quo sanguinis circulatio innotuit, cognitumque est, eundem sanguinem nullis in locis corporis diù subsistere, sed torrentis ad instar incessanter diffluere; orta est apud Medicos, & Anatomicos dubitatio de nutritionis materia, quàm è sanguine ipso haud desumi posse aliquibus visum est, eo quod sanguis celeri motu suo potius aliquid à solidis partibus abradere, & auferre valeat, quàm aliquid ex proprio penu partibus ipsis largiri; quare huic muneri adimplendo idoneum magis, & aptum nervorum laticem credidere, opinantes solida omnia corporis membra, per hunc solum nerveum liquorem nutriri. Cui opinioni fidei plurimum tribuerunt observationes; nam si quando aliquæ partes corporis, aut obstructis, aut sectis, aut quomodolibet læsis nervis, commeatu hujus liquoris non gaudeant amplius; sicuti in paralyfi, aliisque etiam in affectibus non raro contingit, eædem partes brevi in atrophiam incidunt, emaciantur scilicet, nec ulla amplius earum reparatio, aut nutritio per-

peragitur. Quod clarè etiam in scorbutica affectione observare licet, quæ cum consistat in insigni quadam, & universali alteratione, corruptioneque laticis nervorum, ut illius symptomata ostendunt; ideo conjugem habet totius corporis colliquationem, ac tabem, etsi nullum in hoc morbo reperitur pulmonum vitium: vulgaris pariter observatio est, quod ab immodico Veneris usu, ab inveterata gonorrhœa, à strumis, ulceribus, aliisque Abscessibus, quibus multum nervei liquoris impenditur, totius corporis tabes producitur. Gluten quoque, ac viscus ille, quo nerveus succus præditus est, id aliquatenus probat; cum ejus merito nutritionis opus facilius absolvi posse videatur, quam per retorridam, asperamque sanguinis substantiam; ac demum resolutio solidarum partium id quoque confirmat: quandoquidem caro quælibet corporis cum corrumpitur, in humorem quemdam faceffit album, lucidum, viscidumque, qui potius nerveus liquor, quam sanguineus latex apparet.

Quibus, aliisque, quæ ulterius afferri possent, rationibus, id comprobari certò videtur, nervorum succum, aut universam, aut insignem nutriendo corpori materiam elargiri, aut saltem aliquid operari, absque quo nutritionis munus nequeat absolvi.

Nos equidem primam partem tueri absolum existimamus, cum incongruum omnino videatur, tantum substantiæ, quantum assiduæ corporis nutritioni debetur, a solo nerveo liquore suppeditari posse. Sæpe enim immensa fiunt corporis dispendia,

dia, & à laboribus vehementibus, & à febribus, & a sudoribus, & ab inediis, quæ satis brevi per nutritionem restaurantur; ut dictu quoque difficile sit, quomodo ex solo penu nervei liquoris, tam insignes jacturæ corporis refici valeant: cum hujusmodi succus adeo paucus sit, adeo tenuis, ut difficulter admodum sese in conspectum præbeat, ac tam equidem difficulter, ut oculati alioquin Anatomici illum prorsus denegare ausi sint.

Præterea quicquid illud sit, quo nutritio ipsa peragitur, id quidem ubique reperiri necesse est, cum universæ corporis partes assiduâ reparatione indigeant; atqui nerveus latex, neque tam communiter per omnes corporis particulas diffunditur, neque ulla constans, ac necessaria vis assignari potest, a quo ipse cogatur ubique moveri, ac diffundi: licet enim a cerebro ad inferiora descendat, ut superius innuimus, descensus hic irregularis omnino est, & interpolatus, non regularis, & constans: tunc enim descendit nerveus succus, ubi peragendus est motus membrorum, ut alibi ostendimus; ne dicam audax nimis esse opinari, fluidum illud, quod mentis operationibus inservire, si non omnino certum, probabile saltem est; illud inquam, cujus meritò sensus omnes, & motus corporis perficiuntur, adeo a nutritionis opere absumi. Neque enim, ut sanguinis patrocinium suscipiamus, satis evidenter, imo ne probabiliter quidem demonstratum est, in sanguine materiam nutritioni aptam non contineri; siquidem, ut ea omnia prætereamus, quæ circa nutritionem ipsam in primo capite hujus tractatus, & alibi etiam edocuimus, ostendit quidem

dem ipsius sanguinis spontanea resolutio, in ejus massa alibilem succum contineri; sanguis enim extravasatus, cum sponte sua in partes secedit, concrecentem sui substantiam oculis exhibet, quam solidis partibus adhærere faciliter, & soliditatem induere posse, nil vetat; quin si aliquâ corporis affectione contingat, quod hujusmodi concrescibilis materies in sanguine nostro reperiatur, videlicet quod sanguis plus quam par est fluidior evadat, & fibris destituatur, tunc nutritionem quoque corporis imminui experientia demonstrat; animal enim extenuatur, & ad tabem usque perducitur. Quare pingues homines, & in plethorico, ut ajunt, corporis habitu constituti, sanguine crasso admodum præditi sunt: graciles autem, ac macilenti fluidissimum sanguinem obtinent.

Sed & illud reticendum non est satis validum argumentum, quod cum plurimæ partes corporis sint totæ ferè nerveæ, aut saltem nervis abundantes, eæ quoque sunt graciles, & exilissimæ, cum crassæ potius, & pingues admodum esse deberent, ob nutrientis materiæ copiam, si nerveus liquor nutritionis materia videretur dicenda. E contra vero membra corporis, partesque omnes sanguine divites, pingues pariter, & crassæ sunt, cum plurimum alentis substantiæ a sanguine ipso recipiant; quin nonnullæ quoque reperiuntur nervis omnino expertes, cum sensu quoque destituantur, & tamen aluntur assiduè; nam, ut ungues, pilos, & alia hujus generis prætereamus, quid de ossibus dicendum est, quæ a plerisque dicuntur sensu carere; adeo ut quoties periostio denudata sint, & se-

cari,

cari, & comburi valeant absque ulla molestia, & sensu? quæ tamen multum exigunt nutrientis materiei, idque a sanguineis vasibus, quibus scatent, large suppeditatur. Et profecto si nutritionis officium sanguini denegatur, quis alius erit illius usus potissimus, cujus causâ sagax, providaque natura coacta sit illius universalem circuitum moliri, adeo ut nulla, quantumvis exigua, ac minima pars corporis adsit, quæ sanguine non abluatur? Non quod sanguis partium motibus inserviat, idcirco illius ubique præsentia necessaria credenda est: sufficeret enim, quod sanguis ipse ad musculos deferretur, quæ sola, certaue sunt cujuslibet motus instrumenta.

Non quod idem sanguis aliorum omnium sit parens fluidorum corporis, ideo ubique permeare coactus est, ut debit in locis determinata fluida proprio ex penu educta relinquat; siquidem certa sunt, ac statuta loca corporis, in quibus liquidorum depositio fieri debet. Ad hæc igitur sola confluere deberet: cur & alia petit? cur universim spargitur, diffunditurque? cur adeo necessarius ubique est sanguinis commeatus?

Equidem in hoc opere absolvendo huc natura, naturæque summus Auctor respexit, nimirum, ut cum universæ partes corporis [nullâ quidem exceptâ] perenni fluxu agitentur, assiduâque substantiæ deperditione exinaniantur, ac propterea incessanti reparatione indigeant, esset aliquid in promptu omnibus, a cujus sinu id reciperent, quod sibi congruum, aptumque esset; idque sanguinis munus est.

Nam quod dictum superius fuit, substantiam sanguinis asperam, ac retorridam esse, id quidem si concedatur, adhuc tamen nihil obstat, quin nutritio per eam fiat. Demonstrandum namque foret, asperitatem substantiæ sanguinis, nutritionis officio adversari, cum fortassè illa eidem officio potius aptior sit, nimirum ut facilius adhærere partibus possit, & cum illis intimè permisceri. Quænam vero tanta hæc est asperitas sanguinis, tanta adustio, cum sanguis ipse subdulcis, & lenis admodum persentiat? Neque etiam motus sanguinis abrasioni potius, quam nutritioni solidarum partium videtur idoneus, abradit enim ea, quæ facile se jungi possunt, ea scilicet, quæ jam superflua, & inutilia evaserunt; adjungit autem utilia plurima, ac necessaria: motus enim sanguinis sano corpore placidus, mitisque est; si concitior, & irregularis evadat, tunc animal ægrotat, & nutritio ipsa impeditur. Nonne etiam aquæ in flumine decurrentes largum suppeditant nutrimentum arboribus in ripis positis?

Dicent: quid ergo illud est, quod si partes corporis nervorum fluido destituantur, nec ullum cum ipso obtineant commercium, ut superius monuimus, etsi sanguis non desit, adhuc tamen illis deficit nutrimentum? Huic quidem validissimo alioquin argumento, non adeo nobis videtur acquiescendum, ut sanguinem à nutritionis munere excludere penitus debeamus. Etenim pro ipso quoque sanguine supradicta militat ratio. Intercludatur sanguinis commeatus; illicò nutritio deficiet, & tamen succus nervorum aderit. Erit ergo nutritionis opus demandatum ambobus, ita ut duorum

rum fluidorum commixtio totius corporis fit alimonia.

Id profecto illud est, quod nonnulli Recentiorum opinantur. Arbitrantur enim hi, nutritionis officium, inter sanguinem, fluidumque nervorum divisum esse, ita ut ille materiam, hoc formam, ut ajunt, suppeditet. Ille se habeat ad instar foeminæ, istud autem ad instar maris. Nempè sanguinem tunc solummodo in nutrimentum partium facessere posse, ubi succo nerveo, veluti quodam fermento imbutus, refertusque sit; cujus merito subtilior, vegetior, ac vividior evadat, magisque promptus, & aptus ad illud tribuendum, deponendumque in solidis partibus, quod iisdem accommodatum, propriumque sit: quod scilicet intima illa sanguinis comminutio, ac divisio per admixtionem nervei liquoris peracta, sanguinem ipsum idoneum reddat huic operi absolvendo, cui alioquin aptus non esset, ob naturalem suam crassitiem, & connexionem particularum. Hanc hypothesein nos contemnere, aut improbare non audemus, quippè quæ ingenii plurimum, & probabilitatis ostendat, & cum nulli unquam in dubio esse possit, quin nerveus liquor partem aliquam in nutritionis opere obtineat. Partes enim corporis tunc solummodo nutriuntur, cum vivunt; atqui earumdem vita à duobus dependet, sanguine scilicet, fluidoque nervorum; horum igitur quolibet si destituantur, vitâ pariter, & nutritione illas carere necesse est.

Sic plantæ omnes, & arbores, ut alantur, & vivant, duobus præcipuè indigent, calore nempè, seu luce a sole promanante, & statuto fluido a tel-

luris globo exeunte. Si horum alterum absit, plantarum quoque vegetatio, & vita deficiet. An verò nervorum fluidum id operetur, quod memorati Auctores arbitrati sunt, res est difficilis, ut statuat

Nos autem, qui hactenus certiore hypothesi non excogitavimus, cum nihil evidentius possimus afferre, ingeniosum illud, & satis probabile nolumus refutare; quare huic de nerveo liquore dissertationi finem imponimus.

C A P. VII.

De Lympha.

INter cætera inventa, quorum hoc nostrum ævum ad invidiam usque futurarum ætatum est ferax, illud non vulgare videtur existimandum, quod circa lympham, & lymphatica vasa toto orbi evulgavit. Etenim triginta circiter ab hinc annis, novum quodpiam fluidum à celeberrimis quibusdam Viris observatum fuit in animalium corporibus, Veteribus Medicis ignotum penitus, & obscurum, specialibus, sui que generis vasibus comprehensum, ac peculiari motu per eadem vasa fluens, cujus color, cum maximam habeat cum aqua lymphida similitudinem [splendet enim ad instar crystalli, nisi alieno liquore inficiatur], idcirco lymphæ nomine donatum est.

Hujus quidem liquoris inventio, licet de ea plures dimicent, communiter tamen tribuitur Thomæ
Bar-

Bartholino, insigni Dano Anatomico, qui in dissectionibus cadaverum, quibus assidue delectabatur, cum fortè vasa plurima circa hepar observasset, humore quodam pellucido scatentia, eaque postmodum diligentiore inspectione aliis quoque in partibus corporis reperisset, novam eorundem historiam descripsit, typisque mandavit.

Sunt igitur vasa hæc exiles quædam venæ, interiorius cavæ ad instar venarum omnium, tenuissimis, ac diaphanis tunicis compositæ, ita ut facilè disrumpi valeant, quarum cavitas humore quodam chrysellino assidue repletur, quem lympham appellant, ut superius innuimus, earumque numerus multiplex habetur. Non autem certus, atque statutus, sicuti numerus sanguineorum canalium. Siquidem non idem est in universis animantibus, licet ejusdem speciei sint, sed major nunc, nunc minor. Eorum autem vasorum amplitudo, & capacitas, etiamsi pro animalium varietate diversa sit, nunquam tamen satis magna apparere solet, sed omnia angusta potius, exiliaque sunt, suisque cavitatibus, mediocris tantum styli crassitiem admittunt. Extrinsecus nodis quibusdam prædita conspiciuntur, minimis scilicet nonnullis nodis ad instar anulorum, qui clarius tunc conspiciuntur, cum lymphatica ipsa vasa suo humore turgida fiunt, idque evenit, si ligaturâ aliquâ motus lymphæ impediatur: tunc enim lymphatica vasa elegantissime assimulantur caudis lacertarum, tument enim alicubi, & eminent, alicubi deprimuntur, ac veluti anulata apparent. Quæ varietas ex eo nascitur, quod cum vasa hæc innumeras suis in cavitatibus semilunares

habeant valvulas ubique geminatas, iis in locis, in quibus binæ valvulæ collocantur, nodus, & ligatura quædam conspicitur. Harum autem valvularum usus idem est, ac in valvulis sanguineorum canalium, videlicet prohibendi lymphæ regressum ad exteriores corporis partes. Etenim lymphaticus ipse liquor ferri semper deprehenditur a circumferentia ad centrum, ab exterioribus ad interiora, quod pluribus observationibus suadet. Probat hoc prædictarum valvularum positio, & aptitudo; hæ namque cavâ sui parte respiciunt centrum, convexâ vero circumferentiam; quare versus centrum motum permittunt, contrario autem motui opponuntur; probant ligaturæ lymphaticorum, hæc enim vasa compressa, aut ligata, flaccida, & vacua fiunt, quâ centrum spectant, turgent, quâ spectant circumferentiam corporis; ex quibus clarè conjicitur, lymphæ motum a motu sanguinis in eo differre, quod hic a corde exiens per universum corpus diffunditur mediantibus arteriis, & postmodum ab universo corpore per venas refluit ad cor; lymphâ vero semper progressu suo petit cor, nunquam autem a corde ipso removeri conspicitur. Quamobrem lymphatica hæc vasa, quæ serosa etiam appellantur, ortum habent ea in parte, quâ maximè distant a corde, finem autem, quâ cordi ipsi proximiora sunt. Id namque expostulat contenti humoris explicatus progressus, quo ostenditur, nullum alium esse naturæ scopum, nisi liquorem hunc ad cor reducendi.

Neque tamen vasa hæc adeo universim conspirant ad cor, ut ipsum petant immediatè, suisque

ul-

ultimis osculis eidem cordi inferantur omnia. Nam licet vasa ipsa innumera ferè sint, & ab omnibus corporis partibus exoriantur; vix pauca tamen ea sunt, quæ perducuntur ad cor, sed omnia fermè in certis alterius generis canalibus, ac receptaculis suum illum limpidum humorem evomunt, ibique definunt.

Namque omnes lymphaticæ venæ infra septum transversum enatæ, cum earum origo multiplex sit, videlicet ab universis internis visceribus abdominis, a testibus, a glandulis propè inguina, nec non etiam ab omnibus musculis pedum, tibiæ, coxendicum, & cætera, ad unicum tantum locum concurrunt; nam paucis exceptis, quæ in novas glandulas mesenterii inferuntur, reliquæ omnes ad receptaculum chyli pertingunt, inque illud suam aquam effundunt, quæ postmodum per thoracicos ductus ad cor ducitur: & illæ, quæ in thorace sunt, quarum exortus a musculis pectoris, a sterno, a pulmonibus, a corde, a pericardio, a mediastino, recto tramite in thoracicum ductum ipsum sese insinuant, ibique lympham deponunt, brevi ad cor deferendam. Denique lymphatica colli, artuum, & cætera ingrediuntur jugularem externam venam, ex qua lymphæ ipsa una cum sanguine descendit ad cor.

Conspicitis ergo nullum dari communem truncum harum venarum, sicuti in sanguineis vasis contingit; & videtis etiam, huc spectare naturæ artificium, ut scilicet aqua hæc universa promptissimè, & commodissime cordi, & sanguini restitua-

Quæ omnia , etiamfi ad integram lymphæ , & lymphaticorum historiam exponendam fortasse sufficere videantur ; quid tamen prodest , si cætera ad hujus liquoris naturam , officium , motum , & originem pertinentia elucidare posse diffidimus ? Vix enim apud Antiquiores Anatomicos hisce de rebus quicquam vero simile reperitur : plures etiam ne verbum quidem attingunt. Nimis forsan recens est nobile hoc Anatomicum inventum , non satis notum , non satis hominum elucubrationibus comprobatum ; quare multum adhuc restat operis , ut integrum hoc naturæ artificium penitus detegatur. Erit fortasse olim , qui illud omninò perscrutabitur , sibi que maximam laudem comparabit. Nos autem , cum tanti minime simus , quid aliis hæcenus , quidque etiam nobis ipsis , rem serio pensitantibus , in mentem venerit , exponemus ; primumque illud supponimus , de quo dubitare nemo potest , aquam scilicet hanc ex penu sanguinis ortum ducere , & ab eodem sanguine derivare omnino. Nam , ut præteream , quod jam pluries docuimus , scilicet id omnibus liquidis corporis commune esse , ut a sanguine exoriantur , & postea ipsorum aliqui remeent in illum ; cum liquor hic suis vasis comprehensus perpetuo tendat versus cor , quo tanquam in oceanum sese exonerat , nullibi autem lymphatica vasa observentur , quibus mediantibus eadem lymphæ à corde ipso emanet , effundaturque per corpus ; quid aliud superest , nisi arbitrari , humorem hunc una cum sanguine a corde per arterias expelli , unaque cum ipso sanguine arteriarum , ubique per corpus spargi , certisque in locis corporis ab eodem san-

sanguine separari, & fecerni, & tunc propria vasa ingredi, & implere? Esse verò serum hoc, partem præcipuam sanguineæ massæ, ostendit evidenter ejusdem sanguinis spontanea resolutio; apparet enim in educto sanguine, ut alibi expositum fuit, fluidior quædam portio albicans, ac diaphana, quæ lymphæ simillima est, eandemque cum ipsa naturam obtinet, ac substantiam; utraque enim igni exposita, mera aqua evaporante, ad instar, albuminis ovi concrefcunt.

Itaque fluidum hoc, quod serum, aqua, & lymphæ vocari solet, ab arterioso sanguine separari evidentissimum est; certumque est propterea lymphatica vasa suum hunc liquorem ab arteriis recipere, non autem à venis; nam cum lymphæ, ut statuimus, derivet à sanguine, & versus cor deferatur, necesse est, illam ab eo sanguine originem trahere, qui motu suo removetur à corde, non autem ab eo, qui ad cor ipsum accedit: scilicet opus est, lymphatica vasa iis in locis inchoare, in quibus arteriæ ipsæ desinunt; quare cum nulla ferè pars corporis sit, quæ sanguine non irrigetur, simulque etiam, quæ lymphaticis venis non scateat; haud quaquam esset temerarium asserere, totidem esse lymphaticorum exortus, & initia, quot arteriarum extremitates ultimæ sunt: eodem prorsus pacto, quo & sanguineas ipsas venas, ad arteriarum extremitates incipere necesse est, ut circulatio sanguinis peragatur.

Siquidem lymphatica vasa suo munere officioque, sanguineis venis summoperè assimulantur: ambo enim genera horum canalium arteriarum,
flui-

fluidum cordi restituant, & venæ quidem rubram partem, & crassio-rem, lymphatica autem fluidiorem, ac limpidam.

Hinc deducitur, arteriosum sanguinem serosior-rem esse, quam venosum; ea etenim feri pars, quæ per lymphatica refluit ad cor, derivat, ut probavimus, à sanguine arteriarum; quamobrem ea sanguinis portio, quæ venas ingreditur, respectu sanguinis arteriarum, caret tota ea feri copia, quæ à lymphaticis venis comprehenditur. Quid ergo mirum, arteriosum sanguinem magis fluidum, ac rubicundum esse, quam sanguinem venarum; si præter cæteras causas alibi indicatas, in arterioso sanguine plus adest feri, quam in venoso?

Serum etenim illud est, quod fluore suo, aqueis nempe partibus, quibus abundat, fluiditatem sanguini elargitur, ut non semel exposuimus, serumque ipsum ulterius, dum diluit, irroratque arteriosum sanguinem, reddit illum rubicundum, ac floridum; eodem pacto, quo vina ipsa, alioquin fusca, cum aqua diluuntur, statim valde rube-
scunt.

Quæ cum ita sint, idcirco existimamus, Veteres Medicos immerito à nonnullis Recentioribus improbari, quod aliquando arteriarum sectione sanguinem eduxissent; cum commodius, ac tutius potuissent illum è venis educere, nullo prorsus discrimine existente inter venosum sanguinem, & arteriosum, ob circularem motum ipsius: nam ut taceamus, eosdem Veteres circulationem sanguinis latuisse, ea etiam cognita, & admissa, adhuc tamen arteriosus sanguis non parum à sanguine ve-
na-

narum discriminatur; quare iis in morbis, qui à feri vitiis oriuntur, arteriam secare nequaquam videtur incongruum, cum ex arteriis plus lymphæ educi valeat, quam ex venis, ob rationes superius adductas; & fortassè cutis scarificationes, quæ aliquibus in febribus tantum utilitatis afferre observantur, hac præcipua ratione utilitatem hanc pariunt, quia simul cum minimis venis per cutem ipsam repentibus abscinduntur quoque arteriolæ plures, nec non etiam lymphaticæ; adeoque multum feri extrahitur, cujus vitio febres plurimæ enascuntur.

Sed quo digressi sumus, ut revertamur; nonnisi maximâ plenum admiratione illud videtur, quod circa lymphæ separationem à sanguine obvium nobis est exponendum; nam cum statutum sit, limpidum humorem lymphaticorum ab arterioso sanguine separari iis in locis omnibus, in quibus arteriarum ultima oscula sunt; videndum esset modò, quonam pacto hæc eadem lymphæ secretio peragatur. Arduum sanè opus, ac perdifficile, cum nunquam à præclarissimis Anatomicis integrè expositum fuerit; cumque hæc eadem operatio naturæ peculiari quodam, & insolito artificio celebrari conspiciatur. Scimus enim, fluida alia corporis universa, quæ a sanguine sejungi solent, certa habere, statutaque loca corporis ipsius, ubi feceruntur; certa que pariter, & conspicua esse instrumenta, quibus mediantibus eorundem liquidorum separatio perficitur; namque glandulae communia videntur, & consueta esse instrumenta, quibus natura utitur in liquidorum omnium separatione,

tionem, & esse veluti cribra, aut machinæ alterius generis, per quas fluens sanguis determinatas suas particulas ibi deponat, quæ postmodum a propriis vasis recipiantur.

Atqui in lymphæ separationem diversimode sese res habet; neque enim statutis in locis corporis sejungitur, sed ubique, & universim: hoc est, ut probavimus, ad arteriarum extremitates omnes; neque propria habet organa separationis, cum nullæ glandulæ deprehendantur illius secretioni certo inservientes. Licet enim plura lymphatica a glandulis exoriantur, ut dictum est, ab hepate scilicet, a liene, a pancreate, ab intestinorum tunicis, & ab aliis pluribus corporis partibus, quæ aut glandulis abundant, aut totæ glandulosæ sunt: hoc tamen parum refert, cum alioquin notum sit, earundem glandularum munus certum, atque primum longe diversum esse: videlicet humores alios, non autem lympham a sanguine separare; cumque innumerae aliæ lymphaticæ venæ sint, quæ à glandulosis non emanant, sed à musculorum substantia, in qua nullæ prorsus glandulæ conspiciuntur; & tamen ejusdem generis omnino lympham continent: ac ea est, quæ continetur in lymphaticis, a glandulosis partibus enascentibus: signum evidens, nunquam naturam ad lymphæ separationem glandulas adhibere, sicuti in aliorum omnium fluidorum separationem contingit. Quænam igitur hujus discriminis ratio est? quænam arte sanguis arteriosus ad arteriarum extremitates perductus, sponte sua in binas abit substantias adeo dissimiles, rubram unam, atque opacam, limpidam alteram, ac diapha-

phanam, crassiore illam, hanc fluidiorem: & quo insuper artificio dissimiles substantiae illae diversa vasa ingrediuntur?

Neque autem hisce nostris expostulationibus satis est, quod omnes fere Anatomici affirmant, lympham esse superfluum serum a nutritione, ipsumque idcirco ab universis nutritis partibus emanare, & emitti; cur enim serum hoc una cum sanguine non refluit per venas? quomodo a cruore venarum dispensatur? ergone cruoris pars rubra nihil tribuit partibus nutrimenti?

Dubitatio est de lymphæ separatione a rubra sanguinis parte, & quæritur modus, quo, cum duæ hæ substantiæ in arteriis confusæ sint, statim ac ad arteriarum ultimas oras perveniunt, dividi valeant, diversaque vasa subingredi; huic autem operi perscrutando, detegendoque, quanquam nosmet ipsos longè impares arbitremur, non est tamen, quod saltem dubitandi gratiâ, cam nolimus asserere, & exponere hypothesin, quæ nunc menti nostræ occurrit.

Itaque primum omnium rationi consentaneum existimamus asserere, separationem lymphæ a sanguine nequaquam celebrari eodem modo, quo aliorum omnium fluidorum separationes fiunt; sed esse spontaneam quamdam secretionem, ac naturalem, quæ nullam requirat opem, nullum omnino artificium, nullum organum secretorium: etenim sanguis cum duplici substantiâ constituatur, fluidiore alterâ subtilioreque, alterâ vero crassiore, & soliditate magis proximâ; harum quidem substantiarum commixtio, & unio non adeo intima est,
non

non adeo firma, ac stabilis, ut spontè a natura, & per simplicem conatum diversæ gravitatis earumdem, binæ hæ substantiæ dividi nequeant, & aliquo modo sejungi, absque ullius secretoriæ machinæ adjumento; ita enim sanguis ipse e vena eductus, & in vasa repositus, brevi in duplicem substantiam faceffit, serumque illius conspicuum fit, & ab ejusdem sanguinis fibrosa, & rubra parte disjungitur; neque tamen in hac spontanea cruoris resolutione emergit, fitque sensibile ullum aliud eorum fluidorum, quæ ipso in sanguine continentur, & quæ intra animalis corpus per instrumenta separatoria ab eodem sanguine fecerni solent. Hujus discriminis non alia ratio est, nisi quod serum, seu lymphæ non intimè, & undequaque, sed ruditer admodum, & imperfecte, ut ita dicam, rubrae portioni sanguinis admiscetur; ideoque spontanea, ac naturalis separatio illius fieri potest; caetera autem liquida proprias habent particulas stabilius, & intimius commixtas, & confusas, & intrinsece colligatas cum universis minimis cruoris partibus; ideoque fluida illa inconspicua omnino sunt, nec sponte, aut per simplicem vim gravitatis dividi possunt, & in conspectum sese præbere; sed machinæ, & organa requiruntur, ut eorum separationes valeant celebrari.

Est enim lymphæ cum fibrosa parte sanguinis conjunctio, simillima conjunctioni aquæ cum arena, aut ejusdem aquæ cum farina, cum visco, cum glutine, cum gypso, cum aliis hujus generis materiis; a quibus eadem aqua facillime separatur: eo quod non intimè cum iisdem confunditur; magis-

gisque simillima est conjunctioni feri cum butyro, & cum caseo in compositione lactis; quod serum, quam prompte a duabus illis substantiis disjungatur, nemini ignotum est.

Atqui è contrà cætera liquida peculiararia in massa sanguinis absconduntur eodem pacto, quo in vino absconditur spiritus, sulphur, sal, aliaque hujusmodi plura, non secus ac in aqua ipsa, quantumvis pura, ac simplici, latent sales nonnulli efficacissimi, pariterque sulphur, mercurius, aliaque non pauca, quæ ad nutritionem vegetabilium concurrunt.

Non igitur mirandum est, quod, cum separatio liquorum omnium determinata organa exposcat, glandulas scilicet, unius lymphæ separatio absque glandulis celebretur: in hoc enim diversa habetur secretionis ratio, sicuti diversa est ratio conjunctionis lymphæ cum fibrosa cruoris parte; rudis namque est, ut monuimus, hujusmodi conjunctio, & tantummodo superficie tenus, & quoad sensum, non autem quoad substantiam, & quoad intimam materiam, & abditam.

Hiscæ igitur suppositis animadvertendum est, arteriosum sanguinem, duplici coalitum genere liquidorum, lymphæ scilicet, & sanguine venarum; qui statim ac a corde egreditur, scilicet cum per majores profluit arteriarum truncos, maximâ pollet velocitate, & insigni suarum partium agitatione. Hoc enim ita contingere alibi à nobis ostensum est: & quia sanguis ipse paulo ante mirificam passus fuit in pulmonibus alterationem, resolutionemque usque ad minima: & quia mox validissimum a corde impulsus recepit.

G

Equi-

Equidem in hoc statu, in tanta hac sanguinis velocitate, & agitatione partium ipsius, dubitare nemo potest, quin duæ illæ substantiæ massam sanguinis constituentes, fibrosa scilicet, ac fluida, simul unitæ, & confusæ permaneant, ita ut ægrè admodum una ab altera valeat disjungi: siquidem motus, & agitatio, res alioquin diffformes, atque diffimiles, commiscet facile, & unit.

Jam vero, si motum arteriosi sanguinis prosequamur, inveniemus illum non parum retardatum in minoribus arteriarum truncis, magis a corde remotis, plusque etiam segnem reperiemus sanguinis motum in minimis, & ultimis arteriis, quæ ab impellente corde maxime distant.

Quamobrem in hujusmodi sanguinis progressu, & transitu a corde usque ad ultimas arteriarum extremitates, cum sensim tanta fiat diminutio celeritatis, agnosces necessarium esse propterea, ut fluidior sanguinis pars a fibrosa, & crassiore substantia paulatim secedat; deficit enim celeritas motus, & agitatio, quarum causâ duæ illæ diffimiles substantiæ copulabantur.

En igitur, quod arteriosus sanguis ad arteriarum extrema perductus, licet duobus constet liquidis, lymphâ videlicet, & sanguine à venis accepto simul commixtis, & unicum liquidum constituentibus; non est tamen adeò simplex, & unicus, ut semper solus necessario permanere debeat, nec possit faciliter in duas illas substantias resolvi, quibus componebatur.

Jam enim, ut dictum est, simul cum decremento celeritatis, copula quoque earumdem substantiarum
pau-

paulatim soluta erat: sensim lymphæ a fibrosa portione secesserat; quare in hisce arteriarum extremitatibus, etiamsi eadem lymphæ adhuc maneat cum substantia rubra, ac fibrosa, quanquam una secum fluat adhuc, & cum ipsa aliquo pacto confundatur; attamen promptissima est, & idonea separationi, ubicunque aliqua sibi detur occasio.

Fingamus ergo nobis animo, iis in locis, in quibus sanguis ab exilissimis arteriis egreditur, duplicem canalem adesse, quarum uterque sua offerat minima orificia, sed affecta varietate quadam tum positionis, & loci, cum etiam amplitudinis; ita ut hujus diversitatis causâ, non eadem sit in ambobus facilitas ingressus, non eadem promptitudo, & commoditas; sed ad ingressum unius facilior detur aditus, difficilior ad ingressum alterius: hisce positis certum est, sanguinem arteriarum ad hæc loca perductum, cum ulterius moveri debeat, crassioris sui partem in eo tantum vase immissurum esse, cujus aditus facilior est, partem autem fluidiorem in utroque vase posse transfundere, quoniam fluiditatis gratiâ portio hæc est idonea ad faciliorem, nec non etiam ad difficiliorem vasorum ingressum.


Erunt ergo duo vasa, quorum alterum solam fluidam substantiam recipiet, alterum vero fluidam simul, atque fibrosam; illudque erit lymphaticum vas, hoc autem erit vena, quæ & serum, & crassam sanguinis partem comprehendit.

Quæ exposuisse, atque ita lymphæ separationem possibilem ostendisse licet nobis esse satis videatur, lubet tamen certioris sermonis causâ, aliquam peculiarem afferre hypothesin, quæ cum superius

adducta opinione, & cum effectu mox indicato conveniat.

Itaque illud primum omnium supponendum est, quod a nobis, loquentibus de motu sanguinis, tanquam summè probabile, ne dicam necessarium, receptum fuit; minimas nempe arterias cum minimis venis, non statim proximè conjungi, ita ut inter illas detur omnimoda continuatio; sed eas intermediare spatia, & interstitia quædam, ac veluti quosdam alveolos, in quibus sanguis ab arteriis egrediens colligatur, & per aliquod minimum temporis commoretur, ac veluti cribretur per illos; exinde verò transeat ad venas.

Hoc igitur commemorato, & supposito, concipiamus minimam arteriolam A B suum sanguinem non immediatè transfundere in minimam venam C D, sed prius evomere illum in alveolum, seu porum aliquem carnis B E C, sitque talis positio venæ, & arteriæ, ut invicem oppositæ sint, & oscu-



la habeant perpendicularia ad invicem, & directæ; ponamus autem ulterius, in inferiori latere alveoli, utpote in E, exilissimum aliud vas, cujus capacitas, & orificium E, angustius sit, quam C orificium venæ. His suppositis, cum sanguis ab arteria egrediens, motu suo exercent vim, & impulsus
magis

magis directè, quam obliquè; igitur facilior erit irruptio, & ingressio sanguinis in osculum venæ CD, quam in osculum E alterius vasis: eoque præsertim, quod orificium, & cavitas venæ amplior supponitur, quam orificium, & cavitas E. Atqui sanguis implens assidue spatium alveoli, cum sit sanguis mox egressus ab arteria, duobus liquidis componitur, quorum unum fluidius est, & penetrabilius, videlicet lymphæ; aliud autem crassius, & minus mobile, pars nempe fibrosa, & rubra, quæ jam aliquatenus soluta sunt, & separata; ergo crassior pars eo in vase sese immittet, in quo facilior ingressus est, & ubi viget major impulsus, procedens à motu sanguinis; scilicet fibrosa hæc pars ingreditur venam CD, & simul cum eadem fibrosâ parte ingreditur etiam portio aliqua lymphæ; non autem pars fibrosa intrare poterit minimum vas alterum E, quoniam ibi obliquitatis causâ, non tantus viget impulsus, qui superare valeat resistentiam procedentem a crassitie, & a lentore hujus liquidi; nec non etiam ab angustia orificii E; eoque præsertim, quod huic parti commodior alter datur exitus, per quem faciliter fluere potest, videlicet per venam CD. Atqui lymphæ, quæ fortè occurrit orificio E, fluiditate summâ, ac mobilitate, quâ pollet, in ipsum intrabit faciliter, & lymphaticum canalem replebit, fluetque per illum.

Rem ita sese habere non audemus asserere; hanc tamen hypothesein destruentes rationes cum nondum nobis innotescant, ideo illam proferre non erubuimus; eoque præsertim, quod hæc erit exemplum aliquod, ut similes aliæ hypotheseis effingi valeant, etenim nihil est, quod prohibeat, quin

hoc eodem utamur ratiocinio, ad separationem lymphæ in glandulis explicandam; in ipsis namque glandulis eodem modo minimæ reperiuntur arteriæ ab amplioribus truncis dimanantes, per quas sanguis profluit; exilissimæ pariter adsunt venæ, sanguinem ab iisdem arteriis exfugentes: in hoc igitur sanguinis transitu ea concipe, quæ superius docuimus, & lymphæ separationem declarare poteris. Neque enim illud obstat, quod primo intuitu huic hypothefi summopere adversari videtur; nempe in glandulis nonnullis, iis videlicet, quæ cordi proximæ sunt, spontaneam illam, ac rudem secretionem lymphæ a fibrosa sanguinis parte nequaquam peragi posse, ob brevitatem arteriarum, per quas sanguis a corde in glandulas ipsas irruit; ita ut, quia breve est iter sanguinis, & per paucas arteriarum ramificationes ejus motus perficitur; ideo parum quoque imminui ejus velocitatem, adeoque non posse naturaliter, & spontè, ut posuimus, fluidiorem ipsius sanguinis partem a crassiore secerni; sed adhuc iis in glandulis partes istas sanguinis mutuo conjunctas esse; ac propterea juxta traditam hypothefin, lymphæ separationem explicari non posse. Nam licet concedamus, sanguinem, qui pervenit ad glandulosas partes corporis cordi propinquas, celeriores esse, quam sanguinem, qui pervenit ad musculos, in extremitatibus, & ambitu corporis positos; validissimæ tamen aliæ causæ vigent in glandulis, quæ celeritatem sanguinis minuunt, ac destruunt, hæque sunt plurimæ illæ complicationes, & circumflexiones canaliculorum sanguinem continentium; namque glandularum structura non alia est, nisi multiplex circumflexio minimorum va-

so-

forum, per quorum cavitates sanguis tortuose profluens a circuitibus illis, & ambagibus multifariam illiditur, atque ita tarditatem acquirit, cujus merito naturalis illa, ac rudis fieri potest separatio lymphæ, quæ necessario præcedere debet totalem separationem ipsius, ut superius assertum est.

Huic autem sententiæ nostræ de naturali lymphæ secretionem favet maximè, quod experientia ostendit; motum lymphæ per sua vasa, aliquot etiam horis post animalis interitum, perdurare, vasaque ipsa ideò intumescere, si tunc temporis ligentur arctè; ex eò enim evincitur, humorem hunc extincto quoque animali, a reliqua portione sanguinis separari, quod fieri non posset, si separatio illius naturalis non esset spontanea, & per simplicem fluidorum depositionem, ut docuimus; nam quantumvis post animalis occasum universa cessent, ac destruantur officia corporis; eae tamen operationes corporis, quæ a vita ipsa non oriuntur, adhuc vigere possunt; nullatenus autem a vita dependet separatio lymphæ, eo quo diximus modo supposito, ac declarato; cum ea aliter non fieri asseratur, quam per naturalem dissimilium fluidorum secretionem, ac depositionem.

Hicce autem ad lymphæ separationem attinentibus declaratis, jam nobis obvia forent non pauca ad illius usum spectantia; primumque omnium expostulari posset, quonam respexit summus naturæ Artifex, cum tot innumera vasa a sanguine distincta in animalium corporibus reposita voluit. Annon etiam venæ sanguinis poterant serum ab arteriis refluxum ad cor una cum sanguine ipso reducere?

Non equidem venarum angustia id vetare potuit; namque venæ latæ sunt, ac multiplices, & si opus fuisset, naturæ consentaneum erat, easdem venas ampliores efformare, pro fluidorum quantitate vehenda, quam novum, distinctumque vasorum genus corpori adjungere: unde ergo necessitas hæc venarum lymphaticarum?

Nos equidem, licet omnes, aut potissimos lymphæ usus in corpore assignare nequaquam possimus, id tamen certo scire arbitramur, extare illos; & corporis operationibus, perfectionique summo-pere arbitramur necessarium esse liquorem hunc; nimis enim provida natura est, & sagax, nec frustra aliquid agens; quare, cum adeo sollicita deprehendatur de lymphæ existentia in corpore, de motu, & separatione illius, cum peculiaria pro eadem lymphâ construxerit vasa, signum est, quod fluidum hoc necessarium aliquid, aut summe utile operatur.

Fortasse & illud non vulgare hujus liquidi officium est, jam a nobis de calore sanguinis loquentibus indicatum, ut nempe assiduo suo reditu in sanguinem, excitet ibi lenem quamdam fermentationem, placidamque caliditatem; ut solent liquida dissimilia simul commixta excalescere: atque ita sanguinis perfectionem promoveat: præterea lacteæ venæ, canalesque omnes, per quos chylus fluit, cum lymphâ ipsâ repleantur assidue, alterum ostendunt hujusce liquoris usum uberrimum, scilicet canales ipsos humectandi, conservandique; exsiccarentur enim facile eo tempore, quo chylo vacui sunt, ni lymphâ foret, quæ illos repleret, & irroraret;

ut

ut praeteream admisceri illam cum chylo ipso, eumque fluidiorem, dilutioremque reddere, & ad motum promptiorem.

Majora quoque opera forsan absolvit hoc fluidum, pluraque etiam de illius usu excogitata sunt ab Anatomicis, quorum meminisse modo non juvat.

Illud equidem certum est, seriem hanc vasorum lympham vehentium, cum vicem gerant venarum, supplere magna ex parte celeritati summae, quâ sanguis per arterias movetur; ideo namque cor successive, & indeficienter sanguinem arteriis tribuere potest, licet tam major sit velocitas sanguinis per arterias fluentis, quam velocitas sanguinis ad cor refluens per venas; quoniam ingens illa velocitas per arterias compensatur multiplicitate canalium ad cor ipsum fluida reducentium; solae enim arteriae sunt, quae sanguinem à corde sumunt; ad cor autem duo canalium genera liquores ferunt, lymphatici scilicet, atque sanguinei. Haec autem de lymphâ dicta sint satis: caetera enim apud Anatomicos reperiēs.

C A P. VIII.

De Bile, seu Felle.

Bilem vocarunt Veteres, ut jam docuimus, unum ex quatuor illis vulgo creditis humoribus, sanguinis massam constituentibus, spumosiorem scilicet, calidioremque sanguinis partem, cu-

jus usus plurimi penes eosdem Veteres enumerantur. A nobis autem quid de hac re sentiendum sit, alibi statutum fuit; vanam etenim, & commentitiam ostendimus sententiam hanc, solâque hominum opinione, minime vero sensu, & ratione suffultam; nec aliam credimus in animalium corporibus bilis speciem existere, quam quæ affixam hepatis cistulam implet, ac fellis nomine communiter insignitur.

De hac igitur satis cognita Veteribus bilis specie, in præsentî differere lubet; cum hæc inter fluida corporis reliqua non vulgarem locum obtineat: cum, si ejus spectentur usus, & opera, tum quoque si naturæ perpendatur sollicitudo, & artificium in ea producenda, conservandaque.

Neque enim illis est assentiendum, qui arbitrati sunt, esse fel humorem quemdam excrementitium, secretumque à sanguine, ut inutilem, ac superfluum, dignumque idcirco, qui è corpore expurgaretur. Imo vero paratur illud, conservaturque providentiâ summâ naturæ; quæ ideo illi propria receptacula posuit, quæ humore ipso nunquam non plena voluit, tanquam rei summopere necessariæ custodias, & cellas.

Est ergo bilis hæc, seu fel, humor quidam subflavus, nonnunquam viridis, cæruleus sæpe, raro quoque niger; mediocris consistentiæ, plerumque amarus, in eo sacculo assidue residens, qui dexteræ, & cavæ parti hepatis adhæret, quique fellea cista, seu capsula nuncupatur: constat autem folliculus iste bilis, membranaceâ quâdam substantiâ contractili, & extensili; & præter tunicam illam
reli-

reliquis visceribus abdominis communem, propriam quoque habet tunicam satis validam, omni-que præditam fibrarum genere. Figuram habet sphaericam simul, & oblongam, videlicet pyriformem, ejus angustior extremitas, cervix scilicet, sensim magis, magisque gracilescens, in longiorem canalem abit, cisticum ductum nuncupatum; intime valvulis instructum, bilis egressum è sacculo concedentibus, prohibentibus vero regressum. Pollet quoque nervis vesica hæc a sexta conjugatione desumptis: suas habet arterias, venasque; quarum illæ à ramo coeliaco oriuntur, hæc autem à vena portæ, illæ sanguinem ad cistam ducunt, reducunt istæ.

Est autem vesica hæc parva satis, aliorum viscerum abdominis respectu, cum latitudo illius duorum digitorum crassitiem non excedere soleat; longitudo vero, hoc est distantia intra fundum, & cervicem comprehensa, dupla sit latitudinis. Habet vero eadem vesica ea in parte, qua hepati affigitur, hoc est prope fundum, canaliculos plurimos exilissimos, qui etiam in multifarios ramusculos disperguntur, omnesque intimam perfodiunt substantiam hepatis, eorumque singuli implantantur, ac desinunt ore suo in minimas illas glandulas, quibus jecur ipsum componitur. Horum canaliculorum munus est, bilem in glandulis ipsis jam separatam à sanguine in vesicam deferre: quare omnes prope cistam in majores canaliculos coeunt, quos inter unum satis amplum Anatomici recentiores observarunt, anserini calami magnitudinem obtinentem, qui vesicam ingreditur, quâ hepati copulatur, nec suis

ca-

caret valvulis, quæ regressum bilis ad hepar prohibent.

Cistæ felleæ confimile, parque est, vas aliud oblongum, *bilarium porum* nuncupatum, quod etiam si specialem non habeat sacculum ad instar folliculi, in quo bilis recondatur; suâ tamen cavitate [est enim sicut vena quædam] fel continere deprehenditur, eumque recipere ab hepate, quemadmodum de cista dictum est. Quare *porus* hic *bilarius* confurgit, & ipse ex innumeris minimis canaliculis, per universam hepatis internam substantiam repentibus; qui ducentes initium à glandulis ipsius hepatis, mutuò uniuntur plurimi, atque ita conjuncti extra hepar egredientes, canalem hunc bilarium efformant, cujus amplitudo duplo major esse solet amplitudine cervicis cistæ felleæ.

Nullatenus canalis hic cistæ conjungitur, neque pariter ab ea incipit, neque in eam definit, sed ab hepate egrediens abit rectâ in intestinum duodenum, ibique fel evomit; nec praetereundum, canalem hunc [quem *hepaticum* quoque appellant] nonnunquam *bifurcum* esse, ac geminum. Gassendus porum hunc *cholydocum ductum* nuncupavit, aliique etiam *lacteum*, quod putarint, per illum transire chylum ab intestinis ad hepar; sed falso quidem, cum nullatenus ad motum chyli ipse observetur spectare. Denique duabus extremitatibus canalis hepatici, & cistici simul coëuntibus communis est, ubi duodenum definit, incipitque jejunum.

Haec autem omnia de felleis hisce canalibus, pro diversis animalium speciebus aliquantis per varia deprehenduntur, & nonnunquam eorum alterum deficit.

Cum

Cum vero hæc duo vasa hætenus descripta, aut fel contineant, aut deferant; ubinam fel ipsum procreetur, antequam vasa ipsa ingrediatur, quærendum est. Et quoniam de hujus fluidi origine, & elaboratione innumeræ controversiæ sunt penes Anatomicos; nos, qui brevitati indulgere volumus, ut res sese habet, utque vulgo jam exponi solet, paucis declarantes, asserimus, bilem ipsam in universa hepatis substantia separari à sanguine assiduè, mediantibus innumeris minimis glandulis, quibus hepar componitur; quæ quidem glandulæ sunt veluti totidem cribra, per quæ sanguis pertransiens percolatur, expurgaturque fervidâ illâ portione sulphureâ, & igneâ, quæ bilis, seu fellis substantia est.

Namque tota hepatis molès nihil aliud est, nisi major quaedam glandula conglomerata, ex pluribus nempe, pluribusque minoribus alijs glandulis coalita; quæ minimæ omnes glandulæ nectuntur simul per vasa sanguinis, atque lymphæ, per nervos, pariterque etiam per vasa illa excretoria, hoc est bilem fumentia à glandulis ipsis, & ad cistam, seu *bilarium* porum ferentia, quorum supra meminimus, quibus omnibus vasis jecur abundat.

Et arteriæ quidem exiguae sunt respectu molis hepatis, earumque major truncus, qui hepati inseritur, hepatica arteria dicitur, cui non aliud munus est, nisi sanguinem pro hepatis nutritione ad ipsum viscus perducere.

Venarum autem maximus est numerus, per universam substantiam hepatis; atque assiduè sanguine replentur. Hæc autem venæ, licet in intima substantia hepatis innumerae sint, & ubique copiose

se disperfae ; omnes tamen à duobus tantummodo majoribus venis proficiscuntur, videlicet à vena portae, & ab insigni trunco venae cavae. Singulare vero hoc loci venae portae officium esse deprehenditur : nam cum venae omnes sanguinem non ducere, sed reducere à visceribus soleant, hic vena portae vicem gerens arteriae, ab universis ferme visceribus abdominis sanguinem colligens, ad hepar illum ducit, ut ex eo bilis separetur ; quare vena ipsa eo loci, quo hepatis implantatur, & qua vena portae dicitur, unicus, satisque amplus truncus est, qui confurgit ex conjunctione plurium, pluriumque venarum, quae per totam abdominis cavitatem disperguntur. Nec reticendum est, eandem venam portae merito singularis illius officii, cujus superius meminimus, duplicem tunicam obtinere, propriam videlicet, omnibusque venis communem, nec non etiam specialem alteram, cujus origo est à peritonæo.

Hæc itaque vena portae hepar ingressa, in minimos abit canaliculos, quorum singuli singulis glandulis inferuntur, ut in illas sanguinem effundant pro separatione bilis : ab hisce autem glandulis, venarum alii minimi canales confurgunt, qui superstitem sanguinem reducant à glandulis : ferunt namque illum in venam cavam, à cujus trunco insigni, ut dictum est, minimae istae venulae originem trahunt.

In hac vero hepatis fabrica, vasorumque ad bilem spectantium positu, & constitutione referendis, ea nobis intentio fuit, ac mens, ut duo potissimum probarentur, claraque fierent : nempe, & quae sit fellis origo, motus, & cursus ; & quale censeretur debeat hepatis ipsius officium, & munus.

Nam-

EXERC. DE HUMORIBUS. CAP. VIII. III

Namque ex hætenus cognitis, luce clarius patet, fel ab hepate derivare, atque intestinum duodenum petere, pariterque evincitur, potissimum hepatis opus esse bilem conficere, seu ut melius dicam, illam à sanguine separare; ad hoc enim vidimus jam conspirare ea omnia, quæ jecur constituunt, ad hoc vasorum positus, & singulares proprietates, ad hoc glandularum coacervationem: quæ omnia jecur nil aliud esse demonstrant, nisi cribrum aliquod sanguinis, per quod nempe cruor ipse pertransiens biliosa sui parte exoneretur: quod ita inculcamus, ut commentitiam Antiquorum sententiam demonstramus, putantium, munus hepatis esse, sanguinem elaborare, adeoque etiam recipere chylum ab intestinis; nam opinio hæc cum Recentiorum rationibus funditus eliminata sit, tum ex eo potissimum redarguitur, quod lactea nulla vasa circa jecur observare hætenus datum est; quodque etiam ipsius hepatis evidens aliud officium apparet superius expositum, quod etiam elegantissime à Thoma Cornelio comprobatur, qui se expertum esse affirmat, sanguinem venae portae, priusquam jecur ingrediatur, amaritudine summa præditum esse, quâ omninò expers fit, cum ab hepate egreditur, scilicet circa gibbam hepatis partem intra canaliculos, qui ad venam cavam feruntur: quod est signum evidens, fel totius sanguinis in hepate ipso seponi, ipsumque postremum excretoria vasa subire: ut certis temporibus, & occasionibus, ad intestina descendat.

Haud enim probabile est, bilem ipsam assiduo quodam fluxu intestinum duodenum petere, sed
certo

certo solum tempore, videlicet cum illius usus ab intestinis ipsis requiritur: usum vero hunc, sicuti alibi innuimus, non alium esse putandum est, nisi perfectionem chyli promovere; quare rationi congruum videtur, tunc temporis solummodò ferribilem ad duodenum, cum peracta ciborum digestio est, & jam cibaria ipsa sic digesta è ventriculo exire incipiunt. Ipsa enim ventriculi repletio, & fortasse etiam peristalticus motus tunicarum illius, qui tunc præcipue exercetur, cum stomachus ipse cibariis gravatur, verae causæ sunt, cur supradicto tempore fel ipsum in intestina derivetur; nam & repletio stomachi, & agitatio ejusdem, sibi proximum hepar comprimunt, & exprimunt, coguntque idcirco fel è propria cista, cæterisque suis canalibus exire protinus, & in cavitatem intestinorum evomi.

Hanc vero alioquin congruam sententiam circa tempus, quo fluxus bilis ad intestina peragitur, audacter denegat, & contemnit Clarissimus quidam nuperrimus Auctor; qui non temporaneum, atque interruptum, sed assiduum, & continuum fellis delapsum ad intestinum duodenum tuetur: ait enim ipse: Quid prohibet, quominus fel incessanti cursu ad ipsum profluat duodenum? Nonne fellea vasa peristaltico motu pollent a circularibus fibris accepto?

Cur ergo illum non exercent assidue? Nonne insuper proximarum partium pondere gravantur, perpetuo & assiduo respirationis motu exprimuntur, cogunturque contentum fluidum evomere? Quænam est ergo ratio, cur fel ipsum sua intra vasa im-

EXERC. DE HUMORIBUS. CAP. VIII. 113

immobile detineri valeat, nec potius ferri semper, atque moveri, quā sibi data porta est, & per communem ductum, cavitatem ingredi intestinorum; cum hoc non prohibeant valvulae, quarum nullae in hunc finem dispositae deprehenduntur. Hisce ergo rationibus suafus memoratus Clarissimus Vir existimat, nullum esse tempus, in quo bilis ad intestina non profluat, & quemadmodum comparatum à natura est, ut liquidorum genera ferè omnia, sanguis nempe, lymphæ, & cætera, assiduo per vasa sua ferantur motu, nec ulla unquam ipsis sit requies, quamdiū vivit animal, & valetudine fruatur; ita quoque motum bilis assiduum esse, ac perennem, & motui sanguinis omnino coævum. Nam cum nulla causa vigeat, ut dictum est, cur idem fel intra suos canales conclusum non moveatur; & animalium dissectionibus experiamur, fellea vasa semper, ac perpetuò, felle turgere: assiduum ergo esse bilis fluxum necesse est.

Quoniam verò ad hanc motus assiduitatem constituendam maxima bilis fluentis copia necessaria videbatur, ac multò quidem major, quam extrahi possit hepatis artificio ex sanguine; voluit ideo Auctor prædictus, specialem quamdam circulationem per fel ipsum absolvi, ita ut ab hepate egrediatur illud, & ad hepar redeat, sicuti sanguis a corde, & ad cor.

Hujus verò circuitus semitas, atque ductus, putavit esse primum fellea vasa, quæ arteriarum vicem gerant, bilem ab jecore acceptam ferendo ad duodenum; dein verò meseraicas venas, quæ suis osculis a cavitate intestinorum bilem ipsam exsu-

H

gant,

gant, eamque postmodum admixtam cum sanguine tribuant venæ portæ, quæ tandem illam restituant hepati, per quod iterum a sanguine separatur. Quam fellis circulationem pluribus ratiociniis firmare cum adnitatur Auctor ipse; haud abs re erit, illam paucis attingere.

Primum ergo omnium tanquam ratum supponens, fellis motum per sua vasa necessario fieri debere, donec in iis vasis fellis portio aliqua reperiat, ita postmodum cætera exponit.

Quoniam & fellea cista, & hepaticus ductus nunquam non bile turgida deprehenduntur; verum quoties in iis ductibus bilis adest, moveri illam ad intestina necesse est: fatendum ergo, motum bilis per eadem vasa perpetuum esse, & assiduum, semperque in cavitatem intestinorum ejusdem bilis adventum fieri; quia verò fellei canales non adeò exiles, & angusti sunt, ut mediocris quantitas bilis sufficiens sit ad fluendum per illos assiduè; ita ut canales ipsi novâ semper, ac novâ bile repleantur; sed ad hoc peragendum maxima requiritur bilis quantitas: opus est ex duobus hisce alterum affirmare, videlicet, aut quod in jecore tanta bilis copia a sanguine successive secernatur, quanta possit indeficientem sui motum per biliarios ductus servare; vel quod una, eademque bilis portio, & quantitas, licet mediocris sit, suo tamen reditu, accessu scilicet, recessuque ab hepate, per eadem fellea vasa pluries permeet; illius nempe tota circulatio absolvatur.

Primum asserere absurdum nimis esset, & incongruum; nam cum universa sanguinis massa vi-
ginti

ginti circiter librarum pondus æquare in humano corpore deprehendatur: quomodo poterit spatio unius diæi, ab hujusmodi sanguinis quantitate tantum bilis extrahi, quantum ad ejus fluxum continuandum requiritur; ita ut duo illi fellei canales, cisticus nempe, & hepaticus, plenis osculis assiduè bilem effundant intra duodenum?

Effundi autem bilem hoc pacto, sensus ostendit, cum semper canales illi bile turgeant, & tunc etiam [quod magis mirandum est], quando animal per integram diem a cibis sese abstinuit; ita ut ne quidem sanguis refici, & biliosâ portione iterum saturari potuerit; quare si tunc quoque turgidi deprehenduntur, ergo tunc etiam fluxus bilis intra intestina perficitur; cum superius ostensum sit, fluxum hunc fieri debere, quousque bilis intra ipsos canales reperitur: non enim totus sanguis ex bile componitur, sed hujus humoris certam quamdam portionem continet, nec fortassè bilis ipsa decima pars est ejusdem sanguinis.

Fingere autem, fel absque cibo in jecore perfici posse, & multiplicari, sanguine in bilem verso, ut vinum vertitur in acetum, amentia est [inquit ipse]: quid enim stultius excogitari potest, quam corrumpi sanguinem, thesaurum vitæ, quem tanto studio, ac labore, eadem natura gignit, conservat, & auget, ut evadat fel, noxius humor, qui ab eodem sanguine ex instituto naturæ sejungitur, ne contagio suo sanguineam massam inficiat, non sine summo vitæ periculo?

Sed neque, ubi animal cibis reficitur, & sanguis ob adventum novi chyli restauratur, tantum potest

bilis in eodem sanguine ex jecore separari, quantum assiduo illius motui per biliaria vasa respondeat; nam cibaria ipsa, licet aliquam fellis portionem sanguini adjungant, non tamen hac fellis novâ reparatione tantum istius humoris possunt hepati suppeditare, quantum, ut probavimus, necesse est; cum reficere pariter debeant fluida omnia corporis, & sufficere operi nutritionis, & assiduæ insensibilis transpirationis.

Præterea esto etiam, sanguineam massam plurimum fellis continere, adhuc tamen explicari non potest, tam copiosa hujus liquidi separatio in hepate ipso; nam cum integrâ totius sanguinis circulatione solummodo vigesima quinta pars totius sanguinis perveniat ad jecur, transeatque per illud, ut faciliter demonstrari potest; jam unius diei integro spatio, in quo scilicet quadringentæ circiter sanguinis circulationes peraguntur, sanguis, qui ad hepar perducitur, transitque per minimas glandulas hujus visceris, erit jam pluries, & pluries, si non omnino, saltem magna ex parte biliosa portione depuratus, ideoque minor semper, ac minor bilis quantitas in subsequentibus circuitibus sanguinis ab hepate ipso separabitur.

Hisce ergo rationibus exclusâ jam fellei humoris novâ separatione in hepate perficiendâ, quæ sufficere possit ad conservandum probatum jam superius assiduum bilis fluxum intra duodenum, non aliud superest, nisi affirmare, assiduitatem motus illius exinde oriri, quod eadem bilis portio pluries ab hepate egrediendo, remeandoque ad illud, circularem aliquem motum constituat.

Quo

EXERC. DE HUMORIBUS. CAP. VIII. 117

Quo statuto, cum ulterius decernere oporteat hujus circularis motus semitas, atque ductus, sic prædictus Auctor ratiocinatur. Motus hic circularis fellei liquidi, vel per abdomen fit, vel per alios canales extra abdomen ipsum constitutos. Qui postremum hoc tuentur, asserere debent, bilem ipsam, cavitatem intestinorum ingressam, lacteas venas subingredi, perque illas perducere ad cor, a quo una cum sanguine in aortam expulsam, deinde in coeliacam, ac mesentericam arteriam a meseraicis venis excipi, successive autem a vena portæ, atque ita regredi ad hepar; cum nulli alii reperiantur ductus, per quos eadem bilis extra abdomen exire valeat, ut iterum revertatur ad jecur. Hoc tamen asserere ratio prohibet: etenim vel ipsum fel est humor quidam proficiuus, sanguinis perfectionem adstruens, vel noxius est humor, qui ejusdem sanguinis compositioni adversetur; si proficiuus est, cur natura illum ab eodem sanguine sejungendi adeo sollicita est? si noxius, non ergo jam sejunctus, & à sanguine ipso rejectus, denuo intra sanguinem est admittendus, neque ad cor ipsum reducendus videtur. Non igitur bilis ipsa lactea vasa subingredi potest, nisi velimus naturæ providentiam, ac sagacitatem destruere. Et quamquam ita rem sese habere libeat concedere, valide tamen obstat sæpius exposita ratio, de pauca sanguinis quantitate ad hepar tendentis, in unoquoque circuitu sanguinis ipsius; ac propterea de minima copia bilis, quæ longo etiam tempore, utpote spatio unius diei, ab universa sanguinis massa in jecore separari, & retineri valet.

Cum itaque sic ostenderimus circuitum fellis ex-

tra abdomen celebrari non posse, reliquum est, ut ipse intra abdomen perficiatur; nempe cum probatum fuerit, bilem ipsam per cavitatem intestinorum excurrentem, Afelliana lactea vasa nullatenus posse subingredi, consequens est, ut illius ingressus intra meseraicas venas necessario concedatur; cum præter hæc duo genera canalium, non aliud detur in mesenterio, & circa intestina, nisi vasa lymphatica, de quibus eadem viget ratio ac de lacteis venis. Quamobrem cum idem fel ab intestinis exiens subeat oscula, & cavitates venarum meseraicarum, jam illud necessario sequetur, quod asseri ab Auctore prædicto superius innuimus, transferri scilicet bilem unà cum sanguine à meseraicis venis in venam portæ, ex qua iterum in jecur subingredi, inque illo denuo à sanguine sejungi; atque ita fieri circularem illius motum.

Huic autem opinioni favet maximè magna illa multiplicitas venarum meseraicarum, quæ longè superior est, quam requiritur ad excipiendum sanguinem arteriarum, coeliacæ, & mesentericæ. Licet enim à natura institutum sit, venas omnes ampliores esse fociis arteriis, excessus tamen amplitudinis certus esse debet, atque statutus, tantus scilicet, quantus respondere possit proportioni reciprocae, quæ reperitur inter velocitatem sanguinis per eadem vasa; ita ut amplitudo venarum ad amplitudinem arteriarum in eadem proportionem sit, quàm est velocitas sanguinis per arterias, ad velocitatem ejusdem fluentis per venas; atqui proportio hæc nullatenus servatur inter meseraicas venas, suasque conjugas arterias; illarum enim numerus tam insignis

gnis est, ut omnes simul sumptæ tantam cavitatem efforment, ut hujus excessus supra cavitatem arteriarum multo major sit, quam excessus velocitatis sanguinis per arterias, supra velocitatem sanguinis per venas: quod est signum evidens, mœsericas ipsas venas aliquid aliud continere præter sanguinem arteriarum; nec aliud quidquam assumere possunt præter bilem ipsam, cum istæ omnes venæ ad jecur tendant, quod est viscus proprium, ac destinatum separationi ejusdem fellis. Neque enim hujusmodi foret singulare exemplum venarum, quæ præter sanguinem à fociis arteriis acceptum, aliquid aliud speciale fluidum aliunde assumant, unaque cum sanguine arteriarum illud contineant, ferantque. Ita quippe umbilicalis vena in foetu, non alio de titulo tanta prædita est amplitudine supra duas sibi conjuges umbilicales arterias, nisi quod (ut Thomas Cornelius rectè opinatur) huic venæ impositum munus sit, non modò revehendi ad cor pueri sanguinem illum, qui per arterias umbilicales ad placentam progreditur, verum quoque aliquam aliam portionem sanguinis, aliorumque fluidorum, quæ ab ipsa placenta eidem venæ communicantur, quæque fluidorum matri, veluti quodpiam tributum sit, ac subsidium in alimoniam foetus ipsius.

Sed quid ultra? nonne homines in balneis morantes, copiose, ac supra consuetudinem mingere experimur? quod profecto non fieret, nisi eorum venæ aquam exfugerent, eamque sanguini ab arteriis accepto adjunctam per universum corpus adveherent, quæ postremum per renes sejuncta à sanguine in urinam faceretur.

Et hæc sunt, quibus circulationem fellis probare adnuitur Auctor prædictus, ex qua hunc in modum posita, & firmata, nonnullos alios deducit usus hujus humoris, præter duos illos jam communiter receptos, scilicet elaborationem chyli, una cum succo pancreatis intra duodenum absolvendi, & acredine sua excitandi intestina ad crassiores, & inutiles ciborum partes ejiciendas. Arbitratur enim ipse, ea ulterius bilis officia esse, ut vellicatione suâ peristalticum intestinorum motum excitet, quo facilius succi exprimantur ex jam digesta ciborum massa; atque ita expressi hauriantur à minimis osculis lactearum, cæterorumque vasorum, quæ peculiares suos succos recipere debent: utque pariter sese admiscens cum sanguine, intra venas abdominis existente, qui jam tardissimus est, ac fere stagnans, ac summe torpidus, & crassus, excitet in illo fermentationem quamdam, quâ illum comminuat, agitet, reddatque fluxilem, & motui promptum.

Et quoniam quærere quidam posset, cur bilis ipsa, dum prorepat per universam intestinorum longitudinem, non ingrediatur lacteas venas, quæ in cavitatem intestinorum hiant; respondet ipse, id prohiberi à figura, quâ donata sunt orificia earundem lactearum; quæ nullatenus aptatur figuris partium bilem efformantium: in id enim incubuit maximè naturæ providentia, ne fel ad cor progrediretur; hoc namque inutile, ac noxium fuisset: sed ad jecur breviori, qua posset, via; quare sic orificia meseraicarum construxit, ut ea faciliter subingredi possent fellis principia, & constituentes particulæ.

Hoc

Hoc autem ratione confirmari posset ex eo desumpta, quod glandulæ ferè omnes non secus operari conspiciuntur, ac de intestinis pronunciatum est; nam in glandulis humorum plures species separantur à sanguine, earumque quælibet sibi proprium, ac destinatum canalium ordinem habet, à quo educitur, & recipitur; ita in hepate, & bilis & lymphæ fecernitur; sic & pancreaticus succus, & lymphæ: sic denique in glandulis universis. Singula enim liquida, quæ prius cum sanguine commixta erant, ideo ad invicem sejunguntur, quia hisce in glandulis statuta adsunt vasa, quæ fluida illa sejunctim hauriunt; ita ergo & in intestinis res sese habet: omnia in chylo confusa sunt, sed chylus à bile sejungitur, quia illum lacteæ meseraicæ exfugunt: est enim universa intestinorum compages magna quædam glandula, suis vasis excretoriis instructa, sicuti glandulæ omnes sunt; quarum non alia certa structura est, nisi complicatio, & circumflexio canaliculorum, eodem pacto, quo intestina ipsa canales sunt multiformiter plicati, & circumflexi. Quæ ratio quantumvis sufficere possit ad explicandum, cur nulla chyli portio meseraicas venas ingrediatur, ut Recentiores plerique opinantur, sed totam ab Asellianis venis excipi contingat; putat tamen præfatus Auctor, atque tuetur, portionem aliquam ejusdem chyli, eam scilicet, quæ bile magis repleta est, per meseraicas venas ad jecur immediatè transire, non ob hoc quidem, ut chyli portio hæc, vel caloris, vel fermenti cujusdam ope, naturam sanguinis in hepate adipiscatur [hoc enim acerrimè denegat, & impugnat], sed

quia id natura curavit, maximè ut hæc portio chyli, quæ plurimum bilis admixtum habet, in jecore ipso, à bile expurgetur, ut sic defaecata possit tuto, & commode ad cor pervenire.

Et profecto hujusmodi partialem chyli transitum, ac derivationem in meseraicas venas tuentur plurimi ex Recentioribus, nuperrimisque Anatomicis; quos inter cum nullus sit, qui serio magis, ac fuscè id demonstrare nitatur, quam Auctor prædictus, lubet idcirco ejusdem rationes audire.

Duplici ergo ex capite hujus sententiæ probationem adstruit, ex numero scilicet, & multiplicatione meseraicarum, nec non etiam ex situ, & constitutione earundem. Comparans enim ipse amplitudinem ipsius venæ meseraicæ, quæ confurgit ex conjunctione meseraicarum omnium, videlicet comparans amplitudinem ductus portæ cum amplitudine venæ splenicæ, invenit illam esse quadruplam; & quoniam ambæ istæ venæ intra abdomen collocantur, ubi eadem viget compressio musculorum diaphragmatis, & inspirati aëris; & æque molles, & compressibiles fistulæ sunt; arguit exinde, quantitatem sanguinis per mesentericas fluentis, quadruplicem esse illius copię sanguinis, qui per splenicam fluit, cum supradictis conditionibus; prout proportionales esse debent quantitates sanguinis, & amplitudines fistularum.

Hoc autem statuto, cum certum sit, splenicam venam non alium continere sanguinem, quam qui ab arteria splenica, seu cœliaca egreditur; splenica vero arteria hæc parum, aut nihil minus ampla sit, quam arteria mesenterica, à qua sanguis in meseraicas

cas venas effunditur; patet igitur, quod, si non aliud foret meseraicarum venarum officium, quam vehere sanguinem à socia arteria commissum, sibi sufficeret amplitudo ductus portæ, æqualis amplitudini venæ splenicæ. Cur ergo natura tam amplum constituit ductum portæ, ut ejus crassities triplo major sit, quam proprius usus exoptulet? erit certe hujus amplitudinis usus aliquis, quædam necessitas, cum naturæ sagacitas omni vacet culpâ, & à superfluis abhorreat. Usus vero hic meseraicarum, præter illum, qui fit recipiendi sanguinem à sibi conjuge arteria, non alius esse potest, quam a cavitate intestinorum chyli portionem aliquam haurire, & ad jecur perferre. Non enim superius probatus bilis transitus, per venas illas, sufficiens est ad tantam illam amplitudinem declarandam; cum bilis ipsa satis pauca sit, adeoque non tantum requirat meseraicarum copiam, & multitudinem, quæ supra exigentiam tam magna probata est.

Hæc autem omnia confirmari summopere videntur a distributione, ac situ meseraicarum; nam quamvis venæ ipsæ per universam mesenterii latitudinem diffusæ, usque ad intestina omnia pertingant; earum tamen pars major ad duodenum, & jejunum intestinum spectat, minor vero ad reliqua; ex quo deduci posse videtur, harum venarum usum non eum esse tantummodo, ut à meseraica arteria sanguinem recipiant: si enim hoc foret, distribuerentur ex æquo, & uniformiter ad quodlibet ex intestinis, non autem pars major duobus illis superioribus infereretur; imo vero esset major venarum nu-
me-

merus in inferioribus, & crassis, quam in superioribus, & tenuibus, quoniam illa, cum crassa sint, & musculosis fibris instructa magis quam hæc, majorem quoque sanguinis obtinent quantitatem ab arteriis sibi traditam, quam tenuia; adeoque majorem requirerent venarum numerum, quæ sanguinem ipsum reducerent.

Quid igitur in causa est, cur ita difformis sit harum venarum positus, & distributio? cur istæ æmulantur lacteas, quarum pariter plurimæ, & frequentes ad jejunum, & duodenum spectant, paucæ verò ad reliqua, & paucissimæ ad crassiora intestina, nisi quod & meseraicæ ipsæ venæ eandem lacteas etiam in opere, & in officio imitantur, nempe & ipsæ viæ sunt, per quas chylus ab intestinis egrediens admiscetur cum sanguine, unaque cum ipso per universum corpus diffunditur?

Neque verò probatus jam fellis transitus per meseraicas venas, satis congrua ratio esse potest, cur adeo multiplex illarum copia in duo illa superiora intestina implantari debuerit: nimis enim improprius hic foret locus ad exfugendum fel ipsum, cum hoc nondum exercuerit abunde, & adimpleverit sibi commissum munus, fermentationem scilicet ciborum una cum succo pancreatis; per quam chylus resultet: & cum hoc in loco fel ipsum mox eruclatum fuerit à felleis vasis, statim hinc abduci illud, & removeri per meseraicas venas esset incongruum.

Quarè cum non ideo tot meseraicæ venæ circa duodenum, & jejunum reperiantur, quia major ibi copia sanguinis sit recipienda, nec quia ex hoc loco fel-

felleus humor sit abducendus ; nil aliud superest , nisi quod per illas detur chylo transitus , & derivatio ad jecur , ut superius fuit expositum.

Haëtenus cum clarissimo Viro illo loquuti fuimus , cujus memorata jam , & exposita ratiocinia , nonnisi summis digna laudibus , nec nisi plurimum rationi congrua nobis quoque reputanda videntur. Sed quoniam ea est rerum omnium naturalium obscuritas , ut , quicquid homines circa illas pronunciant , quantumvis probabile admodum sit , & consonum , certitudine tamen careat , & semper dubiis involvatur ; ideò asserere non audemus , supradicta omnia adeò certa esse , ac stabilia , ut nullis prorsus difficultatum ictibus infirmentur.

Nam quod spectat ad suum illum , tot rationibus confirmatum , bilis circuitum , videtur hic indigere ulteriore probatione per experimenta , & observationes ; quæ nos certius edoceant , an descensus fellis intra duodenum jejuno etiam ventre fiat , & semper ; an vero tunc solummodò , cum illud requiritur in elaboratione chyli. Quid enim prohibet , quo minus fel ipsum in cavitatibus intestinorum observetur , & palam , & clarè per anatomicas inspectiones , si tanta est hujus humoris copia perpetuo in intestina fluentis ? Id verò nullus , quem sciam , ex haëtenus mihi notis Scriptoribus tam certò reperiit , ac vidit , quam necessarium foret ad hoc statuendum. Imò vero fortasse vacua omnino intestina conspiciuntur nonnunquam , maximè verò tenuia , nec ullo bilis colore affecta.

Proritari autem intestina à bile , cum Auctor ipse concedat , cur proritatio hæc , vacuo stomacho , &
in-

intestinis, clarius nobis non innotescit, sed quies omnimoda persentitur in alvo plerumque, absque ulla vellicatione, & molestia; quæ tunc nobis sensibilia fiunt, cum cibaria ingesta sunt, magis adhuc sensibilia, cum nos urget expulsio faecum? Præterea si assiduus est, ac perennis elapsus fellis ad intestina, cur sacculo illo biliario animalium pleraque donantur? sufficerent canales simplices recta ad intestina repentes, per quos bilis affluere posset: quodnam cistæ munus est, si non spectat ad hujus humoris depositionem, & ad hoc, ut certis temporibus, ac pro occasione, & necessitate evomatur? sunt & alia liquida aliis in partibus corporis relictæ sanguinæ, quorum fluxus assiduus non est; cur soli felli æmulari sanguinem datur, soli hepati æmulari cor? quænam est necessitas circularis hujus motus fellis, ut absque eo œconomia corporis perturbetur?

Quin imo in abdomine viscus aliquod reperitur, per quod statutus humor fecernitur, cujus officium ad productionem chyli spectat, ideoque canales suos habet pervios assidue, & patentem sibi præbentes aditum ad intestina? ut in pancreate, ejusque fluido rem sese habere, jam omnes norunt: & tamen illius fluidi motum, atque descensum intra duodenum, nemo forsan est, qui asserat assiduum esse, & indeficientem; sed pro occasione tantummodò, & aliquando; cum scilicet chyli genesis intra tenuia intestina peragi debet; quamvis non desit, qui fluere illud assiduè existimet, licet ejus reditum ad pancreatem per circularem motum exponere non audeat, cum id ratio non firmet, ac doceat.

Huc

Huc tendit oratio nostra, ut ostendamus, canalium semper patula orificia, & assiduam intra ipsos præsentiam fluidi, satis non esse ad probandam assiduitatem motus fluidi illius. Nam & pancreatici ductus pervii sunt, & suo succo repleti semper, aut fere semperprehenduntur; & tamen ipsius liquidi delapsus continuus non est; atqui in dubium positâ proportionem illâ, jam tota dubia redditur, & incerta circulatio fellis, quæ tota proportioni illi adnititur, ut supra dictum est.

Cursum eas innuimus modo difficultates, quæ primo intuitu supradictæ doctrinæ adversari nobis videntur. Nostrum enim non est hoc loci ad exactum calculum revocare omnia, sed tantummodo significare umbras, & nævos; validiora enim dubia ipsius doctrinæ firmitas non admittit fortasse. Quare ex hoc ipso instituto nostro animadvertimus ultro tantum illam naturæ repugnantiam in reditu bilis ad cor, quantum clarissimus Auctor opinatus est, non adeo facilem forsitan concedi per Medicos, & Anatomicos universos; quid enim mali foret, si bilis illa, quæ semper sanguini conjungitur, quæ mox ex sanguine sejuncta fuit, in sanguinem denuo rediret, unaque cum illo per universum corpus diffunderetur? An quia natura de fellis separatione à sanguine, adeo sollicita, id suadere certo videatur? sed natura ipsa molitur quoque separationem lymphæ, & tamen patitur lympham in sanguinem, & ad cor ipsum celeriter remeare.

Fel sanguinis balsamum esse, quod ejusdem sanguinis corruptionem prohibeat, quod ejus motum promptiorem reddat, quod faciat illum vividum,
&

& floridum, eumque attenuet, comminuat, exhiberet, plures clarissimi Viri arbitrati sunt; fortasse & nobiliora officia eodem in sanguine fel ipsum exsequitur, & materiam suppeditat, ex qua animales spiritus, seu fluidum cerebri procreatur; & activitate suâ, sulphureisque partibus suis, atque salinis, magnam habet partem in membrorum motibus peragendis, namque hi per ebullitionem fiunt, intra fibras musculorum excitatam, cui operi principia illa, quibus fel componitur, aptissima sunt. Prætereo Auctores, qui motum cordis per irritationem fieri opinantur, libenter admittere regressum bilis in sanguinem, ut ejus merito sanguis ipse facilius, certiusque proritare possit cor, ejusque fibras; quibus de causis non adeo clare videtur damnandus regressus istius liquidi in sanguinem, ejusque adventus in cor.

Sed & illud ponderatione dignum occurrit, conversionem nempe cruoris in bilem eo tempore, quo animalia immodicam patiuntur inediam; licet tutò fatis improbata fuerit ab Auctore prædicto, defendi tamen ab aliis quamplurimis, penes quos parum habet roboris ratio adducta; quod nempe sagax natura non pateretur, sanguinem thesaurum vitæ in hunc noxium, & excrementitium facessere humorem: naturæ enim appellatione non mens, aut voluntas aliqua significatur; quæ cuncta disponat pro exigentia, & utilitate corporis, quæ noxia prohibeat, permittat utilia, sed cœca quædam lex, & necessitas rerum; quare si talis foret necessitas, ut per inediam magna bilis quantitas in sanguine produceretur, id fieret naturâ invitâ, & nolente.

Acc-

Acescere quidem sanguinem, & falsiorem fieri, cum animalia à cibis sese abstinere ultra consuetudinem, & indigentiam corporis, adeo certum est, ut probari non mereatur. Imo verò & infensa caliditas, & febres quoque in eorum corporibus hac de causa concitantur, ut experimur quotidie: nisi enim sanguis novo chylo irroretur, dissolvitur nexus particularum ipsum constituentium, & omnia genera ejus principiorum dissociantur, fiuntque solitaria, & conspicua; cum exacta illa unio, & harmonica conjunctio diversorum principiorum, quibus sanguis coalescit, renovari assidue, ac indeficienter expostulet per viscidam chyli substantiam, quæ omnia contemperat, certisque legibus coercet. Hæc igitur deficiente, igneæ partes, quæ intra sanguinem delitescunt, innatum sibi motum, ac libertatem adipiscuntur, atque ita solvuntur omnia, & dissociantur; in qua solutione plurimæ forsan, aut progignuntur denuò, aut sensibiles fiunt sulphureæ partes, quæ bilis materia sunt.

Cæterum quoad reliquas attinet rationes ex meseraicarum positione, & multiplicitate deductas, fatemur ingenue, magni ponderis eas esse, & summè validas, & verè dignas viro geometrâ; sed dubitari posset adhuc, an certæ sint assumptæ illæ proportionēs, quod eadem celeritate, fluida per meseraicas omnes moveantur, quodque pariter æque velocia fluida sint per venas omnes abdominis; fortasse enim diversa compressio viget in diversis partibus ejusdem ventris, diversa pondera superincumbunt venis, diversæ sunt constrictio-

I

nes

nes intestinorum, & alicubi majus, alicubi minus constrictionis momentum viget. Quarè si hoc foret, non ea exacta servaretur regula, quod venarum multiplicitas eo in loco major adesset, ex quo major copia fluidi oriri deberet; sed ibi plures extarent venæ meseraicæ, ubi debilior adest movens causa, & ideo plures circa tenuia intestina; quia eorum constrictione intestinorum non adeo valida est, sicuti constrictione crassorum; vel quia musculorum abdominis compressio validior est circa tenuia, quam circa crassa, vel aliqua alia de causa consimili. Eademque ratione dubitare quispiam posset, an verum sit, quod assumptum fuit, de æquali velocitate sanguinis per venam splenicam, & meseraicam; forte enim splenica vena impulsu aliquem obtinet, pro motus sanguinis celeritate majore, quam sit celeritas ejusdem sanguinis per meseraicas ipsas; qua de causa opus fuerit harum venarum adaugere numerum, ut amplitudine tarditas compensetur.

Quæ omnia eo tendunt, ut chyli motus per meseraicas ipsas dubius reddatur. Nec desunt observationes, partialem hunc chyli transitum per meseraicas improbantes, quarum plurimæ apud nuperos Scriptores habentur, maximè verò apud Lowerum, qui expertus est, meseraicas nihil exfugere chyli ab intestinis, sed unicum ipsi dari transitum per lacteas: vinculo enim obstructo, ductu thoracico, animalia paucos post dies obeunt, eorumque sanguis qualibet chyli portione destitutus deprehenditur, & summe crassus, & fere concretus.

Verum de circulari motu bilis nuperrimè excogitato jam satis; huc enim solummodo spectavit oratio nostra, ut universa circa hoc liquidum Auctorum placita, atque commenta nequaquam lateant. Cæterum communis adhuc inter Medicos opinio viget, delapsum bilis temporaneum esse, non autem assiduum; tunc nempe fieri, cum repleto, ac distento cibus ventriculo, fellea cista, & jecur exprimuntur, cogunturque contentam bilem evomere.

Cui sententiæ adstipulatur ratio potissima, desumpta ex lege motuum liquidorum intra canales contractiles diversae amplitudinis: quoties enim quodpiam liquidum per inaequalium amplitudinum ductus moveri debet, nulla speciali vi expulsum (sicuti sanguis à corde expellitur per arterias), sed per solam, ac simplicem expressionem, factam a motu fibrarum, quibus canales ipsi praediti sunt; arduum sane est, ne dicam impossibile, ut liquidum ipsum ab ampliori canali in angustiores profluat; quia majus semper est momentum constrictionis in tenuioribus, quam in amplioribus ductibus; è contra verò facillimus est transitus ab exilioribus in ampliores. Quo posito, cum verum sit, talem esse felleorum ductuum constitutionem, ut, quo magis ad intestinum appropinquant, remonenturque ab hepate, eo angustentur magis, gracilioresque fiant: jam ratio patet, cur, nullae licet sint valvulae, bilis descensum ad intestinum prohibentes, adhuc tamen eadem bilis intestinum petere nequeat assiduè. Coërcetur enim ejus motus à momento majoris constrictionis, quod viget in

I 2

fellis

fellis canalibus, qua intestinis proximi sunt, majori, inquam, quam sit momentum constrictionis in fellea capsula, nec non etiam in iis partibus felleorum ductuum, quae hepati propinquiore extant.

Si nulla ergo major, & specialior compressio fit circa jecur, quam circa reliquam longitudinem canalium fellis, si nulla bilis alteratione intrinseca affecta est, qua agitetur, commoveatur, ferveat, cogaturque erumpere sponte, qua sibi data porta est, proprios quidem intra canales consistet immota, nec ullus ejus erit ad intestina descensus; at vero cibariis advenientibus, quæ ventriculum inflent, & pandant, atque ita adhærentes ventriculo partes, felleamque capsulam expriment, jam novæ hujus, & recentis compressionis auxilio superatur majus alioquin momentum constrictionis, vicens in exilioribus canalibus felleis, & sic transitus paratur, concediturque bili intra intestina.

Quæ licet communior sit, forsanique verior de motu bilis, & production, sententia, plures tamen clarissimi Auctores ab ea declinarunt. Nonnulli enim arbitrati sunt, hujus liquidi secretionem a sanguine, non in hepate celebrari, verum in membranis ejusdem fellei folliculi; eodem pacto, quo intra stomachi tunicam fluidum illud à sanguine discernitur, quod digestionibus ciborum inservire superius probavimus. Rem ita exponunt, ut scilicet ex illa sanguinis portione, quam ad cistæ tunicam ferunt cisticeae arteriae, tota bilis quantitas educatur, & ea scilicet bilis, quâ folliculus, & ab eo derivans canalis turgent, eaque pariter, quæ reperitur

ritur intra biliarium porum, seu hepaticum ductum. Putant namque ii, separatum fel in membranis capsulae colligi primum in capsula ipsa, à qua postmodum per cisticum ductum profluens, ubi cisticus cum hepatico jungitur, in hepaticum ipsum transeat partim, & per illum ad hepar tendat; partim vero in intestinum prorepat; & illa quidem bilis, quæ jecur petit, sanguini admisceatur, pro variis officiis; illa vero, quæ ad intestina delabatur, alia ibi munera exsequatur. Nonnulli vero è contra putant, fel ipsum, quod in capsula deprehenditur, eo advenire per cisticum ductum a poro biliario, quod prohibeatur descensus bilis per porum ipsum ad intestina, prohibeatur, inquam, a chylo intestinum duodenum sæpe replente, & obturante orificium ejusdem pori in intestinum illud hiantis.

Longum nimis foret hæc singulas opiniones perpendere, nilque nobis fructus afferret, cum omnia hæc placita penes Neotericos extent suis difficultatibus obnoxia, & jam rejecta communiter; sensus namque ipsi ostendunt, quam commentitius sit ab iis suppositus comitus bilis, per vasa scilicet cistica, & hepatica. Eorum alterum si aëre inflatur per embolum, ut mos est, neutiquam inflatur & alterum, quin sæpenumero eorum unicum obstructum omnino deprehenditur, alterum tamen bile repletur, eamque intestinis largitur. Secretionem vero fellis in tunicis biliaris capsulae quis credat, si tunicae ipsae glandulosae nequaquam sunt; si tam clarus, & evidens est adventus ejusdem fellis intra folliculum ab hepate per plurimos illos canaliculos, qui a capsula ipsa, qua

jecori adhæret, exorti, totam fere jecoris substantiam pervadunt; si denique in iis quoque animantibus, quæ folliculo, aut naturâ, aut arte destituuntur, bilis separatur in hepate, & per hepaticum ductum ad intestina descendit?

Verum hisce dimissis, statutoque jam jecur esse viscus secretorium bilis a sanguine; bilemque ipsam ad intestina prorpere per cisticum, & hepaticum, qui interdum solitarii, interdum vero extremitatibus suis conjuncti circa finem duodeni inseruntur: jam quoad insertionem hanc spectat, reticendum non est pulcherrimum naturæ artificium; quo bilis regressus, aut ingressus cujuslibet alterius fluidi ab intestini cavitate intra felleos ipsos canales arcetur. Non enim canales ii recta intestinum perfodiunt, ita ut eorum ultima oscula in intestinum hiantia patula sint, sed oblique sese inferunt, & insinuant per tunicam ejusdem intestini, & quasi furtim, & clam ad cavitatem perveniunt, ubi felleum humorem evomunt. In id enim incubuit maximè naturæ solertia, ut nihil prorsus eorum, quæ fluunt, posset canales ipsos subire; quod supradicto artificio pereleganter, & plene consequuta est. Nam obliqua illa insertio id efficit, ut eorundem vasorum oscula, occlusa quidem ingressui, egressui vero patentia sint; quare si duodenum, jejunumque intestinum liquido repleatur, fiatque in illis expressio summa, nihil tamen conspicitur ejusdem liquidi felleos canales subingredi.

Ex quo patet, falso arbitratum esse Gassendum, hepaticum ductum chylum recipere ab intestinis, ut illum ferat ad jecur; falsamque idcirco ab eodem

dem Auctore huic ductui traditam appellationem chylodochi, nempe chylum trahentis, quod & Hyacinthus de Bah autumavit, ideoque vas istud lacteum dixit. Nam neque aliquid penetrare potest intra hunc canalem ab intestini cavitate, propter ipsius obliquam insertionem, neque, licet ingredi posset versus jecur, valeret procedere per ductum ipsum, vel ob valvulæ impedimentum, qua nonnunquam vas hoc donatur, vel ob ejus intimæ superficiei asperitatem, & rugas plurimas, quarum positio talis est, ut valvularum vicem gerant.

Monendum autem occurrit hic, biliarios canales, licet fere semper, in homine præsertim, extremitatibus suis inferantur in eam intestinorum partem, quæ duodeni finis, jejuni vero initium est, nonnunquam tamen, vel ambos simul, vel eorum alterum in ventriculi fundum abire, sicuti pariter observatione compertum est, interdum insertionem eorum fieri in extremitate jejuni, aliquando verò in crassa intestina, colon præcipuè. Hæc autem, tanquam naturæ errata, & aborta, homines morbis pluribus obnoxios reddunt. Quicunque enim bilem in superioribus, & in ventriculum gestant, vomitibus tentantur, & torminibus stomachi, sitim patiuntur fere assiduam, frequentem dolorem gulæ, amarorem oris, flavasque habent linguam, & fauces.

Attollitur enim bilis facillimè ad linguam usque per rectas fibras tunicarum ventriculi, quæ communes sunt œsophago, & linguæ; attollitur, inquam, ob rationem expositam, cum loquuti su-

mus de ascensu humoris nutritii per minimas, primasque radices plantarum, eodem scilicet pacto, quo per minimos tubulos omnes aqua, & omnia fluida sponte ascendunt, adhærendo parietibus eorundem tubulorum; aliaque etiam potenti de causa, nempe per compressionem fibrarum, per eam scilicet compressionem, quæ fibris omnibus propria est, & innata, & per illam, quæ oritur à laterali pressione partium sibi circumpositarum.

Hi verò homines, qui talem habent fellis adventum in stomachum, *πικροχολι τὰ ἄνω* ab Hippocrate appellantur, quasi amarorem habentes ad superiora. Qui autem fellis delapsum obtinent ad inferiora intestina, *πικρίχολι τὰ κάτω* dicuntur, & hi frequentibus affliguntur torminibus alvi, ejusque variis speciebus fluxuum; ob facilem, nimiamque vellicationem intestinorum, factam a felle eo loci fluente, simplici nimis ac fervido.

Jam vero quid statuemus de usu illo bilis, quem Veteres ferè omnes indubitanter asseruere ad irritanda scilicet intestina, ut sese contrahant ad expellendas fæces? Erit hæc nobis opinio amplectenda cum aliis innumeris ex Recentioribus, an cum aliquibus rejicienda? Contemnit enim, & improbat hunc usum fellis doctissimus Helmontius, hisce rationibus inhærendo. Fel cum chylo admiscetur, unaque cum ipso ingreditur vasa sanguinis: non ergo ejus usus est ad stimulum intestinorum, ut fæces excernantur; aliter enim fellei-meatus non ad duodenum pertingerent, sed ad crassa intestina, ubi fæces reperiuntur; neque fæcibus plerumque adjuncta flavedo, bilis admixtionem arguit, cum
fæces

fæces ipsæ nullatenus amaræ repertæ sint, sicuti foret opus.

„ Puer quadriennius [ait Helmontius in sextu-
 „ pla digestionem alimenti humani] lectum cacave-
 „ rat. Flagra autem extimescens suum stercus
 „ comedit; signa autem è linteis delere non pote-
 „ rat : quocirca interrogatus per minas, tandem
 „ casum narrat. De sapore autem quæsitus dixit :
 „ esse foetidi, & subdulcis. *

„ Item Moniales alebant sat sobriè puellas nobi-
 „ les commensales; concionabantur autem jugiter,
 „ quod, qui lautè comederant, cum divite epulone
 „ partes haberent : salvarentur autem soli, qui
 „ per omnimodam mortificationis abjectionem co-
 „ mederent vilissima quæque. Nobilis ergo vir-
 „ guncula, salutis suæ avida, præfagâ persuasione
 „ commota, proprium stercus edit, & infirmaba-
 „ tur. A parentibus autem domum revocata est,
 „ ac tandem casum enunciat; petatum fuit ab illa,
 „ cujus saporis esset, ac respondit, esse foetidi, &
 „ aquose dulcis.

„ Tertio : Pictor Bruxellensis, per intervalla
 „ furoris initio aufugit in nemus vicinum, ibique
 „ longe a conspectu hominum repertus est viginti
 „ tres dies proprio stercore vixisse. Mox domum
 „ relatus est: invisi illum, & sanavit illum Domi-
 „ nus. Erat autem perfectè memor omnium sub
 „ furore præteritorum; interrogavi illum, an re-
 „ minisceretur, cujus saporis esset stercus; ait: sa-
 „ pit ut olet; ac dein per gustus capitales a me
 „ examinatus, respondit, non esse acidum, non
 „ amarum, acre, falsum, sed aquose dulce. Imo

” dixit, quod quo sæpius recomedisset, eo semper
” dulcius fuisset.

Non ergo fæcibus miscetur fel, amaræ enim forent maximè, neque ut tales a canibus lingerentur, neque a muscis per proboscidulam exfugerentur; muscae nempe, canesque a felle maximè abhorrent.

Quae omnia licet tuto sic, & confidenter ab Helmontio, aliisque probata fuerint; non ea tamen sunt, quae permixtionem fellis cum fæcibus omnino excludere valeant; siquidem earundem fæcum in supradictis historiis probata dulcedo, aut sapor quilibet ab amarore diffidens, nil habet roboris: quoniam ea est saporum omnium natura, ut varientur facillimè, tunc vero praecipuè, cum aliqua fit in sapidis rebus alteratio substantiae, cumque sapores plures miscentur simul. Quare cum tantam subeat alterationem fel ipsum, dum una cum fæcibus in intestina commoratur, dum fluido pancreatis cum cibariis jam digestis miscetur, simulque cum illis ebullit in chyli productione; quid mirum est, si crassiores ciborum partes, licet felle saturatae, amaritudine tamen expertes sint? Ego quidem certo scio, excrementa hominum, quamdiu optima valetudine fruuntur, felleo humore affecta esse. Id enim suadet evidenter eorum color, inter flavedinem, & nigredinem medius; qui quidem color variatur, statim ac iidem homines in morbum regium incidunt, ab obstructionibus felleorum ductuum provenientes; namque eo morbo detenti, fæces habent albas, & a consueto colore recedentes. Aliquid ergo fel ipsum, dum sese be-
nè

nè habet homo, operatur in fæcibus, cum ejus absentia adeo clarum indicium in illis exhibeat.

Verum quamquam mihi certum sit, felleum liquidum in fæcibus reperiri, non æque tamen mihi compertum est, an ejus admixtio causâ sit, ut fæces ipsæ expellantur, quia videlicet intestina vellicet, atque proritet. Namque mihi semper dubia fuit opinio hæc eo de titulo, quod intestina ipsa, cum fere assidue excrementa contineant bile saturata, videntur jam huic sensui proprias membranas assuefecisse, ita ut non amplius bilis morsum, & vellicationem persentiant.

Hoc quidem mihi tanti ponderis est, ut facile hujusmodi officium ipsimet felli denegare haud formidarem. Nam si tanta consuetudinis vis est in animalium corporibus, ut pharmaca ipsa, quantumvis acria, ob assuetudinem enerventur, nullamque amplius intestina irritandi, fæcesque reducendi facultatem obtineant; quid in felle ipso contingere dicendum est, quod, ut docuimus, excrementis semper conjungitur, quodque per intestinorum tunicas assidue spargitur? neque vero causâ istâ sublatâ, deficiunt rationes plures evidentissimæ, ob quas fæcum expulsio perfici debeat; hoc enim opus intestinorum peristaltico motui tribuitur, partim compressioni a musculis abdominis, & a diaphragmate procedenti; partim denique pressuræ, quam agunt assidue viscera abdominis intestinis superincumbentia: quippe, ut alio in loco explicavimus, universa intestinorum compago magna quædam glandula vocari potest, suis excretorius vasis instructa. Non secus ergo ac per
gland-

glandularum tortuosos, & circumflexos sinus profuit sanguis à primo ad ultimum, dum ab eodem sanguine statutæ quædam particulæ hauriuntur ab excretoriis vasis; ita & per integram intestinorum longitudinem, quanquam mirum in modum implicatam, multisque obvolutam flexibus, procedere potest, quicquid a ventriculo egreditur ad anum, usque dum in hoc progressu utiles partes chyli lacteas venas subeunt. In hoc enim enixè incubuit natura, cum intestinorum flexus certis locis disposuit, eâ quidem lege, ut ibi major vigeret compressio vel a musculis, vel a visceribus proficiscens, ubi major requirebatur vis ad faccum motum promovendum. Hinc iis in locis, per quæ faeces, aut contra nisum ponderis sursum prorepere debent, aut in quibus excrementa ipsa crassiora jam facta, motui magis resistunt, validius est intestinorum robur, validior musculorum compressio, debilior vero alibi.

Ergo quamdiu firma fruitur animal valetudine, cunctaque in abdomine ipso, præsertimque in intestinis, sese habent juxta naturam, nullius aliâ opus est causâ, ut excrementa decidant, & expellantur, præter ipsissimam intestinorum mirabilem fabricam, constitutionem, positionemque.

Cæterum & ipse libenter affirmo, interdum excitari dejectionem alvi, sed tunc solummodo, cum bilis a consueta, sibi que propria temperie recedit; cum nempe fervidior evaserit, & partibus plus, quam par est, irritantibus prædita sit; & tunc equidem non naturales dejectiones proritat, sed intempestivas, & noxias.

Nec

Nec raro etiam accidit, fel ipsam adstrictionem alvi producere, & insignem quidem, & contumacem; idque duplici ex causa, & quod nimirum fervore suo, & æstu, dum in intestinorum cavitatibus reperitur, turget nimis, expanditur, atque ita majori momento tunicas intestinorum inflat, quam sit momentum constrictionis, compositum ex peristaltico motu earundem, & ex compressione aut viscerum, aut muscutorum abdominis; unde tunicas ipsas sic violenter inflatas detinet, neque permittit eorum motum circumpressorium exerceri, per quem fæces ad inferiora expelluntur; & quia insuper caliditate suâ fæces ipsas adeo comburit, & exsiccat, ut motui resistent nimis, & intestinorum tunicis per adustionem adhæreant, & affigantur.

Quamobrem licet colicarum passionum pleraque exinde oriri arbitrer, quod intra nerveas, & musculares fibras, quibus tunicae intestini colon texuntur, animales spiritus immaniter ferveant, & rarefiant; falsamque putem vulgo creditam causam de flatuositate, à frigidis humoribus producta, intra cavum supradicti intestini: nonnullas tamen a felle ipso produci probabile mihi videtur, cum nempe humor hic intra intestina adeo excalescat, majoremque sibi debito locum occupet ebulliando, & cujusdam intestini tunicas inflet, per vim extendat, distrahat, quamdamque exhibeat in ipsis tunicis, aut motus incongruitatem, aut continui solutionem, aut quidpiam simile, quod doloris origo sit; unaque simul impediat prorsus delapsum excrementorum ad inferiora, per immodicam
infla-

inflationem prædictam ; cum & volvuli ipsi nonnunquam, & cujuscunque generis inflammationes intestinorum ope bilis produci possint : irritatis nempe, aut inflatis nimis intestinis ipsis ab eodem felle immodicâ acrimoniâ prædito, & caliditate : quoties enim utcunque exasperantur intestinorum tunicæ, maxima fit in ipsis rerum omnium perversio, cohibetur motus sanguinis, atque ita inflammationes concitantur.

Atque hæc de præcipuis humani corporis humoribus indicasse sufficiat.

F I N I S.



INDEX CAPITUM.

C A P. I.

Veterum Medicorum sententia de quaternario humorum numero expenditur. PAG. I

C A P. II.

De compositione Sanguinis intima. 13

C A P. III.

De Sanguinis generatione. 19

C A P. IV.

De functionibus Sanguinis, ac primo de Motu ipsius sanguinis. 31

C A P. V.

De Calore Sanguinis. 52

C A P. VI.

De Humoribus a Sanguine distinctis, & primo de succo Nerveo. 69

C A P. VII.

De Lympha. 86

C A P. VIII.

De Bile, seu Felle. 105
AP.

APPROBATIONES.

Admodum Reverendus Lucas Joseph Cerracchini S. T. D. videat *Exercitationem* hanc *de Humoribus*, &, an Typis mandari possit, referat. Dat. ex hac Archiepiscopali Palatio die 14. Junii 1733.

Horatius Mazzei Vic. Gen.

Illustriss. ac Reverendiss. Domine.

Clarissimi Viri, ac de literaria Republica optimè meriti Josephi del Papa *Exercitationem de Humoribus* omnibus numeris absolutam dignam prælo censet

*Lucas Joseph Cerracchini S. T. D.
& Academicus Florent.*

Stante prædicta Relatione Imprimatur.

Horatius Mazzei Vic. Gen.

Excellentissimus Dominus Nicolaus Gualtieri perlegat *Exercitationem de Humoribus*, & in scriptis referat, an possit publicè exponi.

Dat. ex Aedibus S. Off. Florentiæ die pr. Julii 1733.

Fr. Paulus Antonius Ambrosi Inquisit. Gen.

Reverendissime Pater.

Summâ animi mei voluptate sapientissimi Viri Josephi del Papa *de præcipuis humani corporis Humoribus Exercitationem* perlegi, eamque esse arbitror, quæ in publicam prodeat lucem, ad communem fructum, & utilitatem.

*Nicolaus Gualtieri M. D. in Florent. Univers.
Publ. Medicinæ Profess.*

Attenta supradicta Relatione Imprimatur.

Fr. Petrus Ant. Fondacci Vic. Gen. S. Off. Flor.

F. Buonarota.

HIERONYMI BARBATI

EXERCITATIO

DE

SANGUINE

ET

EJUS SERO.

EXERCITATIO

Præcipua disciplina dediscere mala.

ANTISTENES.

PROELOQUIUM.

MOrbi, quorum eluditur curatio, ab ignorato partium usu, & nutrimento (me iudice) dependent: licet enim variae *Neotericorum* circumferantur sententiæ circa sanguificationis organum, cæteraque nuper inventa; non sunt ideo difficultatibus adeo expeditæ, ut cunctis numeris recipi mereantur: imo si unquam alias nunc fatendum cum *Socrate*: *Hoc unum scimus, nos nil scire.* At scientiis natus homo quia rerum ignorantiam diù nequit tolerare, statui & ipse (etiam si levis armaturæ miles) proprios experiri conatus. De sanguine propterea, & ejus sero breviter pertractabo, ingressusque liberum naturæ hortum conabor quarumdam partium latentes usus detegere, non tamen animo meam anteponendi aliorum opinioni, sed vel ut aliqua hinc resultet utilitas, quæ majori ægrotantium commodo Medicæ praxi deserviat, aut depulsis meis hisce tenebris, aliena lux magis, magisque elucescat, sciendique solidius aliquid mei voti compos evadam.

Quoties meditor sanguinis productionem, num cordi, vel hepati assignaverint *Philosophiæ*, ac *Medicinæ* *Præceres*, toties eorum scripta me reddunt anticipitem: *Hippocrates* enim 4. de morbis, & *Auctor libri de Corde*: Cor fontem sanguinis vocant; ejusdem sententiæ fuit *Plato in Timæo* pag. 70. Cor vero (inquiens) simul & venarum fontem, sanguinisque, qui in omnes corporis partes per alveos suos dimanat, inter sti-

patorum sedem Dii collocarunt. His prædecessoribus robur addit *Arist. 4. de part. animal. 4. & 3. de histor. animal. c. 19.* ait: *In corde primum sanguinem generari, antequam corpus ipsum formetur.*

Hippocratis tamen tempore contrarium docuit *Democritus in epist. de natur. hum.* his verbis: *Hepar sanguinem suggerit, & in alimentum transmutat; Philosophus, quin imo propugnator cordis acerrimus, etiam si 4. de part. animal. 4. sic contra jecur declamet: Inest vero hepar omnibus sanguineis, non est idè totius corporis, aut sanguinis principium; 3. de part. animal. 7. Hepar coctionis gratia necessarium fatetur, & propterea nulli sanguineorum deficit jecur, quin subsidiarium aliquod, elaborando sanguini maxime inserviens, natura præstiterit, prout innumera testantur exempla; hinc igitur argui potest, sanguinis generationi opem non exiguam jecur afferre. Hoc ipsum videtur admittere etiam *Hippocrates lib. de alimento, interprete Foësius, cum inquit: Venarum origo tanquam radix hepar est, & arteriarum cor, ex iis per omnia sanguis, & spiritus pervagatur.* Non placuit *Moebio* hæc expositio *Foësii* asserenti de usu hepatis pag. 330. nunquam dixisse *Hippocratem, sanguinem in hepate gigni; Conringius quoque lib. de gener. & motu sang. Vander Linden medic. phisiot.* unanimi voto sustinent, nullo è loco patere, quæ fuerit *Hippocratis* de officio jecoris sententia: verum hi Auctores in transcribendis aliorum placitis alioquin diligentissimi, duo omiserunt loca huc maxime conferentia; unus extat *lib. de nat. mul.* ubi jecur dicitur ab *Hippocrate* gratiosi succi fons: alter *lib. de struct. hom.* quo loci legimus: *Jecur autem ipsum alimentum triplici**

plici digestionem in succum redigit &c. Qua propter ob sententiarum diversitatem cogimur duorum unum asserere, aut diversa *Auctorum* opera sub præclaro *Hippocratis* nomine circumferri, ut *Lemosius*, & *Mercurialis* affirmant, quæ Lectoris mentem obnubilant; vel secundum illud *Heracliti* apud *Laërtium*, temere de rebus magni momenti ne conjectemus: maluit prudentissimus *Senex* ambiguo uti sermone, quam evidentissimum mendacium posteritati relinquere, quod fecisse quandoque *Aristotelem*, concedet quisque in ejus scriptis non hospes.

Galenus vero prædictis verbosior, & *Aristotelicæ* doctrinæ suam avens præmittere, apertissime sanguificandi officium sic jecori assignat *de plac. Hipp. & Plat. Sanguinem jecore emanare quum dicimus, quid aliud statimur, quam sanguinis procreatricem facultatem in eo viscere contineri? Si igitur, ut alatur animal, sanguinis generatio est, atque ea in jecore fit, viscus hoc non cor altricis facultatis principium erit existimandum. Similem habet sententiam de usu partium, de loc. affect. &c.*

Favet tanto viro *Avicen. Fen. 1. doctr. 3. cap. 2. Deinde sanguis licet in hepate generetur quia cum corde continuus existit, ab eo plus acquirit caloris, quam hepatis habeat.*

Hos præeuntes magna comitatur caterva *Græcorum, Arabum, & Latinorum*, admittentium ideo sanguinem ultimam perfectionem in solo corde adipisci, cujus sinistro in sinu elaborari spiritus, ab officio vitales, est omnium *Medicinæ Procerum* sententia. Viguit rationabilis hæc opinio, quam *Philosophorum* fluctibus agitata, multorum

annorum serie, nostraque usque in tempora; hoc tantum discrimine, quod non omnibus erat obvium, an fieret hæmatosis in venis prope jecur, vel ab ipsius parenchymate, aut in vasis rarioribus, sed incubatu jecinoris, ob idque multi si non superflua, nimisque onerosa, saltem multa dixerunt, & acutioris ingenii alii relicta *Erasistrati*, *Democriti*, & *Ruffi Ephesii* sententia de inutili lienis pondere, ipsum quoque sanguificare defendunt; quod animo *Vesalius* olim conceperat, licet multorum pertimescens calumnias id reticuerit; at *Ulmus*, *Parissanus*, *Baubinus*, *Varolus*, *Hofmannus*, *Conringius* &c. libere asserunt chylum ab intestinis recipere, *Parissano*, & *Conringio*, tenuiorem, crassiolem cæteris, eumque in sanguinem commutare: quorum opinioni favet *Arist.* lib. 3. de part. animal. c. 7. Lien enim divertit, & attrahit ex ventre, & potest concoquere, ut qui sanguineus sit. Diviso propterea imperio credere non pauci, hepar, & lienem conficere sanguinem, quem tandem perfici in corde, est omnibus Medicis in confesso.

Revocatis autem in lucem *Priscorum* inventis chylifugis nempe vasis, quorum meminit *Hipp.* lib. de Carnibus fol. 73. Etenim venæ ex ventre, atque intestinis, in quæ cibi, & potus colliguntur, postquam fuerint calefacti, tenuissimum, ac liquidissimum trahunt, crassissimum autem, & fæx isthic relinquitur; & lib. de ossium natura fol. 106. Sunt autem & à ventre venæ per corpus multe, & omnigenæ, per quas alimentum corpori venit; sic lib. de natur. hum. Polybius; easdemque venas radicibus arborum comparat *Arist.* 4. de part. animal. 4. servata *Platonis* dilectique *Præceptoris*

ptoris metaphora: *Sicut stirpes radicibus terræ innixæ cibum inde hauriunt, sic animantibus venter & intestinorum vires pro terra sunt, a quibus per venas lacti inditas accipiunt alimentum.* Similiter *Erasistratus apud Galenum* hostem *lib. de anat. administr.* novit in mesenterio lacteas arterias, quas in hœdis nuper natis concedit etiam *Gal. lib. an sang. contin. in arter.*

Vetus est igitur lactea dari mesenterii vasa; absit tamen animus *Asellii* arripiendi laudes, cui maximas deberi universum admittit, quippe exactissimis cadaverum, vivorumque animalium præparationibus nullum non movit lapidem, ut silentis naturæ arcanâ manifestaret.

Inventis præterea ab oculatissimo *Pecqueto* thoracicis vasis, quia hominis ingenium in varia facile distrahitur, diversa, multaque prodidit in lucem, quæ omnia veritati præponunt eclipsin: si enim consulamus *Asellium* ipsum, qui *Neotericorum* primus lacteas observavit venas, existimat has per carnem hepatis dispergi, in eam desinere obliterarique, nulla interim notata, deprehensaque cum vasis cæteris communione muneris, aut societatis, vultque chylum rubescere non mixtione cum alio sanguine, sed proprio hepatis calore, à quo fieri coctionem separatio bilis ostendit.

Conringius è contra negat in parenchymate jecoris fieri sanguinem, quia non patet iterum in venas transitus, & ob id suspicatur, in radicibus lactearum mutari chylum in sanguinem, & hinc ad cavæ ramos asportari. *Backius lib. de corde* vult hepatis parenchyma suarum venarum beneficio ad miscellam chyli cum sanguine a liene, & hypochondriis

refluo conferre, *Kyperus* Antiquorum fovet sententiam, statuens primariam hepatis functionem esse sanguinem è chylo producere, qui deinceps in corde perficitur. *Pecquetus* negat lacteas pervenire ad hepar, ac proinde alios usus enumerat non minus Antiquis abditos, quam a veritate alienos. *van Horne*, quia non vidit venas lacteas jecur ingredi, negat & ipse gigni in hepate sanguinem; sic *Mentellius*, *Petrus de Mercene*, *Andreas Auzonius*, *Godfredus Moebius*, *Georgius Sergerus*, & *Præclarissimus Bartholinus* immutata non semel sententia, idem sustinet, quod non inconstantiae, sed laudabili ingenuitati puto adscribendum.

Alii exiguam chyli portionem, per thoracis vasa in cor ascendentem, non sufficere totius corporis nutritioni arbitrantur, sed aliam haematosim debere in jecore peragi, censent, unde venosum sanguinem in hepate, in corde vero arteriosum admittunt generari. *Riolanus* in examine *Pecquetianæ* observat. existimat, chylum ascendentem in cor sanguinis fermentationi inservire, aut esse fibrarum sanguinis materiam. *Glissonius* in *Anat. hepatis* prodidit sequentia: *Si vero accurate pensitemus, quidnam sanguinem primitivum efficiat, liquido constabit, non hepar, neque cor, neque etiam venas, sed spiritum vitalem in prima seminali materia hospitantem illius auctorem esse; quod ovi exemplo non injucunde confirmat. Folius lib. de gener. & usu pinguedinis superfluum appellat vulgatam illam quaestionem, an sanguis generetur in venis, hepate, vel corde, cum sit quidam humor è cibis elicitus. Nolo hic prædictas sententias rejicere, gaudeo quin imo, & in hoc*
veri-

verificari *Phormionis* illud: *Quot homines tot sententiae, suis cuique mos.* Sic enim liquet, nil certi statui posse, quo loco celebretur sanguificatio, ac per consequens necessarium fore aliud iter.

Didici ante plures annos ex ore praestantissimi *Golzadii in Antenoreo Palladio publice profitentis*, quem immaturè nimis defunctum ob singulares ejus virtutes luget adhuc *Artistarum Universitas*, serum sanguinis non esse simplex alimenti vehiculum, ut opinabatur *Antiquitas*; sed & ipsum nutrire: lento enim admotum igni concrefcit, certissimum alimenti signum, cujus rei factotenties experimento, vidi semper serum ipsum, non modo leviter incrassari, sed agglutinari, fierique membraneum, hincque illico conjectavi, sero sanguinis spermatica ali membra. Verum innovatoris ne inurerer nota, hunc animi conceptum minime ausus sum publicare, ipsi tamen debere alimoniam *Pisis* pluribus insinuavi, quorum dein aliqui hanc feri facultatem, praedicto experimento suffultam, in majorem (ut mihi suadeo) studentium utilitatem scriptis divulgare haud sunt dedignari: publicata autem *Glissonii*, & *Warthoni* sententia, a *Bentio* prius in lucem edita *Apolog. pro circulatione sanguinis*, de duplici corporis alimento, audacius nunc quæ meditatus est animus ad sapientum trutinam expendenda tradit, ratus, quod si in arduis prompte committet errorem, & facilem merebitur veniam.

Ichorem sanguinis, & serum idem fecerunt *Plato in Thimeo*, & *Galenus 6. Epidem. com. 37.* diffi-

runt tamen inter se, quia ichor est inutilis sanguinis humiditas, serum apprime utile, & spermaticorum optatissimum alimentum; quod cum debeat esse dicendorum Achilles, expedit primum sic demonstrari.

Nutritio est affluentis substantiæ redintegratio, & quod per alimentum additur, ei omnino simile esse debet, quod digestum est ex *Galeno 1. de sem. cap. 11*. At serum calore concrecendo fit spermaticis simillima pars, ut invicta experientia evidenter confirmat; sero igitur nutriuntur spermatica. Argumentum istud non sola nititur auctoritate, sed etiam sensu redditur manifestum; non negabitur propterea, nisi ab illis, qui carent sensu.

Jacto hoc primo fundamento, plura occurrunt dicenda, sed primum feri pervestigemus naturam. Credideram, prædicto suadente *Golzadio*, sanguinem verti in serum, ut videtur innuere etiam *Arist. 3. de gener. animal. c. 19*. & serum in alibiles humiditates totius corporis nutritioni dicatas, quæ, duce *Avicenna*, Ros, Cambium, Gluten, & Innominata dicuntur; sed me fefellit hæc opinio: sanguis enim, & serum fidissimo experientiæ testimonio diversæ sunt naturæ, ideoque aperta vena, si ambientis frigiditati exponatur sanguis, fibrarum ope densatur, coitque in unum; serum autem subtilius redditur, sanguinique supernatans conspicitur, & passim aqua sanguinis nuncupatur; quæmet differentia ab unico non oritur agente, sed a diversa passi dispositione, atque natura; quamobrem cum solis in symbolicis facilis sit transitus, non videtur vero simile

simile in serum sanguinem degenerare; præsertim quia ars naturæ imitatrix nulla quantumvis reiterata coctione, nec ruditer sanguinem sero valet assimilare susceptæ semel purpuræ depositione. Dices requiri venarum temperamentum? Necessarium est etiam sanguineorum alimentum, estque sanguis ipse, qui ingenta venarum vi debet custodiri; fit namque nutritio a simili secundum *Peripati* placita, ipsamque evidentiam; carnes ergo, & parenchymata omnia nequeunt serosa ali sanguinis parte ob diversitatem substantiæ, in quam ulteriore coctione serum abit; quicquid igitur secundum naturam venas, & arterias ingreditur, præservatur in ipsis, eoque defertur, quo suapte natura tendit. Et ne perperam objiciant *Chymici* albescere sanguinem, quemadmodum ejus sal abunde testatur: necesse est, ut prius modum considerent, quem servat natura in alendis partibus, qui est assimilare concretione, sive ulteriore coctione ipsis partibus alimentum: demonstrent ergo per simplicem coctionem, & agglutinationem albescere sanguinem; hoc enim est, quod nego, & ipsi nunquam sunt ostensuri. Cæterum elementorum separatione destruitur esse alimenti; unde si tunc colorem sanguis immutat, ob id non sequitur, eo nutriri spermatica.

Nec satis probat *Nicolaus Stenonis lib. de gland. oris*: sanguinem spermaticis assimilari, eo quod brevi, & quasi momento temporis ex albo nigrum, & ex nigro album paucis accedentibus videmus evadere; id enim, quia non verificatur de omni, consequentia non tenet: sed procul sint argumenta, judexque arbiter sensus sit; chymicis utatur liquo-
ri-

ribus, & rubram extravasati sanguinis portionem concretionem a mucagine, & sero affabre disjunctam albicantem efficiat? hoc temporis spatium, quia serum sanguinis ovi cortice occlusum, si ad omnimodam ovi duritiem ferventi excoquatur in aqua, induratum repræsentat albumen colore, sapore, & consistentia, non videtur mihi incongruum inter serum, & rubram sanguinis partem eandem assignare differentiam, quam inter album ovi, atque vitellum reperiit *Arist. 3. de gener. animal. c. 2.*

Substantia feri, a sanguine adeo diversa, ab ingestis & ipsa producit, dum chylosis in ventriculo, ac intestinis perficitur, & est humor ille, quo lacteæ tument venæ. Deponitur hic succus post longas, & inexcogitabiles ambages in commune chyli receptaculum, quod alii glandulam mesenterii vocant, & hæc bifurcata ad subclavias, sive axillares extenditur venas, ibique liquorem hunc albicantem exonerat, cavæ interventu penetralia cordis attingentem; non ideo ut excoquatur in sanguinem, sicut omnes *Recentiores* hætenus proclamaverunt, ad quam conversionem nullibi præparatur ante cordis ingressum, ne succederet quin imo aliqua præparatio, natura thoracica fabrefecit vasa, per quæ chyli portio venit in cor, ubi dutescens spiritibus vertitur in serum sanguinis pro spermaticis idoneum alimentum; unde demirari licet, quam lubricè *Neoterici* funeralia erexerint hepati, palynodiam haud dubio dicturi, quotiescunque ex illa chyli portione, quæ vasorum thoracicorum opificio cor petit, evidentius constabit, sanguinem non produci.

At quoniam *Doctiff. Bartholinus* ubique hepatis fatum madidis intuendum deprædicat oculis, calideque eos omnes reprehendit, qui ejusdem visceris patrociniū fufcipiunt, videamus quo jure.

Tria funt rationum momenta, quibus folide urget. 1. Venæ lacteæ ad jecur non confluunt. 2. Rami venæ portæ non penetrant inteftinorum tunicas, adeo ut chylum in inteftinis exiftentem poffint exfugere. 3. Non obfervatur lacteus liquor fanguini aflociatus prædictis in venis, quemadmodum alibi comparuit; ad hepar igitur chylus non devenit, neque in eo viscere fanguis fit.

Prima ratio non videtur contemnenda; quandoquidem, etiamfi lactearum aliquæ extendantur verſus jecur, flectuntur tamen paulo poſt, & ad commune receptaculum ipſæ quoque feruntur, niſi lactearum loco lymphaticis decipiamur vafis: ſecunda patitur aliquam difficultatem, eo quod per ſolam anottoſomofin meſeraicarum venarum fieri fluxum fanguinis ſcimus; ſed hæc nil ſint: concedamus inſuper, chylum non miſceri cum earumdem venarum ſanguine, ut affirmat *Spic.* 1. qua neglecta objectione, multi ſola aſſerunt conjectura, lactearum aliquas meſeraicis conjungi venis, quod nequit autopſia demonſtrari.

Non placet ideo *Bartholini* conſequentia: *Ergo non in jecore, ſed in corde gignitur ſanguis; a pancreate enim exſugi chylum evidens eſt: hæret ſiquidem cum inteſtino duodeno, ut ſine lactearum concurſu ab eo magnam chyli portionem eliciat, ſpiranteque adhuc animali chylo copioſe perfuſum eſt pancreas, ex Veſlingio Syntagm. Anat. pag. 38.*

Ve-

Verum albicans humor, quem in pancreate observamus, gignendi sanguinis ergo non transit ad jecur; sed numerosis pancreatis glandulis dividitur a calidioris chyli portione, & ad duodenum remittitur, proportionata veluti materia pro generatione feri nutritii: creditur recrementum, quia peculiari Wirfungii ductu expurgatur, sicut per cholidochum bilis: at hæc licet excrementitia, eo tamen defertur, ubi perfici, & plerumque reperiri chylum noto notius est; cur ergo ad idem intestinum etiam utilis chyli portio non potest transmitti? Esse succum nutritium ignis experimentum comprobat, pluribus non est opus: calidior chyli pars gignendo sanguini idonea, & in pancreate à lactea feri materia separata leviter ad rubrum vergit; leviter inquam, non enim è cibus sanguis elicitor, ut credidit *Democritus*, sed substantialiter producitur, reiteratis viscerum concoctionibus, cordisque præcipue, ubi demum in laudabilem degenerat sanguinem, nutritioni peropportunum.

Rubescere in pancreate ostendit hujus substantia, levissima sanguinis tinctura infecta. Succus autem purpureus, sanguinique proximus per venam splenicam non subministratur lieni; neque per imaginarios lacteis similes poros; sed per ramos venæ propriæ, quam pancreas è trunco portæ consequitur, in hepar sollicitè derivatur; supervacanea itaque forent tendentia in jecur vasa lactifera, quoniam chylus sanguinis colorem non sortitur ab hepatis parenchymate, hoc cum albescat in embryone, aliisve in animantibus non modo album, sed
fla.

flavum, aut etiam viride conspiciatur, sanguine intra venas suas purpurascente.

Cruoris ad hepar transitum per ramos portæ in pancreate existentes, eorundem sectio confirmat, prodit enim sanguis crudus fibras adhuc non adeptus, proptereaque non concrefcit; desinat ergo *Bartholinus* a sanguificationis officio jecur excludere; & asserenti ignoscat *Riolano* thoracicorum invento sanguificationem jecoris minime fieri ambiguum.

Ascendens chyli pars per thoracicos ductus naturam feri acquirit in corde, ac mediante vena arteriosa delegatur ad pulmones, non ut cum sanguine exactissima succedat miscela, sicut credidit *Malpighius prima de pulmonibus Epistola*: frustra enim studuisset natura tanto cum labore exactissimæ miscelæ, nutritioni plane supervacaneæ, quia, sicut alba corporis membra sero, ita rubra sanguine redintegrantur.

Neque ut initietur a pulmonum respiratione circularis sanguinis motus, quemadmodum *Maurocordatus* literis prodidit *dissert. de motu, & usu pulm.* e cujus præmissis contra eundem conclusio colligitur; inquit enim, *Desidere fœtus pulmones, quia in utero matris aër embrionem non ambit, sed liquor circumfluit. Vult etiam per os nutriri infantem, qui materno sanguine non indiget, postquam absolute formatus est.*

Ergo tunc non movetur circulariter sanguis à motu pulmonum, nec ab impulsu materni sanguinis; nefas cum sit asserere sine ulla nutritionis necessitate, à matre in infantem sanguinem derivari.

Cor-

Cordis systole sanguis, & serum nutritium pelluntur in pulmones, ubi frigido inspirati aëris contactu defervent, & ab industriosa eorumdem structura subtiliantur convenienti acquisita temperie, ut in sinistro cordis ventriculo vitales extenuentur in spiritus. Circularis autem sanguinis motus primum cordis impulsu, secundario & vasorum conformatione perficitur, prout industrie *Neoterici* intento quasi digito demonstrarunt.

Accepto cordis regio nutriendi diplomate utrumque alimentum toti corpori per easdem dispensatur arterias, quoniam nulla pars reperitur sanguinea, quin etiam ex spermaticis non sit constituta; unde eadem arteriæ omnium partium nutritioni commode inservire possunt.

Vellem *Præclarissimos Glissonium, & Warthonum* serum sanguinis experiri, an possit esse spermaticorum alimentum, sicut multiplici edoctus usu ipse constanter assero, quod cum reperiatur in arteriis, & venis, non laborabunt amplius circa quintum vasorum genus, & nervos dispensare alimentum, defendere desinent, qua in re meritò, satisque nervose refelluntur à *Barthol. Spic. 1.* Hujus tamen sententia non debet admitti, in sanguine scilicet diversas dari partes, quæ totum corpus alere possunt; sanguis enim à sero etiam sejunctus mucaginem quidem continet: sed hæc non est pars sanguinis cruda; verum terrestris feri portio proxima fibrarum sanguinis materia, quod obiter dixit *Riolanus*. Partes vero diversæ, quas novit in sanguine *Stennis olim fides Bartholini Discipulus*, sunt quidem cum eodem confusæ, at ejus non constituunt essentiam;

parum itaque non militat hoc illorum argumentum: *Sanguis omnes partes nutrire nequit, quia multis est colore dissimilis*; sed ab eodem concedi mereatur, si de sanguine sincero (quemadmodum debet) intelligatur.

Placet propterea *Thomæ Willis* opinio de altero alibili humore, qui circulando una cum sanguine per singulas corporis partes distribuitur; verum summopere displicet, quod *Cartesiana* addictus *Philosophiæ* nervorum succo, non insitæ facultati formaliter nutritionem adscribat; in paralyfi enim (ut suo utar exemplo) dispensata alibili materia in debita copia, & crasi, sicut ex pulsu conjicitur, at succi nervosi culpa haud rite assimilata, deberet paralytica pars in tumorem attolli, secundum ipsius de tumoribus *Pathologiam*, non autem atrophica fieri; quare verifimilius opinor præ impedito animalium spirituum concursu nutritivam facultatem otiari, unde alimonix liberè excurrentis per arterias, & venas nulla facta attractione, cessat paralytici membri redintegratio, sensimque contabescit.

Serum impedire sanguinis concretionem multi arbitrantur; cur tamen, non liquet: imo extra vasa quia simili non pollet virtute, suspecta redditur eorumdem sententia: concedamus igitur *Antiquis*, propria etiam humiditate in orbem adjuvare sanguinis motum, ut facta simili attractione totum corpus debito alimento potiatur.

Verum attrahi solus sanguis non potest, neque simplex serum per transudationem, ab hiantibus vasorum orificiis; quia hæc duo in vasis reperiun-

L

tur

tur confusa ; extravasatur propterea massa sanguinis, serosa humiditate diluta, quæ non consumitur tota, secundum partem semper ab alendis discrepans: nam vel alliciunt spermatica è vasis alimentum, quo casu sanguis superfluus est ; vel sanguinea, pro quorum nutritione est inutile serum ; & ideo admirabili oeconomia spermaticis plures venas Natura concessit, ut exeuntem cum sero sanguinem, nunquam cessurum in spermaticorum substantiam, prompte resorbeant ; quocirca est maxima observatione dignum, sanguinem venularum in spermaticis existentium nigricare, sero utpote destitutum. Non implicat, inter arterias, atque venas manifestas dari anastomoses ; concedunt quandoquidem eruditiores *Anatomici*, diversis in partibus extravasatum sanguinem venas exfugere.

Dum sanguinea sibi sanguinem assimilant, ne pereat laudabile serum, glandulas hoc asservantes in artubus, jecinore, & ubicunque reperitur caro, Natura distribuit, de quomet sero cenfeo intelligendam *Cratonis* sententiam *lib. 2. epist. 2.* ubi narrans, *RUDOLPHUM AUGUSTISSIMUM IMPERATOREM II. vulnerasse sagitta Cervi tenerum, & lacteum cornu, quem post aliquot horas invenerunt extinctum* ; subdit ex mente *Hippocratis* : *Lacteum enim humorem istum germanum esse sanguinis.* Et fanè non sine reprehensionis formidine album sanguinem reperiri dicerem, nisi ab *Auctore lib. de gland.* ita erudirer: *Si vero glandulas disseces, largus erumpit specie albus* : at quod reperitur in glandulis serum est, nemine dissentiente ; istud ergo meretur albi sanguinis nomenclaturam.

A prædictis glandulis oriri lymphatica vasa, bovino in hepate ter, quaterve evidenter deprehendi, & in *Messis aureæ libello* contestem postmodum adinveni diligentissimum *Olaum Rudbeck*; hæc ipsa vasa secundum evidentem *Bartholini* doctrinam in *chyli receptaculum effundunt lympham* (velim tamen serum dixisset), ut recto ad cor tramite per thoracicas lacteas deducatur; quæ verò supra diaphragma ex artubus originem trahunt, in jugularem internam sine peculiari trunco, sed separatis propaginibus, lacteum succum evomunt; quibus omnibus confirmatur, quam late decipiantur *Glissonius*, *Warthonus*, & quicunque sustinent, nervos quoque distribuere alimentum: vasa enim, quæ lymphatica hodie dicuntur, recipiunt à glandulis, & glandulæ extravasatum ab arteriis serum recolligunt, ubicunque sola pars sanguinis rubra per assimilationem migrat in solida.

Continuo transitu vivifici nectaris membra omnia vertunt in sui substantiam, quod suum est, relictis descendens per aortam feri inutili humiditate, & sanguinis ichore, urinam constituentibus. Hæc percolata à renibus per uretera in vesicam detruditur, ut periodice irritata expultrice aperiatur hujus musculus, quem sphincterem *Anatomici* appellant, & inutile illius pondus permittat exire. Diversis modis urina aspicitur colorata, quoniam præter ægritudinum causas, de quibus hic sermo non est, ad sanguinis diversitatem immutatur serum & ichor, nec est semper æqualis utriusque humiditatis mensura, & ex majori unius vel alterius mixtione fit diversus urinæ color.

Expellitur interdum hæc ipsa humiditas vi caloris per poros cutis, majorem inferens debilitatem, quo fortius exilit, ob quas secum ducit alimentorum reliquias, sæpe sudoris cognoscendas odore. In diabete quoque extenuantur corpora, non propter vulgatam colliquationem, licet & hæc suboritur; verum quia feri, sanguinisque alibiles partes inutilibus permixtæ excernuntur, sicque partium solidarum sensim necessaria desciscit redintegratio: & si ambigeret aliquis, an humor lymphaticorum dici debeat sanguinis serum, non omittat aquosæ erniæ, ascitisque hydropis experiri liquorem, quem a lymphaticis provenire haud difficile *Bartholino*, aliisque concedet, & cum viderit beneficio caloris utrumque coagulari, & in concretum abire serum, ambiguitatem dubio procul deponet.

Nunc facile solvi possunt tam voluminosæ *Auctorum* quæstiones, num urina sit primæ, secundæ, aut tertiæ coctionis excrementum? Enim vero, vel est cruda a potu ferè illicò dejecta, & improprie nuncupatur urina, aut in fine meitur concoctionis: prima, superflua dici debet humiditas, celebrandis concoctionibus valde incommoda, & ideo à ventriculo suppeditatur ad lienem, aquæ scaturiginem appellatum *lib. 4. de morbis*: Quærit hic aliquis viam, ob diversam *Auctorum* sententiam? non admitto *Enrici Regii* opinionem, *lib. de fund. physices*, quoniam licet inter ligaturam, & ventriculum tumeat vas breve, non supra versus lienem: hoc minime ostendit chylum a ventriculo ad ipsum ferri lienem; sed est sanguis, qui circulaturus, si
liga-

ligatura impediatur, vas prædictum extendit. *Conringio*, etiamfi non compareant venæ lacteæ lienis parenchyma attingentes, fatis est conjectura. *Consentaneum* rationi existimat *Vesling. Syntagm. Anat. pag. 44.* *Lienem aqueum chylum ex accumbente sibi ventriculo allicere*; quæ sententia maxima nititur probabilitate; aliquam enim sanguificationem lieni non esse denegandam, suadent raritas visceris, vasorum amplitudo, & copia, sic annuentibus *Arateo 1. de caus. & sign. chronicor. morborum, Aphrodisæo 2. problem. sect. & cum Arist. jam citatis Neotericis.*

Breviorem adinvenit *Bartholinus* viam excernendæ urinæ maximè accommodatam, & est à glandulis mesenterii ad emulgentem dextram; sed hanc claudit prompta eorum lienis intumescencia, qui thermæles absorbent aquas, superius dicta confirmans: ita *Hipp. lib. 1. de morbis mulierum fol. 391.* *Nam quod in vesicam penetrat, per urinam ejicitur: reliquum verò splen capit, abstrahens a ventre ad se ipsum, ut qui rarus est, & spongiformis, & secundum ventrem situs.*

Quæ peracta coctione emittitur humiditas, verè dicitur urina, qui à separata post conversionem alibilium in substantiam aliti a vesicæ dejicitur expultrice; at hujusmodi divortium fit duntaxat in vasis, dici ergo debet ultimæ concoctionis excrementum. Massæ sanguinis per externas ascendentes arterias, carotides ab *Anatomicis* dictas, faciei musculis, externarumque capitis partium attrahentibus sanguinem, extravasatur simul multa feri quantitas, cujus collectioni dicatæ, fatisque

magnæ pone aures, reperiuntur glandulæ; à quibus per lymphatica vasa in cor ea feri portio traducitur, quæ nutritioni spermaticorum adhuc inservire potest; aquosior, salita, & excrementitia in humectandis musculis, atque tendinibus non plane consumpta peculiare per ductus, *Stetoni* diligentia detectos, ad os demandatur, & est urinæ materia, quam frequenter exspuimus, ac salivam vocamus.

Internarum jugularium quædam, meningem intexentes arteriæ cerebri molem ambiunt, aliæ plexus constituunt; illarum aquosum feri excrementum nuper inventis ductibus ad oculos dispensatur, & nares; harum vero a quamplurimis plecum glandulis recipitur, & mediante pineali, ac cerebri cavitatibus, ad jam dicta prolabitur emuntoria.

Seri nomine assimilatur urinæ in pericardio contentus humor ab *Auctore de Corde, Galeno, & aliis*; sed perperam serum illud dixerunt urinam, cum sit perfecta feri portio; quam refrigerare, & humectare cor, ne continuo motu arefcat, passim docemur; hanc ideo opinionem *Hofmannus* impugnat *lib. 3. de thor. c. 19. Calorem secundum naturam non debet natura destruere; imo cum omnis actionum vigor proveniat à cordis vigore, aquam pericardii caloris stimulum vocat, adducto Fabri ferrarii exemplo*; sed in hoc *Hofmannus* non videtur propius ad veritatem collimasse; quoniam aquea pericardii humiditas non reperitur in viventibus actu frigida; quare senior factus quasi se corrigens *lib. 11. suarum Instit. cap. 53. pugnare contra siccitatem, concedit, quæ*
ad

ad senectutem, mortemque deducit. Negant alii humectare propter falsedinem; verum actuale humectationem non tollit falsedo, ob id tamen (mea quidem sententia) minimè humectat, quoniam cor, vivifici nectaris fons, humectatione non indiget.

Vander Lind. usum affert peculiarem, ex *Hippocrate* desumptum, humectandi scilicet: *At pingui humore, ne cordis membrana effervescente sanguine inflammantur*: sed utinam huic destinaretur usui! difficilius enim nos corripere febris, quam vocitamus malignam, quippe cujus essentia solidorum gliscit inflammatione: minus capio, quomodo pingua inflammationi resistent, suapte natura facile inflammabilia. Cogor itaque in primam ire sententiam, quia deficiente prædicta humiditate ignescit calor innatus, oriturque tabes: fictitio igitur fundamento nititur *Arvei* doctrina, asserentis, aëris attractione accendi cordis calorem, ut de foetus respiratione fusius dicetur.

Huic similis humor intra amniam foetus membranam materno reperitur in utero, quem dicimus foetum sustentare, & ab injuriis membranarum defendere, ac partus tempore muliebria humectare, ut infans minori matris incommodo exire possit in lucem; sed nobiliorem usum assignant *Neoterici*, nutriendi scilicet, & propterea in infantium ventriculis solet adinveniri: unde *Arveus de gener. animal. exercit. LXX.* *In foetus ventriculo materia aquea reperitur; sed turbidior paulo, minusve transparens, quale lac est, cum primum pregnantibus mulieribus circa quartum mensem è papillis emulgetur; vel sero*

albidius ; in intestinis superioribus chylus ex eadem materia cocta abundat. Idem confirmat Bartholinus lib. de vas. thor. In corio membrana liquor flavescens , urinæ haud absimilis , in amnio candidior : ipsi catelli aquæ huic innatabant ore aperto , & linguis non nil ex-
ertis. In ventriculo catellorum humor illi similis , qui in amnio concludebatur. Et Olaus Rüdbeck Observ. 9. Dissectis omnibus Catti fœtibus persimilem in ore , æsophago , & ventriculo conspexi mucilaginem , & visciditatem illi , quæ inter corpus , & amnium erat , tam quoad consistentiam , quam quoad colorem , sed vero in tenuioribus intestinis crassior , magisque viscosa mucilago ista fuit , quanto crassis intestinis appropinquabat &c.

Recte igitur docet Hippocrates lib. de Carnibus : Caterum puer in utero comprimens labra , ex utero matris fugit. Et Gal. de format. fœtus cap. 15. Nemo objiciat ideo fœtum ore ali non posse , quia amnium membranam sibi oppositam habet. Natura enim idonea est , quæ per foramina facultatem , viamque ad id , quod convenit , aptam præbeat. His forte persuasus auctoritatibus Licetus lib. de ortu animæ cap. 44. ait : Et si primis quadraginta diebus a conceptione fœtus humanus veluti massa carnis indistincta , & informis non possit , nisi per venas more partium similarium , sibi alimentum trahere , ac nutriri per tertiam tantummodo coctionem , dum tamen procedente tempore in ipso jam grandiore membrana , & organa omnia humanæ naturæ necessaria efformata fuerint , atque ideo tum uberiori , tum elaborato magis refrigerio , & alimento ipsi opus fuerit , quam id sit , quod per umbilicum trahit , rationi consentaneum videtur , fœtum per os etiam sibi , & spi-

ritum, & pabulum attrahere, atque tunc primam coctionem obire, ne dum secundam, & tertiam.

Improprie a *Liceto* dicitur foetus, quando per os incipit sibi asciscere alimentum: dum enim organa observantur distincta, puer, aut infans debet appellari, sic ex mente *Hippocratis Galenus* concludit *lib. de formatione foetus. cap. 3.*

Perperam *Democritus*, & *Epicurus* per os tantum nutriri foetum dixere, quos optimo quidem jure refellit *Arist.* imo & ipse sensus: nam si primis gestationis mensibus os efformatum non est, nequit nutritioni inservire. Doctrinae *Liceti* alioquin doctissimi acquiescendum non est, per os scilicet, & umbilici vasa ali eodem tempore foetum; quando enim incipit ore fugere, non amplius per abdomen nutritur, neque umbilicalia vasa nutriendo foetui sunt destinata, quemadmodum uberius infra ostendetur.

Interim genitura existens in utero semper attrahit, prout vires habet, ut ex descendente à matre sanguine incrementum foetus capiat. *Polybius loc. cit.* Constitutionis excrementum alimentum est. *Arist. 2. de gener. animal. 4.* Facta igitur ipsius foetus perfecta organizatione cum cesset per abdomen attractio, aboletur per eandem partem nutritio.

Optime propterea non recens, sed antiquius, & primordiale alimentum per abdomen umbilicus exclamitat *D. Senex lib. de alimento*, confirmatur *lib. de natura pueri, & de octimestri partu.* Post tertium mensem, distinctisque membris fieri per os nutritionem certo certius est, ultimisque gestationis mensibus prima concoctio fit; quia eo tempore spermatica valde

augentur, & ideo plus alimenti requiritur, quam possit per abdomen suppeditari; serique materia prima generatur coctione, & hæc in ventriculo, tenuibusque celebratur intestinis, dum per os proportionatum assumitur alimentum.

Tale autem debet esse serum à placenta non nil elaboratum, antequam in amnii cavitationem exstillet, hoc est, sanguine separatum, ut videntur cohortari vasa longo eorum ductu plures veluti varices, implicationes, & errores, instar ramorum hæderæ, & capreolorum vitis facientia, & venæ ad uterum exproductæ, amplæ, & latæ, eo potissimum tempore, quo perfecti continentur in utero foetus, quando scilicet sanguis non amplius assumitur pro generatione, & nutritione sanguineorum, sed in rara uteri substantia, venisque propterea factis majoribus remoratur; unde meritò scripsit *Galenus* 1. in 7. *Epidem. com.* 2. *Inter omnes corporis partes, plurimas, grandissimasque venas uteri habent; quæ fiunt semper latiores, donec mulier pariat, quia majorem servant sanguinis quantitatem, & hæc puerperii tempore lochiorum nomine profluit; non fit tamen mera separatio feri, sed in placentæ spongiformi substantia arbitror quodammodo perfici, lactique similem contrahere naturam, propter quam inquit Polybius lib. de natura pueri: Ubi pervenit in uteròs de lacte, puer ipso paululum fruitur. Neque obijciat aliquis serum in renibus a sanguine separari; quandoquidem excrementitia feri portio utique separatur in renibus, alimentitia autem, & quæ a*
re-

recentioribus dicitur butirosa, ad usum Infantis segregatur, atque in placenta perficitur; unde quod de sanguine prodidit *Arantius lib. de hum. fœtu pag. 19.* de sero nutritio verificatur. At amnii spissior tantum humiditas, & ovi colliquamento similis, per os deglutita in fœtus assumitur nutritionem; ferofior, non ideo falsa, ne tenellum adhuc fœtum læderet, eundem quoquo versus circumfluit, suaque frigiditate respirationis vices adimplet.

Morosa primo intuitu videbitur hæc opinio; sed latius examinata non erit incongrua: ore, aut naribus non respirat fœtus, annuentibus fere omnibus Medicis: at per umbilicum respirare vulgatum est; ratione tamen, sensuque caret. Deficit primo ratio, quoniam umbilici vasa quatuor sunt, duæ arteriæ, vena unica, & uracus: imperforatus uracus vesicam sustentat, & ab officio suspensorium nominari video; arteriæ binæ à tertio mense usque ad nonum (quando scilicet non amplius ab arteriis matris exstillat sanguis, & serum pro fœtus organizatione, & nutritione, sed præparatur istud in placenta, retento sanguine intra uteri substantiam, à quo crassior semper fit), membranis fœtum obvolvuntibus, alimentum dispensant; & quod superfluum est, ad hepar vena reducit; prædictorum vasorum ortus, distributio, & ligatura nuper dicta demonstrant evidentissime.

Caret, inquam, sensu; nam in *sectione Cæsarea fœtus horis complusculis post matris obitum eximitur; vitalis tamen reperitur, & intra secundinas sepultus aëris nil indigus, Arv. de gen. anim.* non fruitur er-

go matris respiratione; sed adhæsu frigida humiditatis piscium more in utero matris foetus gaudet refrigerio. Nec dehortatur, quod, aëre ubi semel gavifus fuerit (etiam in easdem secundinas repositus), illico ob hujus carentiam suffocetur, ut usu didicit *idem Arveus*.

Nam in operibus suis natura non est retrograda, sed attracto semel aëre plus refrigerii experitur foetus, quam intra secundinas detentus, cui ergo mirum, si, imminuta respiratione, suffocari tandem cogatur?

Placenta uteri mammarum fungitur officio; & ideo postquam constitutus est foetus, & membris suis instructus, ac copiosiori indiget alimento, solummodo oboritur, nec in abortibus triginta, aut quadraginta dierum adinvenitur. *vander Lind. Med. physiol. art. 19. §. 171.* & perfecto jam foetu generari prius dixit *Arveus*. Lactis nomine materiam ei similem, ut innui supra, *Polybius* intelligit. Formaliter enim lac in solis mammarum glandulis perfici potest. *Auct. lib. de gland. & Galenus de usu Theriac. ad Pisonem.*

Cujus materiam esse sanguinem ratum faciunt *Auctor. lib. de struct. hom. Polybius de natur. puer. Arist. 5. de gener. animal. & Galenus de usu partium.*

Dantur tamen alterius sententiæ *Auctores*, opinantes, lac e chylo immediate produci, diversisque rationibus idem confirmat *Martianus*, quas non infirme refutat *Eudemii* nomine *Nardius noctegenial. 6.* At 2. *Epidem. lib.* videtur ejusdem opinionis *Hippocrates*, ubi monet: *A cibis, & potibus mammas inflari; & primo de morbis scribit: dulcissimus enim humor*

mor ex cibis, & potibus ad mammas vertitur, ac exsurgitur; quibus in locis, voluisse Hippocratem è chylò immediatè lac generari, non pauci sunt persuasi; & sequutus Hippocratem præclarissimus Franciscus Maria Florentinius lib. de genuino puerorum lacte, demonstrare contendit, chylum, per thoracicos ductus conscendentem, in lac commutari, lactisque usus assignat etiam in viris; at quia evidens est, chylum ipsum dextrum cordis ingredi sinum; suspecta redditur ejusdem doctrina, præsertim quia nos docet Auctor lib. de gland. Non in Viris, sed in Mulieribus lac fieri; neque contrarium hortatur, quæ è virorum, puerorumque papillis exprimitur humiditas; lac enim non est, licet ob indigentiam, si deglutiatur, valeat imperfecte nutrire; nec aliud Medicorum monumentis docemur, sicut obefiores ad vivum confirmant, quibus conceditur ob redundantiam feri lactescere.

Urget brutorum lac menstruas purgationes non habentium, & Castrensis in Microcosmi Meteoris referens, fœcundissimam se novisse matronam, quæ nunquam fuit menstruata: aliamque huic similem cognovit Petrus Franciscus Frygius, cujus meminit in com. Epidem. Idem refert Schenckius in observat. suis.

Sed hæc non evincunt, è chylò lac generari rectè ad mammas transmissò; quoniam via hætenus non comparuit: supervacaneum insuper foret è chylò conficere sanguinem, ut transmutaretur in lac, quod est chylò persimile; accedit sanguinem nullo modo dealbari remanente humoris natura, ut alibi tetigi.

Pro-

Propterea existimo, materiam lactis neque chylum, neque sanguinem esse: non sanguinem, ob proxime adductas rationes; neque chylum, quia cor ingressus, ibique non nil excoctus chyli nomen, atque naturam amittit, & procedens è mammis sanguis post suctionem immodicam, omnino chylum excludit.

Lac divisit in duas partes *Warthonus, lib. alias cit.* chylosam, & spermaticam; primam concedit per arterias thoracis ad mammas transmitti, in quibus segregatam prius à sanguine per venas mammarias in corpus putat reduci; spermaticam vero alteram lac ipsum esse, & ad usum Infantis in mammarum porositatibus asservari, eoque per nervos ferri; hanc *sui Collegæ* opinionem repetit *Charletonus*, addendo *chylosam lactis partem spermatica esse multo majorem, & in mammarum glandulis mere separari.* At non video, cur postmodum dixerit: *Infantes alimento spermatico, propter continuam eorum augmentationem, quam maxime opus habere; cum ergo lacte è mammis exsucto nutriantur, necesse est, ut lac illud idoneam in se contineat materiam, quæ in partium spermaticarum alimoniam facile cedat: quam partem lactis, ut multo nobiliores, ita è nervis quoque, quorum succo simillima existit, in mammas derivari necesse est.*

Nam si pueri plurimo indigent alimento spermatico, lubens scirem, cur chylosam spermatica multo majorem natura moliatur. Corpori alimentum non dispensant nervi, nec lactis materiam continent, sed in mammarum substantiam divisi ad papillas terminantur, ut hæc exquisiti sint sensus, &

pue-

puerorum suc̃tu uberiùs lac confluat, dulcique delectentur titillatione, ac intensiori amore nutrices prosequantur infantes. *Vesling. loc. cit.* Et si lactationis tempore multo majores deprehenderentur nervi, quod non ita facile, sicut de venis, & arteriis est concedendum, proveniret hoc propter continuum suctionis sensum, copiosiores spiritus prolificentem.

Quare rara cum sit mammarum substantia, & insignem arteriarum, venarumque in se plexum contineat, hujus opera distingui serum a sanguine, & mammarum substantiæ assimilatum lac fieri, facilius mihi suadeo: nigricans enim mammillarium venarum sanguis in lactantium mammis retineri serum ostendit, cujus materiam gignendo lacti fore peropportunam negabit nemo: lac ipsum quin imò a summa perfectione deflectens serum est. Turgent præterea in lactantibus mammarum venæ, & arteriæ, hæ quia multum feri devehunt, illæ vero majorem ob sanguinis copiam, quam sine sero reducant in cor.

Deficiunt plerumque lactantibus menstrua, quoniam ob majorem feri alibilis consumptionem, minor chyli quantitas abit in sanguinem, non autem quia lactis materia sint. Neque implicat in non habentibus menstrua lac fieri, cum ad hujus productionem satis sit sanguinis serum; hoc quin etiam ostendit, menstruum sanguinem non esse lactis materiam. Chylus brevissimo per cor transitu semel excoctus, serum fit, & ad mammas (si pueri oppido exfugant) fere statim attrahitur, ob idque in-

gestorum odorem lac retinet, & à cibis, potibusve inflantur mammæ.

Prodit quandoque ingentem propter suctionem è mammarum tubulis sanguis, quoniam intempestive elicitur serum, & priusquam possit integre à sanguine separari.

Modo intelligo, quare lac heceticis debeatur, & quo serosius, eo si utilius, proptereaque asininum cuicunque *Galenus* præmittit, 10. *meth. cap. 11.* non quia frigidius, ut placuit *Manardo lib. 16. epistola 5.* hac enim de causa foret convenientior aqua, sed quoniam in heceticis consumuntur partes spermaticæ, quas serum, earum veluti nutrimentum, restaurat.

At quæret hic aliquis juxta illud *Arist. 5. de gener. animal. cap. 8.* Eadem est materia, quæ alit, & ex qua generationem natura constituit, num, si sero sanguinis aluntur spermatica, generentur ex sero; cui quæsito etiam si breviter responderi possit affirmative, attamen, quia videtur captu difficile, quod aqua sanguini supernatans, & in excrementorum serie hæctenus sapientum calculo reposita, à Supremo Conditore destinata fuerit præstantissimo generationis muneri obeundo, liceat paululum spatari.

Perpendens omnium partium generationem *Galenus 1. de sem. cap. 11.* Quæ carneam, ait, præ se ferunt speciem, ex sanguine constiterunt, quæ membranæ sunt, e semine fuerunt producta: & in fine capituli subdit: Unde sane deviciari etiam hominem convenit, qui cum 1. de gener. animal. iis verbis, quibus de seminis substantia Veteribus contradicit, demonstrare conatur: ex eo unumquodque membrum effici, inferius

ab eo, non ex eo gigni affirmat; minime tamen sibi contradicit Aristoteles: quum enim fieri ait omne membrum è semine, materiam respicit, menstrua scilicet, quæ per Aristotelem semen sunt, licet non purum; 2. de gener. animal. c. 3. quando vero inquit ab eo, activum contemplatur principium, feminisque virtutem, quæ auctrix est generationis, non ipsius corpulentiam; diversa ergo considerans, modo è semine, modo dixit à semine.

Gratis etiam reprehenditur *cap. 13. ubi Galenus ostendit, ad feminis generationem non esse inutiles testes; quandoquidem concedit etiam Aristoteles in testiculis spumescere semen, & spumam de essentia foecundi feminis esse: cæterum concordantes sunt hi præstantissimi Coriphei, in vasis nuncupatis capreolis generari serum; & ex hoc semen ipsum produci. Habet enim Philosophus 3. de hist. animal. c. 1. Meatus duo venales ad capita testium de vena aorta (quam hodie nuncupamus arteriam) pertendunt, & alii totidem à renibus eò deveniunt; sed hi sanguinolenti, illi, quos mittit aorta, ex sanguine sunt; & paulò infra: Humorem adhuc sanguineum continet is, qui residet, sed minus quàm illi superiores. At verò qui reversi cervicem subeunt genitalis, humorem jam habent candicantem. Galenus quoque ait 1. de sem. cap. 12. in his verò capreolis & anfractibus albescere paulatim sanguinem videre licet. Significans per albescere, converti primo in serum, mox & in semen, quod manifestius docet lib. adversus Lycum cap. 7. Sic etiam semen modo serosa humiditate, ac spiritu, qui in ea est, constat: vult ergo Galenus non solum in iis ductibus initiari semen, sed in hoc sanguinem converti*

M

affir-

affirmat, ita videtur velle *Arist. 1. de gener. animal. 19. & Auctor de struct. hom.* desumpto ex eorum observationibus fundamento, quorum semen, si liberalius, quam par sit, ejaculetur, cruentum conspicitur.

Ob id tamen non arbitror ad feminis productionem debere albescere sanguinem; hoc enim fieret a vasorum structura, vel ab eorum temperamento; at utrumque & alibi reperitur, nec ibi propterea gignitur semen; debuisset insuper *Galenus* vias assignare, per quas in testibus genitum nutritionis ergo posset ad spermatica membra distribui, sicut contra Antiquos videtur concludere: *lib. cit. cap. 12.* vera enim nutritio qualitatis non fit irradiatione, sed corporea moles requiritur; per insensiles meatus moveri nequit crassa lentaque feminis materia, quam venæ pyramidalium non conducunt in cor, revehendo sanguini a fero prius separato veluti destinatae, in quarum cavitate ideo nigricans sine ferro cernitur sanguis: neque a feminis exsuperantia suis aucta in valis, coitu non evacuata, aut a natura minime expulsa malorum proveniret Illiades, ut testantur passim *Auctores, Duce Galeno 6. loc. affect.* eaque enumerat *Haly Abbas 5. suæ Theor.* si continuo semen in spermaticorum consumeretur nutritionem: verior itaque est *Aristotelis* doctrina asserentis, omne membrum e menstruo sanguine generari, si menstrui nomine etiam ferum comprehendit, de quo non verificabitur *Galen*i contradictio, *1. de sem. cap. 5. Quod e sanguine ipso perinde, ac carnes non efficiantur* (loquitur de spermaticis) *perspicuum est; non enim est albus, neque lentus, neque est adeo*
cras-

crassus sanguinis succus, ut si & intendatur, & fistula in modum perforetur, possit in sua continuitate perseverare. Imo serum sanguinis est album, crassescit vi caloris, majoremque tenacitatem contrahit, donec osseam acquirat naturam.

Pyramidalia vasa, sic nuncupata, quoniam ex angusto principio in latiore veluti basin sese explicant, multiplici plexu impediuntur, non ut in ipsis diutius immoretur sanguis, & majori elaboratione candidam consequatur naturam; hæc enim vasa sunt omni parenchymate destituta, unde ulteriori coctioni minime inserviunt, sed adeo multiplici angustantur amplexu, ut fecernant a sanguine serum: certum enim est, per angustas vias magis tenue solum commeari, quodcunque sanguine tenuius est serum, istud ergo vasa ipsa angustissima solummodo potest ingredi, & ideo vena, atque arteria descendentes medio itinere anastomosibus junguntur, & subtus intra meatus aquea observatur humiditas, quæ temporis progressu a calore melius concocta inspissatur, feminisque naturam acquirit: *In ipsis quin imo testibus semen etiamnum tenue apparet, ac in cadavere morbis, inediaque non exhausto, lacti aquoso simillimum, sic attestante Veslingio Syntagm. Anat.* Quid autem sit aquosum lac, nulli non est manifestum: summa igitur cum ratione, quæ ab emulgentibus ad testes elongantur venæ, apparent sanguinolentæ, quippe quæ sanguinem alliciunt, eumque, relicto sero, adducunt in cor, & arteriæ, quas ad testes mittit aorta, exsanguis visuntur, quia simplex serum necessariam feminis materiam continet.

Dices in aliquibus post liberaliorem Veneris u-

sum cruentum prodire semen? Hoc prædictæ favet opinioni; nam dum immodice ejaculatur semen, cogitur non modo subrogari incoctum, sed & serum nondum a sanguine separatum, proptereaque sanguinolentum, quod verum semen appellari non potest; istud enim est crassum, & album, ut observavit quoque *Aristoteles*, nosque docet 2. *de gener. animal. cap. 2.* verum si refrigeretur, *humidum ad aquæ speciem redit*, ex *Arist. ipso* & me consule in serum revertitur: nulla cum sit assignabilis differentia inter refrigeratum semen, & seclusum sanguinis serum.

Concludendum igitur, in capreolis serum a sanguine disjungi, in testibus perfici, ubi serum reperiri concedit etiam *Spigelius lib. 8. de hum. corpor. fabrica fol. 275.* imo testium substantiam glandulosam appellat, ut scilicet serositates attrahat, spumescit in Epididymidibus, tandemque ad generis perennitatem in parastatis asservatur.

At quoniam non desunt, qui male cum *Galeno*, quam bene cum *Recentioribus* sentire malunt, eaque solum admittunt, quæ in *Galeni* reperiuntur operibus: videamus quid is habeat 1. *de sem. cap. 16.* Si vero quis assiduus coitibus semen totum evacuaverit, paulo post: atque hoc modo accidet, ut iis ex occasionibus omnes animalis partes tam seroso humore, quam vitali etiam spiritu priventur; si quidem hic quoque ex arteriis una cum genitali humiditate excernitur. En igitur serosam omnium arteriarum humiditatem genitalem dici a *Galeno*: unde minus scrupulose ipsius *Affectæ* exarata supra, verioremq; feminis doctrinam possunt admittere.

Ex abdita materiæ feminis cognitione ortum duxit

xit ingens *Galenus* in *Aristotelem* de foemineo semine controversia. Defendit ille loc. cit. muliebri semen ad foetus generationem active concurrere; contrarium iste substat. 1. de gener. anim. 20. Uterque sequaces acervatim obtinuit; sed quia *Galenus* nervose *Cremoninus* oppugnat, lib. de sem. cui pulcherrimis rationibus adstipulatur *Scaliger*, ipseque sensus suffragatur; multæ cum sint mulieres, quæ sine ulla effusione seminis concepere; *Stagirita* opinio creditur applausibilior; a veritate tamen recedit etiam *Aristoteles*, cum inquit loc. cit. *Foemina semen non confert, & ille, qui in coitu cum voluptate effunditur, non seminalis est humor, sed loci proprius*: prodit quandoquidem genitalis mulierum humiditas immediate a vesiculis seminalibus, dein a testibus, ac tandem ab arteriis modo eodem, ac in viris; & ideo si mulieres facile delectentur in coitu, sicuti biliosæ, & sanguineæ *Arist.* testim. debilitantur & ipsæ, earumque oculi emaciantur, imminuti alimenti indubitabile testimonium; neque adversatur testium structura, quam videmus in foeminis: infoecundum enim ipsarum semen non indigebat pinguiori testium substantia.

Prædicta humiditate dilatari ac roborari uterum, putat *Cremoninus*, ne disrumpatur foetus incremento, & omnino ne patiatur debilitatus in toto tempore prægnationis.

Sed hæc opinio sola speculatione suffulta, sensui videtur opposita: nam quæ a foeminis emittitur humiditas, uterum non ingreditur, observante *Arceo*. Et substantia uteri nervis constat membranis, ut commode dilatetur, non est propterea inutilis,

sicut maximo naturæ præjudicio multi arbitrantur; sed usum habet insignem, qualis autem is sit, jam jam dicetur.

Virili de femine major insurgit difficultas; prævaluit enim *Medicorum* doctrina ex eodem spermatica generari, etiamsi *Philosophus lib. 2.* in flatus evanescere ostenderit, forasque regredi: ast ex *Arvei* observationibus suum coguntur fateri errorem; quandoquidem dissectis illico post coitum multorum animalium uteris, nunquam retenti feminis quicquam potuit adinvenire, cujus defectu evictus pronunciavit libere, conceptum in utero per contagium & immaterialiter fieri. Miror hic, tam solertem naturæ exploratorem in adeo absurdam irrepsisse sententiam, eoque magis demiror, quia vaccæ, equæ, & asinæ, ni verberibus statim a coitu tractentur, ut semen retineant, *Arist. 2. de hist. anim. c. 23.* non concipiunt, quod usu multiplici etiam *Rustici* didicere: necessaria est igitur corpulentia feminis. Quomodo autem sequatur ex femine conceptus, facilis non est cognitionis, nec ipse meliora me dicturum spondeo; sed quæ mihi videntur probabilia aliis pensanda trado.

Fit semen foecundum, ut hinc exordiar, in medullari testium substantia, cerebro non absimili, dum eandem artificiose, lenteque pervadit, quo transitu e feminis materia necessarij ad generationem spiritus elaborantur. Non comprehendo enim, quomodo animales spiritus, in cerebro geniti, ipso cum femine possint remisceri, ut id prolificum reddant: neque arrisit mihi unquam decan-

tata

tata nonnullorum opinio, majore scilicet ex parte secedere a cerebro semen, licet ex *Hippocratis* doctrina videatur desumpta: quandoquidem non constat, quibus vasis adeo confertim deferatur ad testes; per arterias id fieri non potest, ob contrarium, | continuumque sanguinis motum a corde tendentis in caput, neque per venas reducentes sanguinem in cor, alioquin deberet semen una cum spiritibus animalibus primo cor ingredi, quo loci intensioris caloris vi destruerentur ipsi spiritus, qui eatenus generantur, quatenus quodammodo refrigerantur, & cerebro simile temperamentum acquirunt, quod unico per cor transitu immutaretur omnino; per nervos e paris sinistri interno ramo, aut a spinali medulla fortientes non transmittuntur, nisi ad sensum, & motum, quippe non terminantur nervi in testium substantiam, neque cum vasis feminalibus commercium habent; separatum igitur in capreolis sanguinis serum substantiæ testium assimilatur, spirituumque adipiscitur temperiem, ac foecundatur.

Non admittunt *Philosophorum Doctiores* dari spiritus animales, ostendentes solis vitalibus sensum, motumque fieri, quibus negandum non est, imperfecte vitalibus etiam utrumque exerceri, ita attestante experientia, dum ululat infans, & materno reclusus se movet in utero, quo tempore animales spiritus non generantur, & præter digna *Arveï* experimenta, in exerc. de gener. animal. *Galenus* quoque concedit, lib. de format. fœtus. Cor multo tempore ante cerebrum gigni. Sed statim genitum sentit, atque movetur; vi ergo propria, non au-

tem a cerebro mutuata.

In perfectioribus tamen animantium actionibus, e quarum numero est generatio viventis, imo censeretur debet præstantissima, necessarii sunt spiritus animales, & propterea vitiato cerebro læduntur actiones principes; & si morbo aliquo detineantur testes, infoecundum evadit animal. Nolo tamen hic cum *Philosophis* disputare, an per substantialem transmutationem, vel sola alteratione hi spiritus producantur: cum mihi sufficiat, per necessariam mutationem (quæcunque ipsa sit) in cerebro, testibusque acquirere, sicut harum partium substantia, permultis contexta vasis, fidem facit indubitabilem.

Fœcundatum virile semen, & ad speciei conservationem idoneum, debet ejaculari, tempusque coeundi opportunius, ut sequatur conceptus, ex *Hippocrate*, & *Recentioribus*, quod concedit quoque *Arist.* 1. de gener. animal. est desinentibus mensibus, aut jam finitis, quia exsiccati tunc uteri trahunt; sed falluntur, quicumque existimant, intra cavitatem matricis semen attrahi; prodit siquidem menstruum e vasis uteri, non a cavitate, & si ob exsiccationem vasorum attractio fit, exsugi semen masculi a vasis uteri, locumque expurgati jam menstrui debet occupare, a quo descendens sensim ad uterum menstruum fœcundatur, ac ab arteriis tandem funditur, ad cujus amplexum constringitur statim uterus, ejusve tepore, veluti Gallinæ fotu, impressa menstruo seminalis virtus excitatur ad opus, & ex fero menstrui sanguinis spermatica, ex rubra ejusdem parte sanguinea membra delineat,

codem prorsus modo, quo pullus generatur in ovo, non e solo vitello, ut docuit *Antiquissimus Auctor lib. de natur. puer.* nec tantum ex albumine, prout dictavit *Arist. 3. de gener. animal.* verum ex utroque, & propterea vasa in albumen pariter, ac vitellum sparguntur, non vero ut successive utroque alatur liquore, sicut colligitur ex *Arveo*, & *Aliis*. Apparent in colliquamento primum vascula, quia spermatica, saltem quædam, ante sanguinea effinguntur; sed non est concedendum cruentum, saliensque punctum ex eodem gigni colliquamento, qua in re aberrat certe *Arvens*: a fibrosis enim cavæ propaginibus ad utramque tunicam ambientem vitellum, & album minutissime distributis, calidior, magisque perfecta vitelli portio assumitur, unde purpurefata exoritur linea. Movetur spirituosior vitelli pars, non a se, uti animata; viventia alioquin nutrirentur viventibus, quod penes omnes est absurdum: verum in bulla, ceu vesicula, adsunt cordis fibræ, & hæ se constringunt, licet a sanguine occultentur, illarumque motus huic videatur inesse.

Concipere posse sine delectatione mulieres, non refragor; at quæ in Venereo congressu voluptatem experiuntur, gravidæ facilius remanent: opinor propterea datum esse mulieribus semen, ut in delectabili ipsius effusione præ lætitia, & gaudio promptius aperirentur uteri vasa, & maris semen ex fugerent; ideoque in concipientibus non reperitur post coitum intra uteri cavitatem semen. Evadit hoc manifestius ex galli coitu, cujus semen non ingredi uterum testatur *Aquapendens*, & ad-

mittit *Arveus loc. præal.* sed coitus tempore aperiri vulvæ foramina, observavit idem *Arveus*, eaque intrat Galli semen, quo serum, & gallinæ sanguis non modo foecundantur; sed quia ex utraque materia generantur, & crescunt ova, quatenus colligitur intra ovarii papillas; hinc genita dum augentur, & quæ per aliquod tempus gignuntur, prolifica evadunt; & quemadmodum ex diversis ovi liquoribus varia pulli membra formantur, ita virtus admiranda feminis totum ex menstruo sanguine perficit animal: quod jamdudum expressit *Arist. 2. de gener. animal. 2. Fœmina ad instituendum animal semper materiam præbet, mas vim creandi, hanc eorum utrique facultatem tribuimus*; quapropter materiale principium, quia sensim subministratur, incongruum est asserere, spermatica omnia simul tempore produci, ut *Arantius, & Alii.*

Suspecta redditur *Galen*i sententia de natorum similitudine, dominio unius, vel alterius adscripta feminis; cum foemineum nullo modo ingredia-
tur foetus compositionem; quare ad solidiorem, *Aristotelis* doctrinam est confugiendum, qui *lib. 4. de gener. animal. cap. 3.* refutatis *Democriti, Empedoclis, Aliorumque* sententiis tria monet; primum: motus alios potentia, alios inesse actu; secundum: degenerare in oppositum, quod superatur; tertium: transire in motum proximum id, quod solvitur, & si minus solvitur, in propinquum, si magis, in remotiorem discedere, demumque ita confundi, ut nemini suorum similes prodeant, ut homo sit, cujus rei causa est quod commune particularia consequitur omnia.

Et porro cum nequeant explicare, qui substinent
prout

prout plus, minusve a mare, aut fœmina secedit, marem, vel fœminam generari, cur fœmina patri, mas similis matri reddatur, quoniam simul plus de utroque venire impossibile est, curve similes majoribus suis magna ex parte remotisque generentur, cum nil seminis ab illis secesserint. Arridet magis hæc Peripati, & Sectatorum doctrina.

Hic altius extolluntur laudabilis feri dotes. Si oculorum enim contemplemur artificium, in supremam nos trahet Creatoris admirationem, ac inter sensus naturæ nobilitate, virium præstantia, actionumque dignitate visum principem obtinere locum fatebimur, quem admirabili industria, & beneficio crySTALLINI humoris celebrari scimus; sed præcipuum hoc visus instrumentum, e qua producatur materia, manifestum non est; nam *Sanguis siccus, solidusque transparens non fit*, ut optime monet *vander Lind. med. physiol.* Probabiliori causæ patrocinantur, quicunque e pellucida feminis parte defendunt oriri, inter quos erudite *Vesling. Syntagm. Anat.* Verum si Magistri respectui est præmittendus veritatis amor, exemplo *Aristotelis*, & hæc opinio videtur ambigua, tum quia spermatica non generantur e femine, quod supra pluribus demonstratum est; tum propter densam fœcundi feminis substantiam, quæ calore, quamquam mitissimo, nunquam fieri potest splendidior; nec possum satis imaginari, quomodo lucidior feminis pars illico separetur abitura in crySTALLINUM humorem, qui post conformationem cæterarum fere omnium spermaticarum partium, perspicuitate, atque splendore redditur spectatissimus; lucique propterea ferro oculi operiantur, de quibus *Arist. 2. de gener. anim.*

anim. cap. 4. Ultimi vero omnium partium perficiuntur.

E cerebri substantia progigni oculorum humores credidit Galenus, sicut videmus *lib. 7. de Hipp. & Plat. decretis cap. 5.* Jam vero oculum etiam ipsum non parum cerebri substantiam trahere, manifeste ex dissectione cognoscas: invenies enim sub tunicis intus duos orbiculares humores, alterum mollem, perinde ac vitreum modice solutum, ac fusum, alterum ita durum, ut mediocriter concretam glaciem imitetur. Unde à Medicis molliusculus vitreus, duriusculus glacialis, ille ex vitri, hic ex glaciei similitudine nuncupatur. Verum fundi secundum naturæ leges substantiam cerebri medullarem, ut ex ea generentur prædicti oculorum humores, non videtur possibile; inauditum enim est, naturam partem solidam efformare, eamque postmodum in aliarum generationem fundere.

Vero maxime consentit, materni sanguinis puriorem feri portionem in crystallinum faceßere, gemmæ majoris pretii merito comparatum ob admirabilem ipsius splendorem; sed hoc persuaderi non potest, ni saltem pauca de nutrimento crystallini, oculorumque tunicis præmittamus. Auctor de loc. in hom. pag. IIII. vult, per venulas de cerebro humorem transmitti purissimum, & hunc visum alere. vander Lind. med. physiol. purissimi humoris nomine animale intelligit spiritum, vehementem secum sanguinem in conspicuum ad instaurationem humoris in oculo.

Sed libenter scirem, quare in hanc devenerit sententiam Vir Præditus eruditione, multoque Auctorum

eorum studio Ornatissimus; me siquidem latet, humorem animalibus remixtum spiritibus esse purissimum, & in statu naturali cum sanguine misceri spiritus animales, ut fusius infra.

Melius dixisset *Zuingerus in com. tex. 18. lib. de principiis*. per tenuissimum glutinosissimi serum sanguinis ab *Auctore* intelligi, & est exiguum quiddam, quod mittit per tenuia illa vasa, quasi per servitia quædam, choroides tunica ex *Galeno 10. de usu part. cap. 2.* Nullus enim laudabilium humorum est tenuior, atque glutinosior sanguinis sero.

Hoc per choroides arterias sanguini immixtum continuo dispensatur ad oculos, quas optima cum ratione *in alimenti Emperium* genitas *Galenus* proclamat; *loc. tit.* non animalis tamen spiritus, nequè crystallinus humor debet appellari, sed ejusdem crystallini alimentum, cujus puriorem, magisque albicantem portionem suam veluti elicit crystallinus, eaque nutritur, talis cum sit redintegranda ejusdem crystallini substantia, quam propterea calore induratum, orientali margaritæ videmus fieri persimilem.

Quæ superest excrementitia feri quantitas magis viscida, gelu fit vitreus humor ob tenuitatem, & albedinem splendidus; nam si foret nutritius, calore non abiret in aqueum, sicut docet *Autopsia*, verum instar crystallini redderetur solidior. Concurrit humor iste ad visionem, præbendo, qua pollet diaphaneitate, speciebus transitum, & ad quemlibet pupillæ motum una cum totius oculi fabrica detinendo ante uveæ foramen crystallinum, ut ob-

jecto-

jectorum sequatur prompta receptio. Reliquum prædictæ quantitatis excrementitiæ, minusve tenax aqueum remanet, & pertinaci cuicunque calori resistantia simplex, at visioni non plane inutile se manifestat excrementum; minime igitur mirandum, si in adultis reproducatur, prout *Galenus* 1. de *Sympt. caus. cap. 11.* & *Recentiorum* observationes testantur, omnibusve experiri licet in exsiccatiss. candenti ferro avium oculis, quibus non ita prompte reproducitur pars vere spermatica, vigeat quantum velit formatrix eorum virtus, sicut facile post crystallini nutritionem sensim recolligitur aqueus humor: hunc ergo perbelle comparat *Galenus* 10. de *usu part. 2.* tenui, lymphidæque ovorum humiditati; non ideo albumini, quemadmodum vulgo creditur, sed *Auctore Vesalio, Maximo Anatomie Instauratore*, illi humori, qui, dum affatur ovum, sudoris in modum exstillat, hic siquidem excrementitius cum sit, aqueum quoque haud nutritium ostendit.

Ab aqueo humore extenduntur, & humectantur oculorum tunicæ, quibus corrugatis læderetur visio, ut recte observavit *Laurentius cap. de singul. ocul. part.* madidaque uveæ vascula crystallini nutrimento transitum adjuvant. Opinantur aliqui, hunc ipsum humorem species erigere, sed perperam; nam specierum erectio uveæ foramine, & choroidis obscuritate perficitur; male asserit *Galenus* 10. de *usu part. 5.* spiritus cum aqueo humore misceri; si enim purissimi ex eodem, non debent cum excrementis confundi, nec essent extravasati proportionatum animæ instrumentum.

In

In viventibus, ut *Galeno* satisfaciamus, extensa est cornea tunica, quia spirituum copia tument retinæ vasa, a centro nervi optici prodeuntia, & super vitreum distributa, pellunt versus corneam vitreum, & crystallinum humores, a quibus magis extensa splendet: parciore autem affluente spiritu concidunt vasa ipsa, minusve ob id vergunt ad anteriora humores, ac ita finunt corrugari corneam, lædique in senibus visum.

Multæ enumerantur oculorum tunicæ, sclerotes, cornea, choroides, uvea, retiformis, vitrea, & crystallina. Tres rectius ab *Auctore de loc. in hom.* proponuntur, quippe quarum cæteræ partes sunt: sclerotes soliditate concurrit, transparentia vero, qua parte dicitur cornea; choroides è quamplurimis composita vasis, ut ejus nomen significat, apud *Galenum* 10. de usu part. 2. ubique scleroti connectitur, ne ob tenuitatem periclitetur. In ciliari ligamento non desinit choroides, sed ejus vasa uveam constituunt, ut dilatari, atque constringi commode possit, & duplicatis inter sese per uveæ latitudinem anastomosibus, ad ciliare ligamentum eadem revertuntur vasa, relicto recipiendis speciebus pernecessario foramine.

Præparatur crystallino humori alimentum, non in quacunque corporis parte, ne per arterias, dum transmittitur ad oculos, sanguine coinquinetur; sed in uvea oculorum tunica, mediantibus tot vasculis, totque ipsorum anastomosibus, per quas venulæ sanguinem continua seligunt attractione, & usque ad crystallinam tunicam propagatæ ferum diligentissime depurant, quo loci terminantur venæ, suo
utpo-

utpote functæ munere; unde atræ lineolæ crystallinum circumambientes relinquuntur, quas palpebrarum pilis *Anatomici* assimilant. Has intra lineolas multæ extant neglectæ arteriolæ, quia minutissimæ, & sine microscopii artificio vix perceptibiles, quippe depuratum jam continent serum, ac proinde nitidissimum; deponunt hoc inter crystallinum, & vitreum, ac statim dividuntur (meo arbitrato) non amplius perviæ, sed factæ minutissimæ fibræ, crystallini interstruunt tunicam.

Arteriæ ciliari in ligamento albescere incipiunt, eoque magis nigricant venæ, quo plus sinceri sanguinis continent; per totam igitur uveam arteriæ fiunt magis albæ, magisque nigricant venæ. Ad faciliores anastomoses intexuntur venæ & arteriæ, per latitudinem uveæ, hancque propterea varie coloratam nobis exhibent intuendam; non tamen in omnibus similem, tum quia cornea, licet semper pellucida, colore variare solet, quod non latuit *Platerum*, sicut ex ejus *lib. de discoloratione cap. 2.* liquet, tum propter dissimilem vasorum juxtapositionem humores continentium diversimode coloratos, ob varia animantium temperamenta.

Tertia membranarum oculi propria retiformis dicitur molli, mucosæque substantia aspersa; nullo tamen pacto esse tunicam neque colore, neque substantia vult *Galenus* admittere, *citat. de usu part.* eo quod, *si exemptam ipsam seposueris in unum acervum conjiciens, tibi plane videre videre cerebri portionem quamdam exemptam; & sane est substantia cerebri medullaris minutissimis contexta fibrillis, ut una cum tenuitate fervetur spirituum*

uum temperies, qui per easdem feruntur fibrillas, procul dubio patulas, vitrei in superficie, ad quam propter transparentiam accedentibus rerum visibilibus speciebus, sensationes fiunt, & hæ per retiformem ipsam super vitreum expansam primo sensui communi, mox ad perficiendam visionem, & intellectui communicantur.

Dilatatur retina versus crystallinum, ac in se veluti in sacculo, suspicor, vitreum recipere: nam ad hujus evacuationem, quæ eundem continet tunica rursus retiformis evadit, æmulaturque reticulum, a quo sumpsit nomenclaturam; oculorum omnes tunicæ vasa fortiuntur pro nutritione, more spermaticorum, serum sanguinis sibi assimilantes, & hinc apertius fit, cur excedentibus in coitibus lædantur insigniter oculi; quandoquidem uberiori expulso semine, serum sanguinis illius materia ad genitalia pertrahitur; unde debita alimenti quantitate defraudantur non solum tunicæ, sed & crystallinus oculorum humor, quem propterea ex sero oboriri affirmo.

Perstrepunt hic *Anatomici*, crystallinum præcipuum esse videndi instrumentum, quorum sententiam ego quoque admitto, quoniam si omnium primo non reciperet crystallinus videndarum rerum simulacra, nulla celebraretur visio, at eodem in crystallino non fiunt objectorum sensationes: qua enim parte sedet vitrei humoris in sinu, tunicæ expers est, 10. *de usu part.* 6. sic attestante & sensu, mediatque inter ipsum, & retiformem tunicam vitreus humor, ergo in postica crystallini parte fieri nequeunt sensationes; non antè, quia

uveæ arteriæ in amplexu cryſtallini, & vitrei tenuiores quidem evadunt, ibi tamen non deſinunt, verum undequaque adhærent cryſtallino. Anteriorem igitur cryſtallini partem non attingit retiformis tunica, obeundis ſenſationibus perneceſſaria, ſed ad ligamentum ciliare ſe duntaxat porrigit; extenſa igitur ſupra vitreum retina ſentit objecta.

Exſanguia hujus tunicæ vaſa male cenſet *Galenus* 10. *de uſu part.* 2. vitreo humori diſpenſare alimentum; cum deferant pro ſenſationibus ſpiritus; quorum uberrimo affluxu viſionem celebrari fatentur omnes; quid autem ſint iſti ſpiritus, nunquam ad-diſcere potui, nimis enim obſcure tenuiores ſanguinis halitus, vel ut *Alii* loquuntur, vitales ſpiritus a corde in cerebrum elevari, ibique per ulteriorem coctionem in animales converti, docent. Adauxit obſcuritatem *Moebius de fund. med. phyſiol.* ajens: *Subtiliorem, & rubicundiorẽ ſanguinis partem eſſe ſpirituum materiam, quæ circulat, & continuo exaltata ſubtilior evadit*; quandoquidem viſorii ſpiritus certe rubicundi non ſunt, viſionem alioquin redderent depravatam; ne contingat quin imò error aliquis in viſione, pellucidi ſunt oculorum humores, ut rerum viſibilium ideæ propriis, quos obtinent, coloribus accuratius exprimerentur; *Veſling. loc. cit.* ita & ſpiritus tenuiſſimi, atque ſplendidiffimi requiruntur, prout docemur 1. *de Hipp. & Plat. decretis*: perperam igitur deſtinatur pars ſanguinis rubicundior, cum ad ſpirituum perfectionem fit talis color inutilis, & ingenioſiora multa animalia ſanguine careant. *Ariſt. 2. de partibus anim. c. 2.*

Rubicundioris autem sanguinis nomine si perfectiorem intelligeret *Moebius*, cupio doceri, quomodo sanguis halituosus reddi possit subtilior in cerebro, *ad moderandum cordis fervorem genito*, ex *Arist. 2. de part. anim. cap. 7.* aut exponente *Martiano com. in 7. Epidem. ad corrigendam vitalium spirituum caliditatem*, vel ut ut, cerebrum comparative ad cor debere frigidum appellari, nemo ibi inficias; egressus igitur sanguis a corde caloris fonte, debet in cerebro refrigerari; num vero frigore assubtilietur, judicent *Alii*: ego constanti experimento contrarium didici; donec itaque evidentius ostenderint, refrigerio sanguinem attenuari, sequentem fovebo sententiam.

Detruditur a corde in cerebrum sanguis per jugulares arterias multo sero dilutus, quoniam in capite variæ sunt partes eodem alendæ sero, plexuum artificio dividitur a sanguine serum, & ob id mutuæ sunt in ipsis vasorum inosculationes, non autem ut sanguini pateat aditus, nec ut choroidis divaricatio rapidum sanguinis appulsum inhibeat, sicut ingeniose magis, quam vere nuper vulgavit *Clar. Willis lib. de cerebri Anat.* minus vera est communis opinio, in plexibus præparari ulteriore coctione spiritus; quandoquidem plexus intra cerebri ventriculos non essent aëri expositi, si deberet in ipsis perfectior celebrari concoctio. Animales spiritus esse pertenuēs, recte affirmant *Platonici*, conquerantur quantum velint *Arabes*, ut incorporeæ, immortalique animæ mortale, atque caducum corpus uniatur; incredibili alioquin celeritate corpoream non pervaderent molem; non est ergo inconve-

niens essentialiter gigni in cerebro asserere, cum eorum de essentia tenuitas sit, hancque nanciscantur in ipso, licet non per ulteriorem coctionem, quam supponentes *Arabes*, quia increassando procedit, opinati sunt in cerebro etiam spiritus increassari.

An vero in vasis, substantia cerebri, aut in ejus ventriculis producantur, dubia semper res fuit, ob varia *Galen*i loca, propter quæ sibi ipsi non videtur constans, ut *lib. de usu part. de loc. affect. de Hipp. & Plat. decretis*, *Galen*o Recentiores discrepant inter se: *Vesalius* enim in cerebri dextro, sinistroque ventriculo ex ipsorum communi, seu tertio, vi a cerebro accepta, putat animales confici spiritus: *Varolus* censet in molli cerebri substantia fieri, ac residere, neque cavitatibus opus esse. *Columbi* inventum est in coriformi plexu, qui in ventriculis continetur attracto ob continuum cerebri, plexusque motum aëre, vitalem spiritum per carotidas arterias sursum delatum animale evadere. *Piccolhomineus* non admittit generari in ventriculis, sed in plexibus vi a medulla cerebri accepta, genitosque in ventres tanquam promptuaria effundi, conservari, ac in omne corpus distribui asseruit. *Laurentius* in posteriore ventriculo perfici existimat, eos omnes reprehendens, qui defendunt, in plexibus propriam consequi formam. *Bartholinus* animalium præparationem in reti mirabili fieri, magisque in plexu, & alterari in quarto ventriculo ex eo persuadetur, quoniam spiritus cavitatem aliquam requirunt, rejicitque anteriores cerebri finis, excrementorum veluti receptacula. *Thomas Willis lib. cit. defæcationem sanguinis partem intra cerebri, cerebellique meatus profunde instillari, & ac-*
qui-

quisito medullaris substantiæ fermento in purissimos animales spiritus opinatur facessere.

Vanum est substinere, spiritus animales a propriis receptaculis egressos in ventriculorum cavitatem effundi, inquit *Martianus com. 7. Epidem. sect. 1.* idem solide confirmat *Hofmannus adversus Comitem Montanum*, ut apud ipsum videre est *exercitationum libello*. *Praxagoras* judicavit, *Nervos ex arteriolis componi, & per easdem transmitti spiritus ad omnes corporis partes*; reprehenditur a *Galeno 1. de Hipp. & Plat. decret. cap. 7.* facta ascendentium arteriarum omnium dispensatione; sed de iis tantum si intelligatur arteriolis, quæ nullam habent cum venis anastomofin, reprehendi non debet, ejusque sententiam veritati veluti conformiorem, sic *Martianus* exponit loc. cit. *Sicut cerebri medulla ex alba substantia, & arteriis, venisque per ipsam disseminatis conflata est, ita & nervorum interior substantia nil aliud erit, quam multarum arteriarum, capillorum instar, congeries alba illa medullari substantia contenta; unde eadem vasa, quæ arteriæ dicebantur, dum vitalem spiritum nondum in animale transmutatum continebant, in nervos producta eorum fibræ evadunt, per quas spiritus ipsi ad motum, & sensum particulis impertiendum feruntur, atque hoc modo nervi arteriis continuantur.*

Hos ergo advocet *Bartholinus*, non *Erophilum*, nec ex antro *Democritum*, illi siquidem inter cæteros omnis ætatis, & conditionis *Professores* comprehenduntur, docentque nervorum fibras haud dubio patulas esse; quibus si integram non præstaret fidem, *Galenum* iterum legat 3. de natur. fa-

cult. cap. 15. ubi docet, Nervos confici ex fibris, & in mediis earum spatiis succum esse inspersum, qui ipsarum nutritioni maxime convenit.

Non arridet ideo hæc *Galen*i sententia, quoniam nervos comitantur arteriæ, eorum nutritioni inservientes; neque illorum placet opinio, qui per fibras nervos constituentes spiritus ad omnes partes credidere transmitti, cum non sint arteriarum plexuum particulæ, in quibus duntaxat spiritus continentur; verum aliarum deferentium alimentum, quarum fines imperviæ sunt fibræ, & in hoc meretur corrigi etiam *Martiani* recensita doctrina: confundit enim vascula, quibus est contexta medullaris nervorum substantia, cum fibris intextentibus eorundem membranas.

Interior itaque nervorum substantia tenuissimis est contexta vasculis, per quæ præsentialiter moti spiritus ad extrema feruntur, & hæc vascula è plexuum germinant arteriis deferentia selectam spirituum materiam, & est serum ope plexuum à sanguine discussum, quod in ventriculis inspirati aëris frigiditate extenuatur, & in transitu per anfractus cerebri ad tenuem usque meningem, prædictis tamen semper in vasculis, animalium spirituum temperiem contrahit necessariam, & membranæ involventes cerebri substantiam, nervos efformant elongatæ, in quorum medio una cum substantia prædicta visitur multarum arteriarum, capillorum instar, congeries, quam vidit etiam *Baubin*us, mihiq; demonstravit multiplex Bovis cerebrum; demiratus sum quin imò sagacis naturæ artificium in construendis plexibus. Retiformis

mis siquidem oritur circa cerebri basin ex arteriarum carotidum, ac vertebraliū conjunctione, ut enascentia hinc vasa commode eos intra nervos, qui in capite existunt, dispensentur: choroides vero ex varie complicatis contexitur ramulis, qui tum a quarti sinus propaginibus, tum arteriæ carotidis, vertebralisque furculis suppeditantur. Obvius fit in anterioribus ventriculis, & per sinum ventriculorum inferiorem distribuitur, atque vasorum ex eodem in basin sinuum mira propagatio conspicitur, contrario nempe situ; quod factum est admirabili naturæ artificio, ut nervi infra caput distribuendi promptius vasa ipsa reciperent, possentque sic spiritus alioquin subtilissimi, & leves, ad extremos pedes descendere; quod enim suapte natura sursum tendit, non pellit deorsum anima, quicquid *Argenterio Laurentius* respondeat, nisi ob artificialem vasorum structuram.

Martiani ergo opinio, de plexuum solis arteriarum propaginibus, explodenda non est, sensato veluti fundamento suffulta, nec debuisset *Praxagoram Galenus* refellere asserentem, nervos ex arteriis constare, non autem omnibus ascendentibus, sed ex iis, quæ cerebri membranas componunt; id enim diversis in locis *Galenus* etiam admittit.

Arduum est dissipatis spiritibus vasa tam exigua detegere, humano præsertim in cadavere; longe enim tenuioribus spiritibus, quam Bruta, indigebat Homo; ideoque hujusmodi vasa in hominum cadaveribus sensum effugere solent; expedit propterea magnum aliquod eligere animal,

quemadmodum ad deprehendendam optidorum cav-
 itatem hortatur *Galenus lib. 7. de Hipp. & Plat. decret.*
cap. 4. ne, quod natura tam industrie exsculpsit,
 negligentia nostra occultetur, cæterorumque hinc
 dependentium necessaria non habeatur cognitio,
 & præcipue quorundam morborum capitis, nullo
 modo, aut ægrè curabilium.

Concedunt primæ classis *Auctores* duplicem apo-
 plexiam, sanguineam scilicet, de qua *Hippocr. lib.*
4. de rat. vict. in morb. acut. frigidam alteram, quam
 definit *Galenus 3. de loc. affect. 1. & alibi*, hancque
 fieri è succis pituitosis, docet *2. de sympt. caus.* cras-
 sis, viscidis, & frigidis *4. de loc. affect. 2.* obstruenti-
 bus cerebri ventriculos. *2. aphor. com. 42. & 3. a-*
phor. com. 23. & c. Idem transcripsit *Avicenna*, Alii-
 que innumeri hodie substinent. Similem tamen
 sententiam falsam esse, multi feliciter demonstra-
 runt, eamque *Hofmannus* reprehendit *adversus*
Montanum citato exercitationum libello.

Quibus minime obstantibus, non desunt, qui
 mordicus, & contra sensum *Galen*i tuentur doctri-
 nam; quapropter aveo doceri, quomodo debili
 apoplexiæ succedere soleat vocata paralyfis *ex Ga-*
leno 4. de loc. affect. 2. curve illæsis faciei partibus in-
 feriora membra sensu, motuque priventur, quod
 circa primum spinalis medullæ processum aliquam
 arguit dispositionem *ex ipso Galeno 3. de loc. affect.*
c. 10. Nequeo enim percipere, qua via feratur
 crassa, frigida, aut omnino viscida materia tem-
 pore apoplexiæ, ventriculorum cerebri cavitates
 ex toto replens, ad prædictum spinalis medullæ
 processum; manifestum cum sit, cerebri ventricu-
 los

los pertenui subcingi membrana, & nervos ab ipsis non oriri ventriculis; unde deberet eandem crassam, viscidamque materiam jam dictam ventriculorum tunica transfudare, quod ab omni ratione, & possibilitate est alienum; nec sibi fidem conciliant, quum asserunt, naturam ignotas adinvenire vias, quoniam eos adhuc latentia docent.

Est etiam creditu perdifficile, a semiobstructione ventriculorum cerebri adeo irritari eorundem membranulam, ut sequantur Epileptici affectus: ventriculi enim expurgandis fuere destinati excrementis, quibus fere semper scatent, nimis ergo frequens foret Epilepsia. Nec est probabile, ad illius membranulæ irritamentum adeo fortiter totum convelli corpus, prout Epilepticis contingit; quapropter comitiales morbum tunc existimo suscitari, quando flatus deleteria, ut ajunt, qualitate peccantes cum animalibus remiscuntur spiritibus, & peculiaribus vasculis ad piam matrem sensus, motusque Auctricem, perveniunt, quæ ad noxii expulsionem illico insurgit, contrahitur, seque concutit irritata, caeterarumque membranarum corporis convulsivos motus producit, sicut *in quest. med.* acute docet *Casalpinus*.

Sanguineam apoplexiam produci jugularibus obstructis venis, ob animalium spirituum defectum, in scholis vulgatum est; obstruuntur tamen arteriæ, verum non ex eo, quod cessant conscendere vitales spiritus, adeo pereunt animales, ut illico fieri debeat apoplectica affectio; & quamquam disputet *Galenus 2. de dogmat. Hipp. & Plat.* contra

Peripateticos, ac ostendat, non influere vim animalem a corde, quia facta carotidum constrictione statim non inde fit apoplexia: docet tamen *lib. 1. de Sympt. caus. cap. 5.* quod si paralyfis in omnes incidat nervos, illicò totum corpus sensu, motuque privat, at mortem celerem respiratus privatione infert; hic nomine universalis paralyfis apoplexiam Galenus intelligit, quæ utinam non esset repentina, sicut de sanguinea carotidum ligatura studeuit ostendere *lib. 2. de plac. cap. 6.* cujus experimento satisfacerent *Peripatetici*, si prædictam ob ligaturam dicerent, intercipi quidem alimenti transitum, non autem spirituum per internas ascendentium arterias, quas integrè colli ligatura (vita superstitè) non constringit: ob id tamen non arbitror, vitalium spirituum defectu exoriri apoplexiam, quippe animales dari spiritus fateor, atque sustineo; sed opinor, tumentibus valde venis, & cerebri arteriis, particularia comprimi spirituum vascula, quæ per anfractus cerebri distributa illarum fulcimento ad meningem perveniunt, quibus compressis, statim spiritibus occluditur transitus, caditque quasi fulgure percussum animal, quo tandem jugulato vas aliquod capitis sæpe disrumpitur, ac sanguis prius in vasis reclusus, & compressionis auctor, extravasatus creditur mortis causa.

Frigida apoplexia (si datur) fit in senibus op-pletis plexuum arteriis crassitie, & cruditate utriusque alimenti, propter quam selectior feri portio, aut nequit è plexibus producta vascula ingredi; unde fortis, ac incurabilis oritur; vel naturæ conatu, ascendentisque sanguinis motu truditur ipsa
cras-

crassities in aliqua eorum vascula, quæ è plexibus germinare jam diximus, & restituto spiritibus aliorum vasculorum transitu, in paralyfin alicujus partis demigrat. Conticeo plura, alibi (forsan) proferenda, cum Lectoris mentem benignam novero, interea

Nunquam Judicium facere imperitos viros permittes.

PHOCILIDES.

CORRIGENDA.

Pag. 36. lin. 29. pro *ejusve* leg. *ejusque*. 82. l. 8. post *nostro* adde *non*. 83. l. 3. & 86. l. 21. pro *vasibus* l. *vasis*. 95. l. 10. pro *dispensatur* l. *separatur*. 108. l. 4. 9. 14. pro *bilarium*, *bilarius*, *bilarium*. l. *biliarium*, *biliarius*, *biliarium*. 176. l. 29. pro *deviciari* l. *demirari*.

Handwritten notes in the top left corner, possibly in Arabic script.

THE UNIVERSITY OF CHICAGO
LIBRARY
CHICAGO, ILL.
1900

THE UNIVERSITY OF CHICAGO
LIBRARY
CHICAGO, ILL.
1900

THE UNIVERSITY OF CHICAGO

LIBRARY

CHICAGO, ILL.
1900



